CARACTERES DE LA DOVLEVR.



ADVIS AV LECTEVR.

E Mot de DOVLEVR qui fait le tiltre de ce Chapitre, est vn terme general qui se prend pour la Tristesse & pour la Douleur sensible. Car nonseu-

lement on dit d'un homme qui est affligé, qu'il a de la Douleur, qu'il faut auoir Douleur de ses pechez., El que l'on sent de la Douleur dans la partie qui a esté blessée; Mais encore puisque la Tristesse El la Douleur corporelle ne sont qu'une mesme espece de Passion, comme nous monstrerons, elles doiuent auoir un nom commun qui ne peut estre autre que la Douleur, car celuy de Tristesse ne se dit iamais que de l'esprit. C'est donc en ce sens-là que nous nous en seruons au commencement de ce discours; quoy que dans la suite nous l'appliquions ordinairement à la Douleur corporelle.

LES

CHARECTERES

DES PASSIONS.

VOLVME IV.

Où il est traitte de la Nature & des Esfets de

LA DOVLEVR.

Par le Sieur DE LA CHAMBRE, Conseiller du Roy en ses Conseils, & son premier Medecin Ordinaire.



A PARIS,

Chez IACQVES D'ALLIN, ruë Saint Iacques, au coin de la ruë de la Parcheminerie, à l'Image S. Estienne.

M. DC. LXII. Auec Prinilege de sa Majesté.

Marriago Se

APPAR No mante





CHARACTERES DE LA DOVLEVE

PREMIERE PARTIE.



Ovr le monde parle de la Eloge de Douleur, comme si c'estoit leur. le poison de l'esprit, le tourment du corps & l'horreur de la Nature; rous les ani-

maux la fuyent; Les hommes en font le souverain mal; Et les Philosophes mesme ne veulent pas que leur Sage la ressente, comme si ell'estoit l'ennemie de la Raison & de la Felicité.

Mais n'y auroit-il point quelque erreur-

dans tous ces sentimens? car ensin la Douleur est vne Passion; et il n'y a point de Passions qui de soy ne soient vtiles & necessaires: ruisque ce sont des mouuemens que la Nature inspire à l'Animal pour sa conservation; et qu'il n'y a pas d'apparence qu'en ce point elle se soit trompée, estant si sage comm'ell'est, ny qu'elle l'ayt voulu tromper estant si bien-saisante.

Asseurement on a pris la cause de la Douleur pour la Douleur mesme; on a consondu le mal auec le remede, & l'on a attribué les désordres qu'apportent les maux à la Passion qui les fuit, & qui tasche d'en as-

foiblir la violence.

Non, la Douleur n'est pas le veritable mal qui nous touche, c'est l'Infamie, c'est la perte d'vn amy, ce sont les maladies & les autres malheurs qui arriuent dans la vie; et la Passion qui suruient à ces accidens, n'est autre chose que la fuite où l'Ame s'engage pour se sauuer du peril où ils la precipitent. Si cela est ainsi, qui oseroit dire que la fuite du mal sut vn mal? que les soins de l'éuiter fussent contraires à la

vie ? et qu'vne precaution si necessaire fust

incompatible auec la sagesse?

Mais ie diray bien dauantage: quand la Douleur seroit vn mal, ce seroit vn mal vtile & necessaire sans lequel la vie seroit non seulement exposée, mais tout à fait abandonnée à la violence des choses qui la peuuent destruire. Car comme le Plaisir est vn attrait que la Nature a messé auec la jouyssance des biens, afin de solliciter l'Animal à les rechercher plus ardemment; ell'a joint aussi la Douleur à la rencontré des maux, comme vn signal qui le doit aduertir du danger où il est prest de tomber, & des essorts qu'il doit faire pour s'en garantir.

En effet si l'approche du seu n'estoit point douloureuse, il se trouueroit à la sin que le corps en seroit consumé auant qu'on s'en suft aduisé: Si les blesseures estoient insensibles, on ne se mettroit pas en peine de les éuiter, & tres souuent les plus legeres penetreroient iusques aux sources de la vie, si la Douleur ne conseilloit de suyr ou de se mettre en desseuse. Ensin si l'Assistion

ne succedoit aux malheurs qui nous arriuent, outre que les plus nobles & les plus genereuses vertus ne seroient plus d'aucun ysage; nous serions priuez de l'instruction que les aduersitez nous donnent, & nous ne sentirions point cét aiguillon qu'elles portent auec elles pour picquer & reueiller nostre esprit, & le tirer de l'assoupissement où la prosperité a de coustume de le ietter.

Mais cette Passion n'est pas seulement vtile aux particuliers, elle l'est encore à la societé ciuile, qui seroit sans elle vne assemblée d'Animaux sauuages, ou de qui l'on pourroit dire plus veritablement qu'on n'a fait des statuës de l'ancienne Rome, que ce seroit vn peuple de pierre & de marbre. Car puisque la compassion est vne Douleur qui nous attendrit le cœur & qui nous sait ressentir les peines & les afflictions d'autruy, il est certain que celuy qui n'en est point touché n'a pas le cœur humain, qu'il a la dureté des marbres ou la ferocité des bestes, & qu'il ne merite pas de viure parmy les hommes. Ouy sans doute, la Compassion de la co

fion est vn des plus forts liens qui les joint & qui les vnit ensemble, elle les engage en mesmes interests, elle leur persuade de se secourir l'vn l'autre, & leur donn een esset des armes ou des remedes pour chasser ou pour adoucir leurs maux. De sorte qu'on peut asseurer qu'elle ne rend pas seulement la societé commode & agreable, mais encore que c'est elle principalement qui l'a establie & qui la conserue.

Si l'on veut mesme consulter la Religion qui sçait le veritable vsage de nos Passions, elle nous apprendra que la Douleur est l'vnique remede qui purifie nostre Ame, qui la guerit des vices qu'ell'a contractez, & qui la preserue de ceux où elle peut tomber. Et quoy qu'elle nous promette la souueraine Felicité, elle nous monstre en mesme temps, que le chemin qui nous y doit conduire est tout semé d'espines & arrosé de larmes; qu'on n'y peut entrer qu'auec les peines & les soussirances; et qu'apres auoir surmonté toutes les dissicultez qui s'y rencontrent, on trouue enco-

re au bout la crainte & la terreur qui sont inéuitables. De sorte que selon ses maximes, aussi bien que celles de la Nature, il faut croire que sans la Douleur les hommes seroient miserables, & que le plus grand mal qui leur pouuoit arriuer, c'eust esté de ne sentir point le mal,

Apres cela, aurions-nous à dire quelque chose contre cette Passion, & pourrions-nous trouuer des raisons pour soustenir l'auersion que l'on a contre elle, & pour approuuer les desordres dont on l'accuse Quy certainement, elle n'a pas plus de priuilege que toutes les autres, qui bien qu'elles soient quelque sois vtiles, sot neant-moins dommageables en mille rencontres; et qui pour estre inspirées de la Nature, ne laissent pas de corrompre souuent la Nature,

Car enfin quelque sage que soit cette secrete Intelligence qui gouuerne l'Animal & que nous appellons Nature, elle se trompe souuent dans les desseins qu'elle sorme, & les essets ne respondent pas toussours

aux conseils qu'elle prend. Combien de fois irrite-t-elle les maladies en les youlant dompter? Combien de fois les rend-elle indomptables en ne les voulant pas irriter? Il est vray qu'elle inspire la Douleur comme vn moyen par lequel l'Ame doit fuvr ce qui l'offense; mais cette fuite qui semble necessaire, la jette en vn plus grand mal; et pour éuiter celuy qui l'attaque par le dehors, ell'en fait naistre vn autre au dedans qui la remplit de trouble & de confusion, & qui la met dans le mal-heureux estat où elle se trouue. Car en fuyant le mal, ell'en porte l'image & le charactere jusques au fonds de l'Appetit, & comme elle ne peut fouffrir sans vne extréme peine qu'vne chose si odieuse la penetre si auant & se confonde auec elle, elle se figure le peril plus grand qu'il n'est, & accroist ainsi le desordre ou ell'est tombée.

Ie veux bien que la Douleur serue de signal pour aduertir du danger où l'on est prest de tomber: Mais c'est vn signal qui donne plus d'essevo que de precaution, & lon peut dire que c'est vne sentinelle timi-

de, qui donne souuent l'allarme sans sujet, & qui estonne l'Ame au lieu de l'asseurer.

Elle n'est pas à la verité inutile à l'instruction des hommes, à la societé ny à la Religion mesme : Mais dans ces rencontres elle garde la moderation qui l'exempte de blasme & qui la met au rang des vertus. Car il n'y a que lesmedio cres afflictions qui nous instruisent & qui reueillent nostre esprit; Les trop grandes le troublent & l'accablent. Et la Compassion est vne Douleur si moderée qu'on n'en peut jamais condamner les excez, ses atteintes, par maniere de dire, ne sont que superficielles, & si ell'attendrit le cœur, elle ne le flestrit pas comme fait la Tristesse. Quant aux peines que la Religion ordonne, elles sont adoucies de tant de consolations, qu'on les peut appeller des douleurs agreables.

Mais comme on ne peut connoistre le naturel des animaux farouches, quand ils sont foibles ou qu'ils sont appriuoisez, il ne faut pas aussi juger de la malice de cette Passion par ce qu'elle fait dans la foiblesse où elle se trouue ou dans la retenue que la Raison luy donne. Il la faut considerer dans la violence & dans les excez qui luy sont ordinaires, & voir les desordres qu'elle apporte à l'Ame & au Corps, & les malheurs qu'elle cause dans la vie commune

& priuée.

Dans cette veuë, il est impossible qu'on ne la reconnoisse non seulement pour la plus pernicieuse de toutes les Passions, mais encore pour l'ynique cause qui fait tous les maux de la vie. Car puisque le Mal n'est proprement Mal qu'entant qu'il est sensible, c'est vne necessité que la Douleur fasse tout le mal, puisqu'il n'y a qu'elle qui le fasse sentir. Or si cela est veritable, sans elle nous n'aurions point d'ennemis, puisque nous n'aurions point de maux à craindre; il ne faudroit plus parler de Haine, de Colere ny de Desespoir, & peut estre que la Trahison & la Cruauté ne seroient presque pas conuës sans elle. Sans elle enfin la vie se passeroit dans vn calme &

vne tranquillité continuelle; La course n'en finiroit qu'apres vne longue suite d'années heureuses & agreables; et sans faire naufrage, elle arriueroit presque tousiours au port que la Nature luy auroit marqué. Car il est certain qu'il n'y a rien qui accourcisse tant les jours que la Douleur, elle esteint la chaleur naturelle, elle consume toutes les forces du corps, & l'on peut dire hardiment que celuy qui la ressent ne vit plus, puisqu'il ne jouyt plus du bien de la vie.

Mais nous ne voulons pas augmenter le nombre de ceux qui la blasment; Les plaintes que l'on fait contre elle sont trop publiques & trop generales : et il suffit pour nostre dessein que nous en fassions la Peinture, où l'on pourra remarquer la plus-part des biens & des maux qu'elle cause.

La Peinture de la Trifte Se, ption d'un Homme affligé.

TE Peintre ingenieux, qui voulant representer vn Prince extremement afflion descri- gé, suy mit vn voile sur le visage, dans le desespoir qu'il eut que son pinceau n'en peust exprimer la Douleur, nous montre bien

que le portrait de cette Passion n'est pas si aisé à faire qu'on se pourroit imaginer: et que s'il y a tant de peine à tracer ce qui en tombe sous le sens, il saut qu'il y en avt bien d'auantage à peindre ce qu'ell'a de caché. Car ce qui en paroist aux yeux n'est que la moindre partie des traits qui en doiuent composer la figure; et il y a vne plus grande diversité dans les mouvemens qu'ell'excite en l'Ame, qu'en ceux qu'elle imprime sur le corps. Voyons donc si la Plume sera plus heureuse que le Pinceau. & si les paroles pourront exprimer non seu-lement l'air & les lineamens du visage; mais encore les pensées & les desseins que produit cette Passion.

Pour cela il la faut mettre en son jour, & la peindre en l'estat où elle se fait remarquer dauantage: et à mon aduis on ne peut choisir vne figure qui soit plus propre à representer sa violence que celle d'vn homme qui vient de perdre la personne qui luy estoit la plus chere; ruisque de toutes les afflictions c'est celle qui trouble dauantage l'esprit & le corps.

Figurons nous donc vn Pere à qui la Mort vient de rauir vn Fils bien aymé. C'est vn coup mortel pour luy qui luy perce le cœur, qui penetre jusques aux plus sensibles parties de son Ame & qui luy cause vn saississement si douloureux, qu'à le voir on diroit qu'il va perdre la vie; il deuient passe, sa veuë s'esblouït, ses sorces l'abandonnent, ensin il tombe en defaillance.

Apres qu'il est reuenu à soy, ayant les yeux tournez vers le Ciel & l'estomach tout pantelant, il s'essforce vainement de parler, & on n'entend sortir de sa bouche que des crys pitoyables & de longs gemissemens entre-coupez de soûpirs & de sanglots. Les larmes mesme qui seruent de soulagement aux miserables, luy manquent en cette rencontre, & il a encore le desplaisir de se voir les yeux secs pour le mesme sujet qui fait sondre en pleurs tous ceux qui sont auprez de luy.

Mais pendant que sa Douleur est ainsi contrainte, & qu'elle n'a pas la liberté de sortir au dehors, elle exerce toute sa violence au dedans: Elle luy serre le cœur & luy deschire les entrailles, elle met son ame à la torture, & fait entrer en son esprit les plus fascheuses pensées qui se puissent conceuoir. Car tantost il se represente ce cher Fils dans le plus deplorable estat où il ayt esté, tous les funestes accidens qui ont deuancé sa mort, les efforts inutiles qu'il a faits contre le mal, les discours tendres & passionnez qu'il luy a tenus; et il luy semble encore que le dernier soûpir qu'il a jetté exprimoit le doux nom de pere & luy disoit le dernier adieu. Tantost il pense à tout ce qui a peu contribuer à sa perte; il en accuse l'yn, il en soupçonne l'autre; il blasme le regime qu'on a obserué, il condamne les remedes que l'on a donnez; il n'y arien qui soit exempt de ses reproches: Mais enfin il se trouue le plus coupable, & croit que s'il eust donné les conseils, que s'il eust fait les choses qu'il deuoit, ce malheur ne luy fust point arriué.

Il s'estonne mesme de ne l'auoir pas preueu, & il ne sçait comment il n'a point ouuert les yeux ny l'esprit à tant de signes

& de presages qui le suy annonçoient. Car les songes fascheux qu'il a faits, les secretes tristesses qu'il a ressenties, les crys des oyseaux funebres qu'il a entendus & cent autres sinistres rencontres qu'il a euës, en estoient sans doute les tristes messagers; et il void bien qu'il estoit en son pouvoir de le preuenir s'il eust sçeu prositer de tous ces aduertissemens.

Le Regret & le Despit succedant à ces pensées, & se joignant à sa premiere douleur, vne certaine Fureur desesperée le saissist & le transporte hors de luy-mesme; il se tord les bras & les mains, il se frappe les cuisses, il deschire ses vestemens, il s'arrache les cheueux, il se bat la teste contre les murailles & fait des crys ou plustost des hurlemens si estranges qu'ils donnent de la terreur & de la pitié à tous ceux qui l'entendent.

Cét orage estant passé il entre en vn profond silence, & tenant la veuë sichée contre terre & laissant tomber nonchalamment ses mains entrelassées, il r'appelle en son esprit toute la vie passée de cét aymable Fils, les dons de nature qu'il auoit, les verrus qui se formoient en luy & les employs où il le destinoit, comme celuy qui deuoit estre l'appuy & la consolation de sa vieilleffe.

Mais pendant qu'il se laisse emporter à toutes ces vaines imaginations, le fouuenir de cette mort deplorable en vient tout d'vn coup arrester le cours : et comme il void qu'ell'a destruit en vn moment ce que la Nature & ses soins auoient à son aduis rendu de plus accomply sur la terre, & qu'elle a moissonné les plus justes esperances qui pouuoient estre conceuës : il l'appelle perfide & cruelle, il s'escrie contre le Ciel & l'accuse d'injustice, & condamne enfin la Prouidence qui gouverne le destin des hommes.

Ces blasphémes ne sont pas pourtant plustost sortis de sa bouche qu'il en ale repentir dans le cœur; et s'excusant sur la violence de sa passion, il dit que c'est elle qui les a proferez & non pas luy, que dans les transports qu'elle luy cause, il n'est pas maistre de ses paroles ny de ses pensées,

& qu'il ne faut pas s'estonner si vn homme qui a fait vne si grande perte, perd encore le sens & la raison.

Comme ces considerations luy donnent des sentimens plus raisonnables, il consesse que ses plaintes sont en esset injustes & inutiles, qu'encore que l'affliction dont Dieu le visite soit fort rude, il l'a neantmoins bien meritée, & que c'est vn esset de sa bonté de luy auoir osté l'objet qui occupoit toutes ses assections, & qui l'attachoit trop aux choses de la terre.

Sur cela il se dispose à souffrir constament son infortune, & demande au Ciel la sorce & la patience qui luy sont necessaires. Mais ces resolutions ne sont pas de longue durée, & ne sont, s'il saut ainsi dire, que de soibles rayons qui percent pour vn moment la prosonde tristesse où il est abysmé. Car apres s'estre persuadé que sa Douleur est juste, & que ce seroit ossense la Nature que d'estre insensible en cette occasion, il s'abandonne à toutes ces cruelles pensées qui l'ont desia tourmenté, & croit qu'en ces rencontres la constance est vne dureté de cœur, & la pa-

tience

tience vne stupidité; il condamne mesme ceux qui taschent de le consoler comme des personnes qui n'ont aucun sentiment d'humanité, qui ignorent les tendresses d'vn pere, & qui n'ont jamais esprouué ce que

couste la perte d'vn fils.

A ce nom de Fils, son ame se trouble, son cœur s'attendrit & les larmes qui iusques alors auoient esté retenuës, commencent à sortir auec liberté; il les sent couler toutes chaudes sur son visage, & les messant auec les soûpirs & les sanglots, il s'efforce de parler & de faire connoistre le deplorable estat où il se trouve. Mais ses paroles ne sont que des mots entrecoupez & des cris aigus, qui sortent auec tant d'empressement, qu'ils s'empeschent & s'estouffent l'vn l'autre.

Neantmoins quand ce tumulte vient à s'appaiser & qu'il luy donne la liberté de se faire entendre; ayant les bras croisez sur son estomach, la veuë tournee vers le Ciel & la teste vn peu panchée de costé, il commence ses plaintes par vne grande exclamation, & puis d'yn ton lugubre il dit des cho-

ses si tendres & si pitoyables, qu'il n'y a point de cœur si dur qui n'en soit touché. Apres auoir exageré sa perte par toutes les circonstances qui la peuuent rendre plus sensible, on le void les yeux baignez de larmes jetter quelques regards languissans vers ceux qui sont auprez de luy; et d'une voix tremblante & mal asseurée, il leur demandes'ils ont jamais veu vn hommeplus affligé qu'il est, s'il n'est pas le plus malheureux qui soit aumonde, & s'il n'a pas raison de hayr sa vie qui l'a rendu spectateur d'vn si deplorable accident. Puis s'addressant à la Mort comme si ell'auoit quelque sentiment, il l'appelle pour mettre fin àses ennilys; & se plaint de ce qu'ell'est si lente pour luy, ayant esté si precipitée pour cet aymable fils: Il luy redemande enfin cette chere partie de son cœur qu'elle luy a arrachee auec tant de violence & contre l'ordre de la Nature.

Voila comme il passe les premiers iours de sa Douleur en la presence de ses amys. Mais quand il est seul, & que les tenebres

DE LA DOVLEVR. 19

& le lit l'ont deschargé de ces visites importunes, toutes les fascheuses images qui auoient irrité sa Passion retournent en sa pensée; mais c'est auec vn appareil bien plus lugubre & plus funeste qu'elles n'auoient encore fait. Comme elles ne sont point alors affoiblies par les divers obiets quipartageoient son esprit, & que la solitude & l'obscurité les rendent plus affreuses, elles luy representent sa perte bien plus grande qu'il ne l'auoit conceuë, & adioustent à tous les ressentimens qu'il en auoit eus, ceux que l'extreme desespoir a de coustume d'inspirer. Car il luy prend enuie de terminer ses iours par quelque violence, il songe mesme aux moyens qu'il pourroit employer pour cet effet, & si quelque reste de raison ne le retenoit, il executeroit sur le champ vn si brutal & si furieux dessein.

Il quitte donc ces detestables pensées, mais c'est pour en former d'autres qui ne sont guiere moins criminelles. Comme si la Fureur apres l'auoir espargné luy demandoit d'autres victimes, elle luy remet en memoire tous ceux qu'il pense estre cause

de son malheur, & luy persuade d'en tirer la plus cruelle vangeance qu'il pourra. En effet il se laisse emporter à tous les mouuemens que la Haine, l'Indignation & la Colere sont capables d'exciter & dans les violantes resolutions qu'elles luy font prendre, il s'agite, il se leue en son scant, il parle & s'escrie comme vn homme qui croit estre aux mains auec ses ennemis & quitire raison de l'offense qu'il en a receuë.

Apres s'estre ainsi vainement tourmenté le corps & l'esprit, il se replonge dans sa premiere tristesse, & passant d'vne extremité à l'autre, il sent couler vn frisson par tous ses membres, il tombe en vne defaillance generale de forces & de courage, & il luy semble qu'il a vn poids dans l'estomach qui luy presse le cœur & qui luy oste

la liberté de respirer.

Il tasche bien de s'en descharger par les grands & les profonds soûpirs qu'il jette, il sent mesme que les larmes luy donnent quelque allegement & croit qu'à force de pleurer, il doit enfin tarir ou diminuer sa douleur. Mais il ne jouyt pas long temps de ce foible & triste plaisir; car la Crainte qui se vient messer auec son affliction arrefte tout d'vn coup ses soûpirs & ses larmes, & luy fait presque oublier ses maux presens, pour le tourment er de ceux qui sont à venir & qui peut estre n'arriueront jamais. Comme elle luy persuade qu'vn mal-heur n'a point accoustumé de venir tout seul, il s'imagine que celuy qu'il souffre n'est que l'auant-coureur d'vne infinité d'autres qui le vont accabler. Tantost il se figure que ses ennemis prendront auantage de sa perte, & que son âage & sa foiblesse l'exposeront à leur mespris & à leur violance, n'ayant plus personne qui le puisse vanger. Tantost il croit que la Mort ne sera pas satisfaite de la proye qu'ell'a enleuée & qu'elle se prepare à luy rauir encore quelques vns de ses plus chers amys; que c'est peut-estre à luy qu'elle s'adressera; et quoy qu'il l'ayt souuent desirée, comme le port qui le deuoit mettre à couvert de tous les orages dont il est battu, il la regarde & la craint alors comme l'escuëil où les restes de sa vie & de ses esperances vont faire naufrage.

Enfin il n'y a guiere d'infortunes & de calamitez où vn homme malheureux puisse romber, qui ne se presentent à son esprit & qui ne luy donnent quelque terreur.

Pendant que son ame est agitée de ces Passions, son corps souffre toute l'inquietude qu'elles ont accoustumé d'y exciter. Il ne peut demeurer en mesme place ny en mesme posture, il se tourne incessamment de costé & d'autre, & il passe les nuits sans fermer l'œil & sans auoir aucun repos. Il est vray qu'à la longue le besoin de la nature & sa lassitude l'assoupissent; mais c'est auec tant de peine, qu'on peut dire qu'il ne peut alors ny veiller ny dormir; au moment qu'il s'endort il se reueille en sursaut, & apres auoir ainsi long temps combatu, si le sommeil se rend enfin maistre de ses sens, il fait des songes si fascheux qu'ils ne le trauaillent guiere moins que les pensées qu'il a durant la veille. Car il ne s'y represente ordinairement que des spectres, des morts & des funerailles : il y a tousiours dans ses visions des tenebres, des orages

on quelqu'autre desordre de la nature; sounent il luy semble qu'on luy emporte son thresor, qu'on luy arrache le cœur ou qu'on luy a creué les yeux. Et quoy que tous ces maux foient imaginaires, ils luy donnent neantmoins la mesme peine que s'ils estofent veritables. La joye mesme qu'il a quelquesfois en songeant que ce cher Fils a recounert la vie luy est si cruelle, qu'elle se destruit elle-mesme en le reueillant, & ne sert qu'à rendre sa premiere douleur plus cuisante & plus sensible.

Apres qu'il a ainsi passé les nuicts, les iours qui leur succedent ne luy sont pas plus fauorables: Car tous les obiets qu'ils luy font paroistre renouvellent les sentimens de sa perte. S'il se trouue aux lieux que son Fils ayt aymez, s'il void quelque chose qui ait serui à ses plaisirs, s'il rencontre quelqu'vn de ses amis, son cœur tressaut, & apres auoir jetté quelques soûpirs il baisse la teste & les yeux pour cacher les larmes qu'il ne peut retenir.

Mais en quoy il est le plus à plaindre,

c'est qu'en ces occasions & en cent autres semblables il ne se plaist qu'aux choses qui accroissent ou qui entretiennent sa tristesse. Il fuit tout ce qui le peut soulager, il recherche tout ce qui l'afflige : et l'on peut dire que sa passion se nourrit de son propre venim, & que luy-mesme se sert de poison pour adoucir son mal. Car il ne luy faut parler d'aucun diuertissement agreable, ce qui resiouyt les autres le chagrine, les assemblées & les ieux l'importunent, la lumiere mesme & le beau temps luy desplaisent, & il trouue que la nuict & les jours sombres sont plus conformes à son humeur. Il ne veut point d'autre compagnie que celle des personnes affligées & mal-heureuses, tout son plaisir est d'entendre leurs infortunes & de leur dire les siennes, de messer ses pleurs & ses plaintes aux leurs: Et quelque extreme que soit leur ennuy, il croit & tasche tousiours de leur persuader que le sien est le plus grand & le plus difficile à supporter.

Hors cét entretien, il éuite tous les autres & fuit à ce dessein les lieux qui le peu-

uent

uent engager à faire ou receuoir des visites: S'il est à la ville son appartement est le plus reculé & le plus obscur; s'il est à la campagne on ne le trouue qu'au prosond des forests ou dans les endroits les plus sau-

uages & les plus escartez.

C'est là où il s'abandonne entierement à sa douleur, & où ne trouuant rien qui le destourne des funestes pensées qu'elle infpire, il se laisse aller à tous les excez dont elle est capable. Elle luy fait enfin oublier le boire & le manger, & ne se nourrissant, s'il faut ainsi dire, que de l'amertume dont son cœur est remply, & des larmes qui coulent incessamment de ses yeux, il se fait vn si grand changement en sa personne qu'il en deuient mesconnoissable. Car tantost son esprit paroist égaré, tantost il semble qu'il est deuenu stupide, il ne respond rien à ce qu'on luy dit, ou s'il y repond c'est à contre sens ou à contre temps: Et il est dans vne insensibilité si estrange, qu'il ne se soucie plus ny d'amys ny d'ennemys, de ses affaires propres ny de celles d'autruy. De ciuil & affable qu'il estoit,

il s'est rendu austere & farouche; les moindres choses le despitent & le mettent en colere; cette humeur actiue & officieuse qu'il auoit auparauant, s'est changée en vne nonchalance & vne paresse si esspourantable, qu'il est impossible de l'obliger à faire vn pas pour qui que ce soit, & il est à croire que s'il voyoit sa maison tomber, il ne se remuëroit pas pour en éuiter les ruïnes.

Cependant son corps ne souffre pas vne moindre alteration, son visage deuient passe le & deffait, son front se couure de rides, ses sourcils sont abbatus, ses yeux s'enfoncent & se ternissent & son poil blanchit auant le temps. Il a presque tousiours la teste & la veuë baissée, & quand il regarde quelqu'vn on diroit qu'il a de la peine à mouuoir les yeux & qu'il n'a pas la force d'affermir ses regards. Ses paupieres sont rouges, ses levres sont passes, & les extremitez de sa bouche se referrent comme s'il vouloit pleurer. Quand il marche il est tout courbé, ses pas sont lents & son alleure est languissante; mais pour l'ordinaire il

avme d'estre couché ou assis, & rarement le voit-on en cét estat qu'il n'ayt la teste appuyée sur vne de ses mains, resuant pro-

fondement & regardant la terre.

A mesure que sa Tristesse prend de plus longues racines, elle fait aussi plus d'impression sur luy & le minant peu à peu, elle dissipe toutes ses forces & destruit entierement sa santé. Ses flancs deuiennent durs & tendus, sa respiration est empeschée, son pouls est lent, dur & petit, & son cœur souffre à tous momens quelque agitation extraordinaire. De fois à autre il luy prend des terreurs si estranges, qu'il n'y a rien qui le puisse r'asseurer, il soûpire & gemit incessamment, & refuse toute sorte denourriture & de remedes. En suite vne fievre lente s'allume dans ses veines qui acheue de le consumer, & qui le rend semblable à vn squelete qui pour toutes marques de vie n'a plus qu'vn reste de voix casse & soible qu'a peine sçauroit-on entendre. Enfin apres auoir long temps languy de cette sorte, le moment fatal qui doit terminer ses jours & ses ennuys estant prest d'arriver,

il en sent les approches auec quelque sorte de plaisir, & tesmoigne que la mort luyest douce qui le va rejoindre à la plus chere partie de son ame. En effet la clarté de ses veux est desia esteinte, & ses levres sont toutes mortes qu'il y fait paroistre encore quelqu'ombre d'vn leger fouris, & l'on diroit que la loye & la Douleur s'y sont confondues. Mais cela ne dure pas long temps, les derniers syncopes qui le surprennent couurent son visage des horreurs de la mort. & étouffent en sa bouche le nom de ce cher Fils qu'il commençoit à prononcer; il n'en profere que la moitié, le reste meurt aucc Îuy, & laisse à douter si le dernier soûpir qu'il jette en ce moment est vn eslans d'Amour ou vn effort de la Douleur.

Ce sont là les effets que la Tristesse produit dans une personne extremement affigée: Et quoy que les sentimens que l'on a pour la mort d'un Fils ne soient pas semblables à ceux que l'on a pour celle d'un amy, moins encore pour la perte de l'honneur ou des biens; neantmoins les princi-

paux mouuemens de l'Ame & les plus confiderables alterations du Corps se trouuent également en toute sorte d'affliction, & s'il y a quelque difference, elle n'est qu'au plus & au moins, les vns estant plus violens

ou plus longs que les autres.

Car yn homme qui tombe dans la disgrace du Prince ou qui se trouue ruyné par vn incendie ou par vn naufrage, ne pense non plus qu'yn Pere qui a perdu son Fils, qu'au mal-heur qui luy est arriué & aux suites dangereuses qu'il peut auoir ; il se desespere comme luy, il peste & blasphéme contre le Ciel & contre ceux qui en sont la cause : il refuse toutes les consolations qu'on luy donne, il fuit les compagnies & les diuertissemens; et apres s'estre long temps tourmenté l'esprit par toutes les plus fascheuses pensées que sa passion luy peut inspirer, il deuient stupide ou extrauagant, & son corps souffre en suite tous les changemens que nous auons marquez cy-deuant. De sorte que nous pouuons dire, que dans le Portrait que nous venons de faire, nous auons representé tou-

D iij

tes les grandes afflictions de l'Ame; et que pour faire la peinture des petites, il ne faut qu'en effacer les plus gros traits & en adoucir quelques autres. C'est à dire qu'elles n'ont pas ces transports ny ces excez qui se rencontrent aux grandes, & que les changemens qui s'y font sont plus foibles & de moindre durée.

Si l'on sçauoit mesme que nous deuons monstrer que la Tristesse & la Douleur corporelle ne font qu'vne mesme espece de Passion, on ne croiroit pas que celle-cy nous deust obliger à luy faire vn Portrait particulier, ny qu'elle nous demandast d'autres Characteres ny d'autres traits que ceux que nous venons de tracer pour la Tristesse; ruisque de mesmes choses doiuent estre tout à fait semblables. Et il est certain que si la Douleur agissoit seulement felon le mouvement de l'Appetit où elle reside, comme fait la Tristesse, elle produiroit les mesmes effets que celle-cy. Mais parce qu'ell'appelle à son secours la faculté naturelle qui agite l'Ame & le Corps d'vn mouuement contraire à celuy qui luy est propre; on ne doit pas s'estonner si elle forme de differens Characteres, & s'il nous les faut dépeindre auec d'autres couleurs & d'autres figures. Mais le portrait s'en fera en petit, afin de ne lasser pas l'esprit ny les yeux du Lecteur.

QVAND donc vn homme se sent attaqué Description de la Douleur violente, il jette d'abord prion de la Douleur violente, il jette d'abord prion de la Douleur vn haut cry qu'il fait sortir du sond de son corporelle. estomach auec vn soussels sur aspiration vehemente; et apres quelques sanglots qui coupent sa respiration, il recommence à crier auec des esclats de voix plus longs & plus aigus qu'auparauant, & continue ainsi jusques à ce qu'il ayt perdu la force & l'haleine

Cependant il porte les yeux & les mains fur la partie où il sent le mal, il la taste, il la presse; et si elle luy laisse la liberté de se mouuoir, il se courbe & se plie en cent façons, il se tourne d'vn costé & d'autre, il s'assied & se releue en mesme temps, il va, il vient, il court & ne peut demeurer en vne mesme place.

A mesure que sa Douleur s'irrite, & qu'ell'a des essancemens qui la rendent plus picquante, il fait connoistre le sentiment qu'il en a par des cris plus forts explus courts, qu'il redouble souvent auec tant de promptitude, qu'ils semblent rouler l'vn sur l'autre, & que ce soient des abois ou des hurlemens plustost que des crys humains.

Alors on void son visage qui rougit & se renfrongne, ses bras qui se roidissent, ses mains qui tremblent: il grince les dents, il ferme les poings & serre les coudes contre les costez: rantost sa respiration est prompte & frequente, tantost ell'est lente & longue, qu'il change parfois en vn souffle vehement ou en vne grande aspiration, & qu'il coupe parfois auec des soupirs lugubres, des sanglots ou des fremissements mais tres-souvent il retient son haleine & la laisse après eschapper auec vn gemissement forcé.

En cét estat ses yeux paroissent tantost hagars & égarez, tantost tristes & languissans? souvent il les tourne vers le Ciel ou les jette pitoyablement sur ceux qui sont à l'entuor

DE LA DOVLEVR. 33

l'entour de luy. Quelquesfois ils rougiffent & respandent des larmes qui font plus ou moins abondantes selon le sexe & l'aage qu'il à: Car les femmes & les enfans pleurent beaucoup ; les hommes fort peu & tres rarement

Mais ce ne sont pas là les plus grands desordres que la Douleur luy cause, ell'est quelquesfois si violante, qu'il ne la peut supporter sans tomber en defaillance ou en syncope : souvent elle le jette en vn tel Desespoir, qu'il souhaite la mort, qu'il la demandé à ses amys & qu'il tasche mesme de le la donner.

Cependant la fievre s'allume dans ses veines, fon pouls devient grand, vehement, prompt & dur, la partie malade s'enfle, devient rouge & s'enflamme, elle se rend tellement sensible, qu'on n'y sçauroit si peu toucher qu'on ne souffre vn mal extréme. Et ce qui est admirable, ell'est en plus mauuais estat quand elle n'a point ces accidenslà; souvent ell'est plus douloureuse où elle n'est point blessée; et il arrive quelquesfois qu'elle fait douleur lors qu'elle n'est plus:

Car ceux à qui on a couppé les bras ou les jambes se plaignent du mal qu'ils sentent au bout des doigts qu'ils ont perdus.

Mais sans parler des effets extraordinaires de cette passion, elle ne manque jamais d'attirer le sang, les esprits & les mauuaises humeurs sur la partie blessée, ell'y fait naistre quelquesfois la conuulsion, & si elle dure long temps elle l'amaigrit & luy oste à la fin le mouuement.

Dans les premiers efforts de cette pafsion, on ne parle point; ou bien on ne forme que de courtes exclamations, par lesquelles on appelle tantost Dieu à son ayde, tantost on peste contre le mal & contre ceux qui en sont la cause. Mais quand la violence en est un peu appaisée, alors on se plaint auec plus de liberté, on prend melme plaisir à raconter son mal, & d'vne voix foible & languissante qui est entrecouppée de soûpirs & de gemissemens, on repete à toute heure la peine que l'on a foufferte.

C'est neantmoins vne chose estrange, que dans le recit que l'on en fait, quoy qu'il n'y ayt rien de si sensible que la Douleur, on ne la represente ordinairement que par des expressions obliques & figurées & qui sentent l'hyperbole : car tantost on dit qu'on se sent deschirer les entrailles, que l'on a les os brifez & les membres rompus; rantost qu'on est percé d'alesnes & d'equilles; qu'il semble que l'on ayt vn cloud fiché dans les parties; qu'on a receu comme vn coup de poignard ou de barre ; que l'on est sur la rouë & à la gesne & mille autres semblables qui marquent les especes & les effets de la Douleur. Il n'y en a mesme gueres de violantes qui ne fassent dire que l'on est mort; on someurt dans la plus-part des plus legeres. Enfin pour exprimer les maux que l'on sent, il faut que l'esprit s'en imagine d'autres qui sont ordinairemet plus grands & plus fascheux que les veritables, & que l'on se trompe ainsi quand on enpar-le & que l'on trope ceux à qui l'on en parle.

Mais quelque erreur qu'il y ayt dans les paroles, il est tres-veritable qu'il n'y a point de plus grand mal qui puisse arriuer dans la vie que celuy là ; non seulement parce

qu'il oste le sentiment de tous les biens & qu'il en rend mesme la jouyssance fascheuse & importune; mais encore parce qu'il abbat & dissipe les forces en peu detemps, qu'il abbrege les jours & qu'il rend la vie chagrine & enniuyeuse. Car il n'y a rien qui puisse plaire à vn homme qui sent de la Douleur, il perd l'appetit & le sommeil, il ne veut voir personne, & quoy qu'il n'y ayt qu'vne petite partie qui sousser, l'entendement mesme tout spirituel qu'il est, compâtit à la peine du Corps, & tombe dans la Tristesse qui joint ses essets à ceux de la Douleur.

Nous n'en voulons pas dire dauantage: aussi bien n'est-il pas possible de representer toutes les diuers ses que prend cette Passion, ny les diuers sentimens qu'elle donne. Car le mot de Douleur tout simple qu'il est, contient mille sortes de maux, & outre les especes generales que l'on en a marquées assez grossierement, il y en a cent autres qui n'ont point de nom ou que

DE LA DOVLEVR.

l'on ne connoist que pendant qu'on les sent. Selon la nature des parties qui sont atta-quées, & des causes qui les blessent, selon la disposition du Corps & de l'Ame de celuv qui souffre, les Douleurs sont differentes: qui pourroit donc en vne si grande varieté de choses qui sont presque innombrables, designer les divers sentimens qu'elles donnent? On dit bien qu'il y a des Douleurs aigues, picquantes, tranchantes & cuisantes, qu'il y en a de tensiues, de pesantes, de sourdes es d'endormies, on y a mesme adjousté la Demangeaison, le Chatouillement, l'Agacement & la Lassitude. Mais outre qu'vne seule de ces especes se diuersisse en cent façons & que la Douleur aiguë par exemple reçoit presque autant de varietez qu'il y a de parties differentes qui la souffrent, autant qu'il y a de diuerses causes qui la font naistre, enfin autant qu'il y a de manieres dont elles agissent: Outre que toutes ces expressions sont tirées des chofes qui sont estrangeres à la Douleur, & qu'il n'y en a pas vne qui marque le mouuement où consiste l'essence de cette Passion:

elles ne contiennent que des notions les plus communes & les plus generales, & ne descendent point aux particulieres qui sont infinies. De sorte que nostre trauail seroit infiny comme elles, si nous voulions faire la peinture de chacune en particulier: Et puisque la Nature, pour ne pas affliger l'esprit de l'homme, n'a pas permis qu'il en eust d'autres connoissances que les generales, contentons-nous du Portrait que nous auons fait sur ce modelle, & cherchons aussi dans cette veuë la nature & les effets de cette Passion.



D E L A N ATVRE de la Douleur.

II. PARTIE.

Ans le dessein que nons auons de parler de la Nature de la Douleur nous pourrions nous seruir de la mesme pensée qu'a euë autresfois vn des plus scauans hommes de l'antiquité, quand il a dit qu'il connoissoit bien le temps si on ne luy demandoit point ce que c'estoit, mais qu'il ne le connoissoit plus, quand on le vouloit obliger d'en dire son sentiment. Car comme il n'y a rien de si sensible que la Douleur, ny rien dont on ayt fait de plus grandes & de plus frequentes espreuues, nous pouuons asseurer comme luy, qu'il n'y a rien de si connu quand on ne demande point ce que c'est, ny rien aussi qui soit si inconnu quand il en faut expliquer la Nature. Ces grands hommes du temps passé qui ont ouvert la porte à

toutes les sciences, & qui ont montré le chemin pour arriver à la connoissance des choses les plus cachées, ne nous ont rien laissé qui nous puisse ayder à descourrir celle-cy; et quoy que l'on nous fasse à croire que nous sommes des pygmées au col de ces geants qui voyons tout ce qu'ils ont veu & quelque chose au dela; on peut neantmoins dire que ny eux ny nous nauons presque rien veu dans cette matiere, & qu'au lieu d'adjouster quelque chose à la connoissance de cette Passion, nous n'auons tous sait qu'en accroistre le sentiment par la peine d'vue recherche mutile, & par le desespoir d'en venir jamais à bout.

En effet quel moyen de la connoistre dans la confusion de tant d'opinions disferétes que l'on en a eues? quel moyen de prendre party dans la contestation où tant de si grands personnages se sont engagez? Ils ne sont pas mesme d'accord du genre qu'il suy faut donner; Les vns veulent que ce soit vne Passion de l'Ame: p'autres disent que ce n'en est pas vne, mais vn principe des Passions. La plus-part ne la reconnoissent

que dans la partie sensitiue: Et de ceux-là les vns tiennent que c'est vn mouuement de l'Appetit; les autres que c'est vn sentiment. De ceux-cy encore il y en a qui disent que c'est vne action parsaite du sens; p'autres que c'en est vne deprauation. Il y en a mesme qui ne la reconnoissent que dans le sens du Toucher, & ne veulent pas que les autres en soient susceptibles. Ensin il s'en trouue qui la mettent au rang des objets, & qui asseurent que ce n'est ny action ny passion du sens, mais vne qualité sensible qui l'altere, & qui fait dire veritablement que l'on sent de la Douleur en quelque lieu qu'elle soit.

Ce sont-là les diuers partis que les Philosophes & les Medecins ont pris touchant le genre de la Douleur. Mais quand il en faut venir à la difference, & qu'il faut marquer comment & pourquoy ce grand trouble & cette fascheuse alteration se forme dans l'Ame, ils ne trouuent plus de pensées ny de paroles qui ne soient vagues & consuses, & qui ne la issent la chose aussi obscure qu'elle estoit auparauant.

Car de dire, comme a fait Galien, que la Douleur est un trifte & fascheux sentiment, n'est-ce pas autant que s'il disoit que c'est vn sentiment douloureux : Ou comme quelques autres, que c'est une violente Passion de l'Ame accueillie de quelque sensible desplaisir & affligée de quelque sorte de mal; ou qui naist du desplaisirs qu'elle reçoit des maux qui sont contraires à ses inclinations ; ou bien que cest un tourment de l'Esprit & du Corps: Tous ces termes de Desplaisir, d'Affliction & de Tourment signifient-ils autre chose que la Douleur, & n'est-ce pas definir la Douleur par la Douleur, mettre l'espece pour la difference & expliquer vne chose obscure par vne autre qui ne l'est pas moins? Mais quand on la definit par le mouuement que l'Appetit concupiscible souffre à la presence du mal ou par la repugnance que l'Ame refsent à la presence des choses qui ne luy sont pas conuenables, ce sont des notions trop generales, qui ne descendent pas jusques à la difference ny à la nature particuliere de la Douleur; non plus que celles qui font

DELA DOVLEVR. 43

entrer dans sa definition l'intemperie & la solution de continuité, ou le mouvement des esprits & quelqu'autre alteration du corps que ce soit; parce que celles - là sont des causes, & celles-cy des effets de la Douleur, & qu'il est constant que les causes ny les effets n'entrent point dans l'essence des choses.

C'est ce que l'on peut dire en gros contre toutes ces opinions disserentes: Car de vouloir examiner en détail & destruire les raisons que l'on a eues pour les soustenir, ce seroit vn trauail inutile, puisqu'il ne saut que monstrer le droit chemin pour connoistre celuy qui fait esgarer, & que la messeme lumiere qui découure la verité, découure encore la faulseté & l'erreur qui la combattent.

Voyons donc si apres tant de vaines recherches que l'on a faites jusques icy nous ferons plus heureux que tous ces grands hommes qui s'y sont occupez, si nous pourrons faire quelque nouuelle découuerte dans ces terres inconnues, & trouuer cette source que l'on a tant cherchée où tous les

44 LES CHARACTERES maux que l'on ressent prennent leur origine.

A Ce dessein il faut presupposer que la Douleur du Corps & la Tristesse de l'Ame ont quelque chose de commun, & que pour ce subjet elles se prestent leur nom l'vne à l'autre, & produisent des essets tous semblables. Car on appelle la Tristesse vne Douleur d'esprit, & la Douleur vn Sentiment triste: et en l'vne & en l'autre l'Ame se trouue inquiete & abatuë, le Cœur se reserre; et ce qui est le plus considerable, elles causent également les pleurs & les plaintes, qui sont des marques par lesqueles l'Ame veut faire connoistre l'estat où elle est, comme nous monstrerons au Chapitre suivant.

D'où il faut tirer cette consequence necessaire, que puisque ces essets sont semblables, ils doiuent auoir vne mesme cause, & puisque ces marques sont pareilles, il faut que l'estat qu'elles doiuent representer soit aussi pareil. Or cette cause & cét estat où l'Ame se trouue alors, ne peuuent estre autres que la constitution sascheuse, le trou-

DELA DOVLEVR.

ble & la peine interieure que la presence du mal spirituel ou sensible luy donnes

Il faut donc voir comment cét estat fascheux & penible se forme dans la Tristesse; car puisqu'il est communà elle & à la Douleur de la mesme sorte qu'il se fera en

celle-là, il se fera aussi en celle-cy.

Comme la Tristesse se forme dans l'esprit, & que dans l'esprit il n'ya que deux parties, à sçauoir la connoissante qui est l'Entendement, & l'appetitiue qui est la Volonté, c'est vne necessité que cette constitution fascheuse qui entre dans la Tristesse & qui est commune à la Douleur, se forme en l'vne ou en l'autre, ou en toutes les deux ensemble. Ce n'est pas dans la seule partie connoissante, parce qu'il s'ensuiuroit que la connoissance du mal seroit tousiours fascheuse & causeroit tousiours de la Tristesse, quoy que l'on connoisse souuent des maux & que l'on medite attentiuement sur eux sans qu'ils apportent aucun trouble ny aucune peine à l'esprit. Il faut donc que la Tristesse & cét estat fas-

cheux & importun que l'Ame ressent se forme dans la partie appetitiue, & par confequent que ce soit vne action & vn mouuement de la volonté. Mais parce que la volonté est une puissance aueugle qui n'a aucune connoissance, & qu'il est necessaire que l'Ame connoisse l'estat où elle'est pour en estre touchée; il faut que ce mouuement de la volonté luy soit connu pour former vne Tristesse complete & entiere & pouuoir dire qu'elle la ressent. De sorte que la connoissance du mal precede, le mouuement de la volonté suit apres, & puis ce mouuement vient à la connoissance de l'Entendement. Mais à considerer exactement toutes ces trois actions, c'est principalement en celle de la volonté que consiste la forme & l'essence de la Tristesse; et cette derniere connoissance qui la represente à l'Entendement se fait apres qu'ell'est formée.

En effet puisque l'on dit & qu'il est vray que l'on ressent la Tristesse, il faut qu'elle soit auant qu'on la ressente; et quand onne la ressentiroit pas, elle ne laisseroit pas d'estre veritablement dans l'Ame, comme il

arriue quand l'esprit est distrait ailleurs, & qu'il ne pense pas au profond chagrin qui le deuore secretement. Cette connoissance est donc en quelque façon estrangere à la Tristesse & ne sert tout au plus que d'yne condition pour la rendre plus forte & plus grande, comme nous monstrerons cy-

apres.

S'il est donc veritable & constant que l'estat fascheux & penible où l'Ame se trouue dans la Tristesse n'est pas vne action de la partie connoissante de l'esprit, mais vn mouuement de sa partie appetitiue; il faut puisque le mesme estat se trouue aussi dans la Douleur qu'il ne procede pas de la fa-culté connoissante qui est dans l'Ame sensitiue, & par consequent que cene soit pas vne action du sens, lequel fait la portion connoissante de cette sorte d'Ame; mais que ce soit vn mouuement de l'Appetit sensitif, & par consequent que ce soit vne Passion, puisque tout mouuement de l'Appetit est Passion, comme nous auons dit.

Cét estat fascheux estant donc vne Passion & vn mouuement de l'Appetit, il faut

que la Tristesse & la Douleur le soient aussi. Car comme il ne se peut iamais separer d'elles & que lors qu'il n'est plus, il n'y a plus aussi de Douleur ny de Tristes. se, c'est vne necessité qu'il entre dans leur essence & par consequent qu'il en fasse partie ou le tout. S'il en est seulement vne partie, la Tristesse sera quelque chose de composé, & il faudra qu'elle soit faite de cette Passion-là & de quelqu'autre Passion : car les parties d'yn tout doiuent estre de mesme genre, & rien ne peut entrer dans les differences du mouuement que le mouuement. Cependant on ne scauroit conceuoir qu'vne seule Passion dans la Douleur & dans la Tristesse, & tous ceux qui en ont parlé les ont mises au rang des Passions simples. Il s'enfuit donc que l'estat fascheux dont est question comprend toute leur nature & leur essence, & que la difference qui s'y trouue ne procede que du sujet & de la qualité de l'objet qui les excite, qui sont des choses estrangeres à l'essence des mouuemens. En effet que se peut-on figurer par les mots de Tristesse & de Douleur? oue peut-on fignifier

fignifier quand on dit que l'on souffre l'yne oul'autre, sinon vne peine, vn tourment, un trouble fascheux que l'on ressent en soy? et tout cela n'est-ce pas l'estat & la constitution dont nous parlons. Et apres que l'on a conceu cét estat, se peut-on imaginer quelqu'autre chose qui puisse entrer dans la nature de ces Passions, si ce n'est que l'vne se forme dans la volonté & a pour objet vn mal spirituel, & que l'autre s'esleue dans l'Ame sensitiue à la presence d'yn mal senfible & corporel. Or le sujet & l'objet sont exterieurs aux actions & ne peuuent entrer dans leur essence, & par consequent toute la nature de la Tristesse & de la Douleur est renfermée dans cét estat fascheux & penible où l'Ame se trouue alors : et puisque c'est vn mouuement de l'Appetit, il faut que ce soient des Passions.

Cela estant ainsi toutes ces opinions qui ont mis la Douleur dans l'action des sens ne se peuvent plus soustenir, puisque la sensation est vne connoissance, & que le trouble & la peine que l'Ame soustre se fait dans l'Appetit. Il est vray que le sens connoiss

l'objet qui doit excirer la Douleur; mais incontinant apres l'Appetit se donne le mouuement qui est proportionné à cette connoissance, & en suite ce mesme mouvement est reconnu par les sens interieurs, qui sont dire alors veritablement que l'on ressent la Douleur & que l'on en est touché. Car ce n'est pas le sens exterieur qui donne cette connoissance; et la Douleur n'est pas vn objet sensible à son esgard comme quelquesvns ont pensé.

Pour donner jour à toutes ces veritez, puisqu'il y a trois actions qui concourent à la naissance de ces deux Passions, à sçauoir la connoissance de l'objet, le mouuectent de l'appetit qui la suit & le ressentimet que l'Ame en a. Il saut maintenant expliquer comment ces trois actions se sont: car apres cela la nature de la Tristesse & de la Douleur paroistra à découuert, toutes les dissicultez qui l'ont obscurcie se dissiperont & l'on verra clairement en quoy ont erré toutes les opinions que l'on en a euës.

OVANT à la premiere, il faut presuppo- De la confer que c'est le mal qui luy sert d'objet, qui prece-& de plus que c'est vn mal fascheux, c'est à de la Doudire qu'il altere & corrompt la constitution leur. naturelle de l'Ame & du Corps. Car comme ce qui cause la Douleur corporelle corrompt la constitution des parties, soit en corrompant leur vnité, soit en leur imprimant quelque qualité qui destruit leur temperament. Il faut aussi que ce qui cause la Tristesse altere la constitution naturelle de Quel estle l'Ame & changel'estat qui luy est conuena- mal qui ble & que l'on peut dire estre l'estat de sa tristesse. santé presente. Or cét estat consiste dans les Inclinations que la Nature ou la Coustume luy ont données pour acquerir & conseruer les biens qui luy sont propres. Car tout de mesme que la constitution naturelle des parties est la disposition qui les rend capables d'agir conformement à leur nature, ces Inclinations sont aussi les dispositions qui sont necessaires à l'Ame pour faire les actions qui sont coformes à sa nature; et par consequent on peut dire qu'en cela consiste sa constitution naturelle, & que tout ce qui

l'altere & la blesse luy cause de la Tristesse. En esset come ell'a inclination naturelle à la liberté, à la gloire, à la puissance, à la felicité; tout ce qui la contraint comme la force & la violence, tout ce qui blesse son honnneur comme le mépris & les iniures; rout ce qui diminue son pouvoir comme la la perte des biens & des amis; rout ce qui trouble son plaisir & son repos, comme la peine, les maladies & les passions violantes, luy donne du chagrin; en vn mot, tout ce qui choque ses Inclinations, soit qu'elles viennent de la Nature ou de la Coustume, luy est vn mal fascheux qui altere sa constitution naturelle.

Quelle est la cause de laDouleur.

Il en faut dire autant de celle du Corps, Car bien qu'il y ayt contestation entre les Medecins pour sçauoir si c'est l'intemperie, ou la solution de continuité, ou toutes les deux ensemble qui causent la Douleur. Il est neantmoins constant que l'vne ny l'autre n'a ce pouvoir la que parce qu'elle altere la constitution naturelle des parties: D'où il faut tirer cette consequence, que tout ce qui entre dans cette constitution est vn suiet capable de cette alteration, & qu'aussi tout ce qui le corrompt peut causer la Douleur. Or il est certain que le temperament & l'vnité des parties entrent également dans la constitution de l'organe du toucher, & partant l'intemperie & la diuision qui leur sont contraires, sont également capables

d'y causer la Douleur.

Mais parce qu'il y a d'autres dispositions qui font la constitution naturelle des organes des autres sens, il faut aussi qu'il y ayt d'autres causes de la Douleur que la solution de continuité & l'intemperie. Ouy fans doute tous les autres sens ont leur Douleur particuliere qui ne vient ny de l'vne ny de l'autre: il y a de certains sons aigus qui blessent l'oreille; il y a des odeurs & des saueurs qui font insupportables, & l'on ne sçauroit douter que les objets qui sont trop forts comme vne grande lumiere & vn son violant ne donnent de la peine aux sens: Enfin puisque l'assemblage de certaines couleurs choquent la veuë, & que les faux accords sont desagreables à l'ouyë, il faut qu'ils causent quelque Douleur, & qu'ils

G iij

alterent par consequent leur constitution naturelle.

Or cette constitution consiste principal lement dans la proportion que les sens doiuent auoir auec les obiets; et ce qui destruit cette proportion, les offense. C'est pourquoy les obiets trop forts ou qui ont quelque qualité disproportionnée au sens comme les sons rudes & aigres, les odeurs puantes & les saueurs desagreables; ceux ensin qui donnent de la peine à l'Ame pour les comprendre, comme nous auons dit qu'il arriuoit dans les discordances, tous ces objets dis-ie sont fascheux & importuns, parce qu'ils destruisent la proportion que la
Nature a mise entre les sens & les obiets.

Il est vray que ceux qui regardent le sens du Toucher sont plus sascheux & causent vne Douleur qlus sorte & plus sensible, parce qu'ils alterent la constitution qui est la plus importante & la plus necessaire. Car outre que ce sens est le premier de tous, que c'est luy qui soustient la vie animale & qu'il a son fondement dans le temperament qui est la base de toute la composition du

corps & de toutes les facultez corporelles; L'ynité des parties est si considerable à la Nature qu'on ne la peut violer sans la destruire. En esset la perfection des choses consiste dans l'vnité, parce que l'vnité lie & retient tout ce qui est necessaire à l'estre parfait qu'elles doiuent auoir; et si elles viennent à soussirir quelque diuision, elles ne sont plus ce qu'elles estoient ny ce qu'elles doiuent estre. Il ne faut donc pas s'estonner, si la Nature a tant de soin de conseruer l'vnité des parties dans les animaux, & si elle se trouble si fort quad elle void qu'elle se perd, puisque c'est en cela que consiste leur estre, leur perfection & leur substistance.

Le mal fascheux est donc l'objet de la Tristesse & dela Douleur, qui doit estre connu auant qu'elles se puissent former dans l'Ame. Mais parce qu'estre fascheux suppose deux sortes de connoissance; L'vne par laquelle on connoist l'estre veritable & physique de ce qui est fascheux; et l'autre par laquelle on connoist cette qualité de fascheux. La premiere se fait par la faculté apprehensiue qui connoist les choses com-

me elles sont en elles-mesmes. L'autre se fait par la faculté estimatiue qui adiouste à l'estre des choses les notions de bon ou de mauuais, d'agreable ou de fascheux. Car ces qualitez n'ont point d'especes sensibles qui frappent les sens, telles qu'en ont les objets exterieurs; c'est pourquoy on dit dans l'Eschole que la connoissance que l'on en a se fait par des especes qui n'ont point passé par les sens, per species non sensatas.

En effet si les choses fascheuses se connoissoient par des especes, comme la couleur, la chaleur,&c. Il faudroit qu'elles parussent fascheuses en tout temps & à toute sorte d'animaux. Cependant ce qui est fascheux à l'yn ne l'est pas à l'autre, & ce qui l'est maintenant ne le sera pas tantost. Ce ne sont donc pas les sens exterieurs qui donnent cette connoissance; mais la faculté estimatiue. Ainsi le sens connoist la chaleur; маis il ne connoist pas qu'elle soit bonne ou mauuaise, agreable ou fascheuse: C'est cette faculté qui juge de ces qualitez par l'experience qu'ell'en a faite ou par vne secrete connoissance que la Nature luy en a donnée. Et

Et certainement la plus-part de ces jugemens se sont par instinct, c'est à dire par ces images secretes que la Nature a imprimées dans l'Ame des animaux pour leur apprendre les choses qu'elles doiuent fuir. Car qui est celuy qui soit bien asseuré de la cause des discordances, des mauuaises odeurs,&c. & pourquoy elles sont desagreables? qui a appris à vn ensant qui sent de la Douleur que la solution de continuité est si pernicieuse & si contraire à la Nature? Il saut de necessité que ces connoissances soient nées auec l'Ame, puisque ce n'est pas le sens, l'experience ny la raison qui les donnent.

C'est donc la vertu apprehensiue, à sçauoir le sens exterieur ou la partie imaginatiue de l'Ame, soit intellectuelle ou sensitiue qui connoist l'estre des choses, & puis l'estimatiue les iuge mauuaises & fascheuses. Mais il faut remarquer que dans les objets de la Douleur corporelle, cette faculté ne fait pas tousiours son jugement sur le premier rapport des sens, & qu'il faut souuent que d'autres connoissances y interviennent. Quand elle juge que la Chaleur est mauuai-

se, c'est immediatement apres le jugement qu'en a fait le Toucher : mais quand elle juge que l'accord de deux sons est desagreable, ce n'est pas sur le simple rapport de l'oreille; il faut qu'vne autre faculté plus hau-te l'ait instruite de ce qui luy doit estre fascheux, à sçauoir de la disproportion qui est entre ces deux sos: De sorte que l'oreille connoist le son, mais l'imagination en connoist la discordance; et puis l'estimatiue juge qu'ell'est fascheuse. Il en est de mesme de la solution de continuité qui est le plus puispas la di-fant objet de la Douleur & sur laquelle on a formé tant de difficultez. Car il est certain que ce n'est pas le Toucher qui en donne connoissance à l'estimatiue, puisqu'il n'en peut estre le juge & qu'il ne la sent pas. En estet outre que le sens ne peut estre blessé que par ses objets propres & que la division appartient au mouuement ou au nombre qui sont entre les objets communs; il est constant que le sens ne peut sentir son organe, autrement il se sentiroit luy-mesme, puisque le sens comprend l'organe & la faculté. Or est-il que l'vnité des parties

Le Toucher ne [ent wifion.

entre dans la constitution de l'organe du Toucher & par consequent il ne la peut sentir: Et s'il ne la sent pas, il ne peut aussi sentir la diuision : car l'habitude & la prination sont d'vn mesme ressort, & la faculté qui ne peut connoistre la lumiere n'est pas capable de juger des tenebres. Et certainement s'il en estoit le iuge, nous ne douterions pas si souuent de la cause des Douleurs que nous ressentons, & nous serions asseurez quand ce seroit elle qui les produiroit comme nous sommes certains de l'impression que le chaud & le froid font sur nous, quand le toucher les ressent. Cependant quand il y a intemperie dans vne partie, & que la Douleur y survient, quelques-vns disent que la seule intemperie en est la cause ; d'autres que ce n'est pas l'intemperie, mais la folution de continuité qu'ell'a excitée. Comment les esprits se peuvent-ils partag er en vne chose dont ils veulent que le sens soit le juge? Asseurement ce n'est pas luy qui prend connoissance de la solution de continuité: Il sent bien l'action des choses dures, acres & autres semblables

qui ont la vertu de diuiser les parties; Mais l'imagination connoist la diuision qu'elles font, & en suite l'estimatiue la iuge mau-

uaise & perilleuse.

Mais que ce soit le sens ou l'imagination qui donne la premiere connoissance de l'obiet de la Douleur, il y a vne autre condition qui est necessaire pour faire que l'estimatiue le reconnoisse pour fascheux; c'est qu'il faut que l'impression qu'il fait soit prompte & violante, qu'elle se fasse tout à la sois & que l'Ame en soit surprise. Car si elle se fait peu à peu & doucement, elle ne causera point de sentiment fascheux ny par consequent point de Tristesse ny de Douleur. C'est pourquoy les infortunes qui arriuent lentement quelques grandes qu'el-les se trouuent à la fin, ne donnent pas de si grands desplaisirs que de plus legeres qui viennent à l'impourueu & qui frappent l'Ametout d'vn coup. Les intemperies qui s'introduisent peu à peu dans le corps ne causent aucune Douleur & les humeurs qui rongent insensiblement les parties y produisent à la fin de grands viceres quine

font point douloureux. Et cela vient non seulement de ce que ces obiets s'insinuant neuà peu, le changement qu'ils apportent n'est pas sensible; mais encore de ce que l'Ame & le corps contractent par ces lentes & longues impressions vne autre constitution que la coustume leur rend en quelque facon naturelle: pe sorte que ces obiets bien loin de l'alterer & de la corrompre, l'entretiennent & l'augmentent, & ne peuuent par consequent estre reconnus pour fascheux.

Voila comment se fait la connoissance Le Dou-de l'obiet fascheux; mais partout là il n'y a pas une point encore de Tristesse ny de Douleur, action de & toutes les choses que nous auons remar- sens. quées ne sont que les causes ou les condi-tions necessaires à leur production. C'est pourquoy ceux qui mettent la Douleur dans l'action du sens & qui asseurent qu'ell'est blessée, n'ont pas consideré que tout ce qui se passe dans le sens est estranger à la Douleur & se fait auant qu'elle se forme dans l'Ame. Car quand l'action du sens se-

roit deprauée comme ils disent, ce ne seroit pas vne Douleur, puisque la Douleur est vn mouuement de l'Appetit; et tout au plus ce ne seroit qu'vn mauuais iugement que le sens feroit de son obiet, ce qui peut

estre n'est pas veritable.

La Douleur n'est pas une action deprauée.

En effet on ne sçauroit dire que l'action du Toucher soit deprauée si ce n'est parce qu'il sent les obiets plus grads & plus forts qu'il ne deuroit : De sorte que toute la question se reduit à sçauoir si ces obiets sont aussi grands qu'il les iuge, ou s'il les fait plus grands qu'ils ne sont effectiuement. S'ils sont aussi grands qu'il les reconnoist, son action n'est pas déprauée, au contraire elle est parfaite, puisqu'il les represente iustement & tels qu'ils sont. Or il est certain qu'il ne les fait pas plus grands, parce que le sens est une faculté representative qui ne connoist les choses que comme elles sont & comme elles se presentent à luy; C'est à dire qu'il en iuge conformement à l'impression qu'il en souffre. Il peut à la verité les reconnoistre moindres qu'elles ne sont quand leur qualité ne se fait pas sentir toute entiere, comme quand elle touche vne partie qui a peu de sentiment, ou quad l'impression en est legere : Mais il ne les peut iamais sentir plus grandes ne pouuant rien adjouster à leur qualité. Certainement come quand vne trop grande lumiere vient à frapper l'œil, on ne sçauroit dire que son action soit deprauée, puisqu'il fait le iugement de cét obiet comme il doit & qu'au contraire s'il ne sentoit sa violence, elle seroit defectueuse. Il en est de mesme de toutes les qualitez tactiles; elles font impression sur le Toucher & si elles sont violantes & excessiues, le sentiment qu'il en a ne peut estre mis au rang des actions déprauées. Car quand mesme la Douleur seroit vne qualité sensible, comme quelques-vns veulent, le sens la connoissant telle qu'ell'est, ne souffriroit aucune deprauation dans sa connoissance, & son action seroit parfaite & accomplie.

D'ailleurs si l'action du Toucher estoit deprauée, il faudroit que l'intemperie ou la solution de continuité en sus la cause. Ce n'est pas l'intemperie, puisque dans vne

picqueure que l'on sent, il n'y a d'abord aucune intemperie: Ce n'est pas aussi la diuisson, car outre que le Toucher ne la sent pas comme nous auons montré, l'vnité ne fert de rien à l'action precise & principale de ce sens; les parties pour estre diuisées ne laissant pas de sentir toutes les qualitez tactiles. Car comme en tous les organes il y a vne partie qui est la cause principale de l'action, d'autres qui ne luy seruent que d'aides & d'autres enfin qui ne sont destinées que pour conseruer tout l'organe. L'vnité est de ce dernier genre : Elle n'est ny la cause principale du Toucher, ny ce qui la rend plus facile; mais elle sert seulement à la conservation de son organe, & quoy qu'elle se perde, l'action de ce sens n'en est point offensée. Et de vray qui prendra garde qu'elle n'a aucun rapport ny liaison auec la vertu du Toucher, qui est la connoissance, à laquelle elle ne sert de rien; ny auec son obiet qui sont les qualitez tactiles, du nombre desquelles elle n'est point; iugera bien qu'-elle ne contribue point à son action, & qu'elle ne luy est pas plus affectée qu'à tous les autres autres sens qui ont besoin comme luy de cette disposition pour la conservation de leurs organes. Apres tout si elle y seruoit de quelque chose, quand elle viendroit à se perdre, elle rendroit plustost l'action af-foiblie que deprauée.

Mais quoy! toute la Medecine s'est-elle comment laisse abuser en la mettant au rang des l'opinion actions deprauces? Non certainement, car des Me-il est vray qu'elle se fait autrement qu'elle doir ex-ne deuroit. Pour entendre cecy il faut re-pliquer. marquer que la Nature en donnant les sens aux animaux a plus eu d'efgard à sa conseruation qu'à la leur, & n'a pas tant consideré leur persection que la sienne. De sorte qu'ell'a voulu qu'ils sussent disposez de telle sorte que leur action ne fust pas contraire à la tranquillité & à l'estat parfait de sa vie. C'est pourquoy elle les a rendus moins exacts dans leur connoissance, afin qu'ils ne sentissent pas les qualitez sensibles dans toute la force qu'elles peuuent auoir. Car il est certain que le sens quel qu'il soit est incommode, quand il est trop delicat;

L'ouyë trop subtile est vne sorte de maladie qui fait sentir iusques au bruit que le mouuement des esprits fait dans l'oreille; et personne ne doute que ceux qui ont le roucher trop exquis, ne soient plus exposezàla Douleur que les autres. Pour satisfaire donc à ce dessein, la Nature a placé les vns en des lieux profonds & reculez afin que les objets s'affoiblissent par la longueur du chemin, comme l'ouye & l'odorat; Aux autres ell'a fait les organes de matieres propres pour reboucher la force de leurs qualitez, comme sont les humeurs qui entrent dans la composition de l'œil, la substance molle & spongieuse dont la langue est composée; et pour s'arrester au sujet qui nous occupe, ell'a mis le Toucher dans vne membrane groffiere & charnuë, qu'ell'a encore couuerte d'vne pellicule insensible, afin que l'abord des qualitez tactiles ne la touchass pas si viuement. Car si les parties exterieures qui les doiuent apperceuoir les premieres auoient le sentiment aussi vif que les nerfs, l'animal seroit en vne continuelle Douleur, & les plus foibles objets luy seroient insupportables. Quand il arriue donc que le sentiment est plus exact qu'il ne doit estre, c'est vne action qui est parfaite à l'esgard du jugement que le sens en fait; mais elle est déprauée à l'égard de l'animal, estant contraire à l'ordre general de la Nature & à l'estat parfait de la vie dont elle veut

qu'il jouysse.

Or le sentiment est plus exact qu'il ne faut, quand les obiets sont trop forts qui font vne trop grande impression sur les sens; ou quand les parties interieures en sont immediatement touchées, comme lors que la peau ne les couure plus; et quand la vertu sensitiue s'y est renduë plus grande, comme lors que leur constitution est alterée. Car il est certain que puisque la Nature leur enuoye des esprits vitaux pour les fortifier, ell'y fait aussi couler vne plus grande quantité d'esprits sensitifs pour en accroistre le sens : pautant que le sens ayant principalement esté donné aux parties pour reconnoistre & pour éuiter les choses qui les peuvent destruire, il faut que celles-cy qui sont blessées & assoiblies

& qui sont moins capables de resister, ayent cette vertu plus delicate, asin de remarquer plustost & plus exactement ce qui leur peut nuire. Et c'est là sans doute la raison pour laquelle les parties malades ont le sentiment si exquis, & qu'on ne les sçauroit si peu toucher qu'elles ne ressentent de la Douleur.

La Medecine ne s'est donc pas trompée quand ell'a dit que l'action du Toucher estoit déprauée dans la Douleur. Mais ell'a rapporté au sens ce qui se deuoit rapporter à l'animal : Car à l'égard de celuy-cy ell'est deprauée, mais à l'égard du sens ell'est iuste & parfaite. Ou bien il faut dire qu'ell'a confondu à son ordinaire l'action du sens auec la Douleur, laquelle peut estre mise au rang des actions deprauées, les comparant auec les actions de la santé parfaite, qui est le modelle sur lequelelle mefure tous les accidens qui arriuent au corps. Car il est vray qu'en cét égard toutes les passions violentes peuuent passer pour des actions deprauées, puisqu'elles sont contraires à la tranquillité & à l'estat parfair

de la vie, & qu'elles se font tout autrement que la nature de l'animal ne voudroit; ouoy qu'au respect des facultez qui les produisent ce ne soient point des actions blessées ny deprauées, puisque chacune en iuge comme elle doit & que l'appetit s'esmeut conformement à sa nature & à la connois-

sance qu'il est obligé de suiure.

Or il ne faut pas s'estonner de ce que cette science n'ait pas distingué toutes ces choses; ne considerant les actions que comme les signes & les effects des causes sur lesquelles elle doit trauailler, elle n'est pas obligée d'en faire vne anatomie si exacte que la Philosophie; c'est assez pour elle qu'ell'en ayt la connoissance qui est necessaire à son dessein. Ainsi il n'importe pas pour elle que la Douleur soit vn mouuement de l'Appetit, ny que le iugement de l'estimatiue la doiue preceder: Il suffit qu'elle luy fasse connoistre la partie qui est blessée & les causes d'où elle procede, afin d'appliquer iustement les remedes pour la chasser. C'est pourquoy sans crainte de faillir, elle confond dans sa definition l'action

du sens & le mouuement de l'Appetit; parce qu'il ne sert de rien de les distinguer pour y apporter la guerison. Mesmes contre les regles de la Logique, ell'y fait entrer l'intemperie & la folution de continuité; pautant que ce sont les choses qu'elle considere le plus, & les seules qui la doiuent occuper. Elle ne la reconnoist aussi que dans le sens du toucher, parce que c'est la plus importante & celle qui a particulierement besoin de son secons.

Quoy qu'il en soit, de tout ce que nous auons dit cy-dessus, il resulte que la Douleur n'est pas vne action du sens, qu'elle se forme apres celle-cy & que c'est ensin l'ouurage d'vne autre puissance de l'Ame. Et certaiment qui considerera que le sentiment est borné à la partie où il se fait & que la Douleur se ressent non seulement dans la partie blessée, mais encore dans l'Ame toute entiere & qu'elle trouble & esbranle tout l'animal, iugera bien que ce doit estre l'action d'vne faculté plus generale que n'est le sens: En vn mot que la puissance par laquelle l'Ame s'esmeut, c'est à dire l'Ap-

petit, est la cause de cét effect.

A pres que le mal est donc venu à la con-noissance de l'Ame, qu'elle l'a jugé fas- Quel oft l. cheux & qu'ell'a veu qu'effectiuemet il altere & corrompt sa constitution naturelle, l'Appetit alors elle se resout de le fuir, n'ayant point dans la d'autre moyen d'éuiter vn ennemi qui la surprend & qui la presse; et au mesme moment l'appetit qui est destiné pour execu-ter les resolutions qu'ell'a prises se donne le mouuement qui est conforme à sa con-noissance & à son dessein. Il faut donc voir quel est ce mouuement, puisque c'est luy ou consiste le trouble, la constitution sascheuse, en vn mot la nature & l'essence de la Douleur.

Mais le moyen de pouuoir découurir vne chose si obscure qui se passe toute au plus profond de l'Ame & qui jusques icy a esté si cachee qu'elle n'a pas mesme fourny aucun soupçon ny aucune conjecture de ce que ce peut estre. On s'est contenté de dire que c'estoit vn mouuement de l'Ame, parce que c'est vne Passion; mais

comme si c'estoient là ces colomnes au dela desquelles il n'est pas permis à l'esprit humain de passer, personne n'a encore osé se hazarder d'aller plus auant pour chercher comment se fait ce mouuement & en quoy il disser de celuy qui se fait en toutes les autres passions; car puisqu'elles sont disserentes entr'elles, il faut que leurs mouuemens le soient aussi.

Puisqu'il est donc vray que l'Ame se meut & que le premier mouuement qu'elle fait à la veuë du mal c'est de se separer de luy; Il faut qu'apres auoir connu vn obiet mauuais, elle souffre ce premier mouuement & qu'elle s'en essoigne, puisqu'elle le con-noist pour vn mal. Mais parce qu'outre cette notion generale elle le reconnoist encore pour fascheux, qu'elle void qu'il est present & qu'il corrompt esse ctiuement sa constitution naturelle ; ce n'est pas assez pour elle de se separer de luy, puisqu'elle s'engage à cette separatio pour toutes sortes de maux & pour ceux-là mesme qui sont absens dont elle ne craint pas les attaques: маіs il faut qu'ell'adjouste à се mouue-

DELA DOVLEVR 73

ment quelque precaution & quelque effort qui responde au peril où elle ctoit effre.

Seroit-ce point par vne fuite prompte & precipitée qu'elle tascheroit de l'éuiter? car c'est vn moyen connu & familier à tous les animaux, quand ils sont pressez d'vn puissant ennemy, & nous experimentons en nous-mesmes que les esprits fuyent ainsi au cœur & s'y retirent auec vne extréme vitesse, quand quelque chose de formidable a jetté la crainte dans l'Ame. Ouy sans doute elle le fuit & n'a iamais plus de suiet de le faire auec plus de diligence & de haste que lors que le mal l'a saisse, qu'il la presse & qu'il tasche de la destruire. Mais cela ne suffit pas encore, puisque nous auons montré cy-deuant que cette precipitation se peut trouuer dans la simple Haine sans que la Douleur s'y rencontre; qui est vne marque euidente que ce n'est pas dans ce mouuement que celle-cy consiste. Ioint qu'vn mouuement pour estre plus viste qu'vn autre, n'est pas de differente espece, & par consequent si la Douleur n'estoit dif-

ferente de la Haine que par la vitesse de son mouuement, elles seroient toutes deux de mesme nature & ne seroient disserentes que du plus & du moins; en sorte qu'on pourroit dire que la Douleur seroit vne forte Haine, & la Haine vne soible Douleur; ce qui n'est pas veritable, puisqu'il se trouue de grandes Haines qui ne sont accompagnées d'aucune Tristesse. Il faut donc chercher ailleurs que dans cette suite precipitée, la disserence du mouuement qui est propre à cette Passion. Disons donc

Puisqu'il y a rapport des mouuemens de l'Ame à ceux du Corps, & que ceux-cy font des characteres de ceux de l'Ame; puisqu'il est encore vray que les paroles sont les images des choses & qu'elles en font connoistre la verité, il ne faut que confiderer les agitations que le corps sousser dans la Douleur, & les façons de parler par lesquelles cette Passion exprime ses sentimens, pour découurir le mouuement que

nous cherchons.

Or nous voyons que tous les animaux se resserent, se ramassent & s'appetissent

DE LA DOVLEVR. 75

autant qu'ils peuuent quand ils sentent cette Passion; Les vers & les autres insectes qui rampent, se retirent & r'entrent comme en eux-mesmes; La peau se ride aux vns, les membres se racourcissent aux autres ; Et nous experimentons qu'au premier sentiment que nous auons du mal, nous froncons le sourcil & nous retirons la partie qui a esté offensée. Nous disons mesme pour exprimer vne grande Trissesse que l'on a le cœur serré & l'on sent essectiuement en soy quelque chose qui presse le cœur & qui empesche la liberté de ses mouuemens. Mais ce qui est le plus considerable & à quoy peu de personnes ont pris garde, il n'y a point de partie qui sente de la Douleur laquelle ne resserre ses fibres : Et c'est pour cela que le pouls y devient dur par la contraction qui se fait dans l'artere; c'est pour cela que les levres des playes se retirent & que lors qu'elles se relaschent & qu'elles deuiennent molles on n'y sent plus de mal; L'on peut mesme asseurer que dans les Douleurs interieures, comme dans les Coliques ne-

tranchées de l'accouchement, &c. c'est la contraction des fibres qui augmente le sentiment de la Douleur. Car puisqu'elles se reserrent dans les playes, dans le froid & à l'abord de toutes les qualitez picquantes, & que ce sont les organes propres & particuliers de l'appetit naturel qui se meut tousiours en ces rencontres; il ne faut pas douter que dans ces Douleurs - là elles ne souffrent contraction & qu'elles ne rendent le mal plus douloureux en tirant la partie malade. De sorte qu'auec toutes ces experiences on peut asseurer qu'à l'esgard du corps le reserrement, s'il est permis de parler ainsi, & la contraction des parties est le mouuement propre & particulier de la Douleur; et par consequent si l'Ame y en doit aussi souffrir quelqu'vn qui soit disserent des autres Passions, il faut qu'il soit conforme à celuy-là; et qu'il se fasse dans l'appetit vne espece de contraction & de compression violante par laquelle ses parties r'entrant en quelque façon l'vne dans l'autre, se penetrent & se pressent plus que leur constitution naturelle ne demande. Et en effet s'il est vray que la loye soit vne effusion vn espanchement & (pour parler conformement au nom que la langueLatine luy a donné) si c'est comme vn essar-Latitia, gissement de l'Ame, il faut que la Tristesse en soit la contraction & l'estressissement. Et qui considerera bien la nature de ce mouuement, verra sans doute qu'on ne s'en peut figurer d'autre qui soit plus conforme au dessein qu'elle doit auoir en cette rencontre ny qui puisse mieux faire connoistre l'impression que le mal y fait & le trouble qu'il y excite. Car comme la contraction est vne espece de condensation par laquelle vne chose se reserre & occupe moins d'espace, ses parties se comprimant & se pressant de telle sorte qu'elles se penetreroient l'une l'autre, si les corps estoient susceptibles de penetration : Il est certain que si l'Ame est capable de cette sorte de mouvement, il faut s'imaginer qu'elle se ramasse & se retressit en quelque saçon & qu'ell'a comme des parties qui se retirent & r'entrent en ellesmesmes; lesquelles n'ayant pas vne quantité materielle comme ont les corps, se pene-

K iii

trent l'vne l'autre & se confondent ensemble. Et bien qu'il ne soit pas facile de conceuoir ces parties, ce transport & ce mesclange dans la substance de l'Ame; neant moins puisque tout le monde est d'accord qu'elle se meut dans les Passions, c'est vne necessité qu'il y ayt quelque chose qui responde à tout cela. Et qui croira que les Anges se meuuent d'vn endroit à l'autre, qu'ils occupent tantost plus & tantost moins d'espace, & qu'ils peuuent augmenter ou racourcir leur estendue, n'aura pas de peine à s'imaginer que les mesmes mouuemens se font dans l'Ame.

Or parce que la Nature n'excite aucune Passion dans l'animal que ce ne soit pour quelque bien qu'elle luy veut proeurer, il est certain que par cette sorte de mouuement elle croit pouruoir à sa seureté en plusieurs manieres. Car en se resserrant, outre qu'elle suit ainsi l'approche de l'ennemy, qu'elle se cache de suy autant qu'elle peut & qu'elle luy veut faire vn plus libre passage, asin qu'il s'essoigne d'elle plussos & plus facilement; elle reunit ses parties par cette contraction & croit ainsi se rendre plus forte & plus capable de resister à ses efforts; et comme elle occupe moins d'espace, elle pense qu'ell'est moins exposée à ses atteintes & qu'elle ne leur donne pas tant de visée.

Certainement si c'est pour tous ces motifslà qu'elle inspire aux animaux le dessein de faire retirer leurs mébres quand le mal les attaque, comme il n'en faut pas douter, il n'y a pas d'apparence qu'elle s'oublie elle-mesme se trouuant dans le mesme danger & qu'elle n'ayt pas le soin de faire pour elle ce qu'elle fait faire pour les autres: Soit que la Nature luy ayt donné ces ordres secrets, soit qu'elle le fasse par coustume, ou que le mal la trouble & luy persuade que ce qui sert au corps peut encore servir à sa conseruation.

Mais si ce mouuement luy est vtile en quelque chose, il est cause en suite du plus grand incouenient qui luy puisse arriuer, & de toute la peine qu'elle soussire en cette rencontre. Car come l'image du mal s'est multipliée & s'est respandue dans l'appetit de la maniere que nous auons dit au chap. de la

Haine, elle se reunist comme luy par la contraction qu'il s'est donnée & deuient ainsi plus forte & plus sensible, estant plus vnie & plus ramassée. Mais encore comme les parties de l'Appetit rentrent en dedans & se penetrent l'vne l'autre, cette image importune entre aussi & s'insinuë auec elles : De forte que l'Ame voyant cét ennemy qui luv paroist plus puissant, qui la penetre de toutes parts & qui se messe & se confond aucc elle, ne peut souffrir qu'auec vne extréme peine vne chose si odieuse, & faisant de nouueaux efforts pour s'en éloigner, elle se trou-ble dauantage, & accroist ainsi le desordre où ell'est. Il est vray qu'il est tantost plus grand & tantost plus petit, selon que la contraction est plus ou moins forte, parce que l'image penetre plus ou moins à proportion. Et c'est delà sans doute que pour exprimer la violence de cette Passion, on dit qu'on est outré de Tristesse ou de Douleur, cette façon de parler representant la profonde penetration que le mal fait dans l'Ame.

Mais outre cét inconvenient qui accompagne tousiours ce mouuement quelque

foible

DE LA DOVLEVR. 81

foible qu'il soit, il en suruient vn autre qui n'est guere moindre quand ce mouuement se fait auec violence, C'est quela contraction que l'appetit se donne, est alors si grande que l'ame tombe dans le mesme peril ou se trouuent les corps qui souffrent vne compression & condensation excessive: Car chaque chose a son estenduë naturelle qui ne se peut augmenter ny diminuer que jusques à vn certain point au delà duquel elle rencontre sa perte & sa ruine. L'ame qui est donc en quelque sorte soubmise à cette loy & qui void cette extraordinaire & dangereuse cotraction, s'en esmeut comme d'vn nouueau mal & adjouste au trouble que le premier luy a apporté celuy que cette connoissance luy donne. Ainsi sa peine luy cause vne nouuelle peine, & sa precaution augmente le danger où elle se trouue. Et certainement on peut dire que la contraction de l'ame fait la mesme chose que la contraction des parties du corps : Car quoy que cellecy se fasse pour fortisser les parties & pour éuiter le mal, elle l'augmente neanmoins, & si les fibres ne se resser-

L

roient point dans les playes la douleur en seroit beaucoup moindre comme nous auons dit. Il en est de mesme de la contraction de l'appetit, il se reserre pour se fortisser & pour suir l'image du mal qui le penetre, mais c'est ce qui accroist le trouble & le peril.

La tristesse O la Douleur sont vne mesme passio-

Voila quel est le Mouuement que l'appetit souffre à la presence d'vn mal fascheux ; d'ou il est aysé à juger qu'il est commun à la Douleur & à la Tristesse, parce que l'ame ne se peut mouuoir autrement pour se mettre en seureté & pour diminuer le peril où elle se trouue engagée. De sorte que quelque partie de l'ame que ce soit qui est attaquée de cette sorte de mal souffre toujours le mesme mouuement; Et par consequent le mal sensible cause la mesme agitation dans l'appetit sensitif, que le mal spirituel dans la volonté. Doù il s'ensuit encore, que la Douleur & la Tristesse font vne mesme espece de palsion, puis qu'elles ont vn mesme mouuement & vne mesme fin, & qu'elles ne sont differentes que par la diversité du subjet où

DELA DOVLEVR. 83

elles se font qui ne cause point de difference essentielle dans les mouuemens. Il est vrav que dans la Douleur corporelle l'esmotion de l'appetit sensitif dont nous venons de parler, est presque toûiours accompagnée de celle de l'appetit naturel qui luy est tout à fait opposée: Car au lieu que celuy-là se retire & se resserre pour fuir le mal, celuy-cy s'esleue pour le repousser & esmeut les esprits conformement à ce dessein. Mais quoy que cela cause de differens effects dans le corps, il n'apporte aucun changement au mouuement de l'appetit sensitif, & n'adiouste rien à cét estat fascheux & penible qui fait toute l'essence de la Douleur & qui naist de la seule contraction de l'ame, comme nous auons monstré cy-dessus. Ainsi il est toûjours vray que la Tristesse & la Douleur sensible ne font qu'vne mesme especede passion, puis qu'elles consistent toutes deux en vne mesme sorte de mouuement.

Quel este

Quel este

Ressenti
Ressenti
Ressenti
Ressenti
Ressenti
Ressenti
Ressenti
Ressenti
Ressenti
RessentiResse

se s'est formée dans l'appetit, les facultez superieures en prennent connoissance: Et ilse
fait alors vn retour & comme vn mouuement circulaire dans l'ame qui est la maniere d'agir qui luy est la plus naturelle &
qui est aussi la plus parfaite & la plus excellente de toutes. Car l'imagination connoist premierement l'objet, l'appetit le reçoit apres & s'esmeut, & puis l'imagination reuoid ce qui se passe dans l'appetit,
& par cette derniere connoissance on dit
veritablement que l'on ressent la Douleur,
parce que ressentir c'est connoissre, qui
suppose vne vertu connoissante laquelle
ne se trouue dans aucun appetit.

Or par le mot d'imagination, i'entends icy non seulement la partie imaginatiue de l'ame sensitiue, mais encore celle de l'entendement, car le mesme progrez qui se fait en celle-là pour la Douleur, se fait en celuy-cy pour la Tristesse. Le mal spirituel y entre premierement, puis il descend dans la volonté où il excite l'esmotion de la Tristesse, & puis cette esmotio retourne à la connoissance de l'Entendemet.

Mais il faut remarquer que cette derniere connoissance soit qu'elle se fasse dans l'ame sensitiue ou dans l'Entendement est de deux sortes. L'vne est obscure & confuse; l'autre est plus claire & plus distincte. Cellecy se fait quand l'imagination s'applique toute entiere à considerer le trouble qui s'est esleué dans l'appetit ou dans la volonté: Car pour lors elle en forme vne image plus parfaite, elle le connoist plus clairement & ressent aussi la Douleur telle qu'ell'est. Mais quand elle est diuertie & qu'elle est occupée ailleurs, elle ne le connoist qu'imparfaitement & n'en donne de connoissance qu'autant qu'il en faut pour sentir qu'on n'est pas en l'estat qu'on deburoit estre & qu'on est triste sans sçauoir pourquoy. De sorte qu'on souffre alors veritablement la passion, mais on peut dire qu'on ne la ressent pas : Et mesme il est vray qu'elle n'est pas complete ny entiere, parce que le trouble que cette derniere connoissance doit adiouster au premier mouuement qui se fait dans l'appetit ne s'y trouue pas, ce qui la rend

beaucoup moindre, comm'il est aysé à juger par ce que nous auons dit cy-dessus.

C'est en ce sens qu'il faut entendre les

paroles d'Hippocrate qui ont donné tant d'exercice aux Medecins, quand il dit, que ceux qui ont de la douleur & ne la sentent pas, ont l'esprit malade. Car bien que le mot de Douleur se puisse prendre la pour la cause de la Douleur dont l'impression n'est pas quelques fois remarquée par les facultez superieures à cause du defordre ou elles sont; Neantmoins il peut arriuer tres souuent que le sens aura connu & senti cette impression & que l'esmotion ou consiste la douleur s'en sera ensuivie sans que l'imagination en ait aucune connoissance; Et pour lors il sera vray qu'on souffrira la passion de la Douleur & qu'on ne la ressentira pas: Comme il arriue dans les afflictions quand on a l'esprit distrait: car bien que l'ame soit outrée de Tristesse, que le cœur mesme se trouve serré & le corps abbatu, elle ne ressent point le trouble ou ell'est & l'on peut dire qu'ell'est triste, mais qu'elle ne s'en apperçoit pas.

Or ce deffaut de conoissance arrive dans la Douleur corporelle non seulement à l'esgard de l'magination mais aussi à l'esgard de l'entendement. Car comme celuy-cy est le maistre & le juge de toutes nos connoissances, il emporte toute nostre attention à l'objet qu'il considere & n'en laisse point pour les objets ni pour les actions des autres facultez inferieures; de sorte que l'imagination peut connoistre le mal & ressentir le trouble qu'il a excité dans l'appetit sans que nous nous en apperceuions, nostre esprit estant occupé ailleurs. Quant à l'imagination elle peut aussi estant distraite ou empeschée ne pas apperceuoir l'esmotion qui se fait dans l'appetit comme nous venons de dire : Et on ne sçauroit douter que lors qu'on estrangle vn animal & qu'on luy void faire de si grands efforts & de si estranges contractions & contortions de membres, il ne souffre bien de la douleur, quoy qu'il ne la ressente pas.

Car nous sommes asseurez par le tesmoignage des hommes qui ont passé par ce supplice & qui s'en sont sauuez, qu'ils

n'ont eu aucun sentiment du mal que leur corps enduroit. Ce que l'on peut dire encore des inquietudes, des conuulsions & autres pareils symptomes qui arriuent dans les maladies qui troublent la connoissance.

Il ne sert rien de dire que l'appetit ne se peut émouuoir sans la connoissance de l'i-magination. Car quoy que cela soit verita-ble, il ne se doit pas toûjours entendre de cet-te maîtresse faculté qui a son siege dans le cerueau & qui est destinée pour la conduite generale de l'animal, puisque nous experimentons que les membres souffrent du mal sans qu'elle le ressente. Mais il faut ou qu'elle soit respanduë dans tous les membres, & qu'ell'ait diuers degrez de connoissance, dont les moins parfaits la peuuent occuper, quand sa plus noble operation est empeschée: Ou bien qu'il y ait vne imagination particuliere en chaque partie qui a soin de sa conservation & qui peut agir sans la participation de cette faculté superieure, comme il arriue dans les insectes quand leurs parties toutes diuisées

uisées qu'elles sont, ne laissent pas de sentir & de se mouvoir. Et de vray ces facultez ne sont point separées les vnes des autres & par tout ou est le sens il faut que l'imagination & l'appetit s'y trouvent. De sorte que toutes les parties qui ont le sentiment ont chacune ces deux autres puissances qui sont comme des lignes qui aboutissent à ces facultez dominantes.

Apres l'examen que nous venons de faire des trois actions qui conourrent à la naiffance de la Douleur, il n'y a plus rien qui nous empesche d'en connoistre parfaitement la nature, & nous croyons la pouuoir definir exactement en disant que c'est un mouvement de l'appetit concupiscible par lequel l'ame se reserre es rentre auec precipitation en elle mesme pour fuir d'autant plus le mal qui la prese es pour euiter le dommage qu'ell'en peut receuoir.

Pour bien entendre cette definition, il faut particulierement examiner les termes qui la distinguent de toutes les autres. Et asseurement la Contraction qui est ce mou-

uement par lequel l'ame se resserre & rentre en elle mesme, en doit faire la difference en y adioustant les conditions qui la restraignent à cette passion. Car il est vray qu'elle se trouue dans la Constance & dans la Crainte: Et quoy que nous n'ayons marqué aucun autre mouuement dans la Constance que la fermeté, il y a neantmoins grande apparence que l'ame s'y resserre aussi, puis qu'elle a dessein de s'y rendre plus forte pour resister au mal, & que toutes les choses se resserrent pour se fortifier en reunissant leurs forces. Mais outre que cette contraction y est fort legere, parce que la fermeté retient les parties & empesche qu'elles ne se retirent; elle s'y fait sans confusion, cette mesme fermeté les retenant dans l'ordre où elle les rencontre & ne souffrant pas qu'elles se messent & se brouîllent ensemble. Au lieu que dans la Douleur elles se penetrent & se confondent à cause de la surprise où l'ame se trouve à l'abord d'vn si grand mal & de l'empressement qu'ell'apporte pour s'en essoigner. De sorte que la Contraction qui se fait

DE LA DOVLEVR.

dans la Douleur est differente de celle qui est dans la Constance, par la confusion. Joint que la fin en est diuerse, l'ame se resferrant dans celle-cy pour resister au mal & dans l'autre pour s'en esloigner.

La Contraction entre aussi dans la definition de la Crainte, mais elle se forme dans l'appetit irascible & c'est apres que l'ame a comparé ses forces auec celles du mal & qu'elles luy ont semblé plus foibles. Mais celle de la Douleur se fait dans la partie concupiscible sans aucune consideration de la force ou de la foiblesse qu'elle peut auoir. Outre que dans la Crainte l'amene sent pas le mal present comme dans la Douleur, elle le void seulement prest à venir; c'est pourquoy elle le fuit pour en éuiter l'approche & les atteintes : mais icy elle sent desia l'vne & l'autre & elle se retire pour empescher les derniers desordres qu'il peut causer

De sorte que l'objet qui excite cette Con-traction est le mal qui la presse, c'est à dire le mal fascheux qui altere & corrompt esfectivement la constitution naturelle de l'a-

nimal, soit celle qui est propre à l'ame comme il arriue dans la Tristesse, soit celle du corps comme dans la Douleur. La fin qu'ellé s'y propose c'est d'éuiter le danger où elle se trouue qui va à sa destruction : Et le moyen pour arriuer à cette fin, c'est la fuite. mais c'est vne fuite particuliere qu'ell' adjouste à celle que la Haine luy fait faire. Car la Haine qui accompagne toûjours la Douleur luy communique toûjours aussi son mouuement; De sorte qu'elle luy fait fuir le mal fascheux: mais la Douleur, outre qu'elle precipite cette fuite, ell' en cause vne autre faisant resserrer l'appetit sensitif. Et l'on peut dire qu'en celle-là l'ame fuit en courant, & qu'en celle-cy elle fuit en s'escartant & se tirant à quartier. C'est pourquoy nous auons eu raison de dire qu'elle se resserre pour fuir d'autant plus le mal qui la presse.

Les differences de la Douleur.

Puis que toute la nature de la Douleur confiste dans cette contraction fascheuse de l'ame, & que cette contraction ne se peut faire que d'yne maniere & est du rang de ces dernieres especes qui ne se peuuent plus diuiser par des differences essentielles, il s'ensuit que toutes les Douleurs sont d'vne mesme nature & que les differences qui les distinguent l'vne de l'autre, sont accidentelles comme sont celles qui viennent de la qualité du subjet, de l'objet, du mouuement, &c. Pour suiure l'ordre que nous auons tenu jusques icy il faut parler de quelques vnes & principalement de celles qui peuvent seruir à la connoissance des characteres de cette passion.

La plus considerable de toutes est celle qui se tire de la partie de l'ame qui en est le subjet & qui en souffre le mouvement. Car si c'est la volonté elle fait la Tristesse, si c'est l'appetit sensitif, il fait la Douleur sensible; et toute la Philosophie est d'accord que la Douleur spirituelle s'appelle Tristesse! & que la corporelle se nom. me simplement Douleur. Neantmoins la commune façon de parler n'obserue pass toùjours cette distinction: Car par le mot de Douleur elle entend celle ou le sens du

Toucher est manifestement blessé & quand il ne l'est pas, elle employe le mot de Tristesse pour exprimer la passion que l'ame ressent. Ainsi quand la santé est alterée & qu'il ny a aucune partie qui soit douloureu-se, quoy que l'estat fascheux où l'on est se forme dans l'appetit sensitif & qu'il ait vne cause corporelle & sensible, on ne dit pas que l'on ait de la Douleur, mais seulement que l'on est triste ou chagrin qui est vne espece de tristesse. Et quoy que l'on puisse dire qu'alors le sentiment du mal est monté iusques à l'esprit qui cause cette passion dans la volonté; neantmoins outre que le mesme estat se peut trouuer dans les bestes & qu'il y en a mesmes qui sont naturellement tristes, il faut toûjours qu'alors il se fasse en nous quelque esmotion de l'appetit senfitif, laquelle pourtant nous n'appellons jamais Douleur.

Mais nonobstant cét vsage que le peuple & l'ignorance ont introduit, il en faut demeurer au iugement de l'escole, & croire que la Tristesse appartient à l'esprit & la Douleur au corps. On ne doit pas neant-

moins s'imaginer que l'yne & l'autre avent. leur jurisdiction tellement separée qu'elles ne puissent estre excitées par vn mesme objet & qu'elles ne puissent compatir enfemble. Car la Douleur sensible n'est gueres Sans la Tristesse, ny la Tristesse sans la Douleur sensible, & le mal est si contagieux de sa nature qu'il passe ordinairement du corps à l'esprit & de l'esprit au corps.

La difficulté est de sçauoir comment cette communication se fait. Car il semble puisque les choses materielles ne peuvent agir leur se sur les spirituelles que la douleur sensible ne communi peut offenser l'esprit & ne doit point par con-ne à l'ausequent luy estre vn objet fascheux. D'vn au- tre. tre costé quoy que l'entendement puisse esleuer les phantolines de l'imagination & les rendre spirituels, il n'est pasau pouuoir de l'imagination de changer les idées de l'en tendement qui sont spirituelles, en des phantosmes corporels. Ainsi les maux de l'esprit ne scauroient toucher l'ame sensitiue, ny causer par consequent une douleur sensible.

Pour respondre à ces raisons, & resoudre

Gla Dou

cette grande difficulté, on pourroit dire auec l'eschole qu'il y a sympathie entre les facultez de l'ame & qu'elles sont si estroittement liées ensemble qu'il est impossible que l'vne ne ressente ce qui se passe en l'autre. Ou bien qu'estant toutes reunies dans la

substance de l'ame qui en est le principe & comme la maitresse rouë où elles sont toutes enclauées, c'est l'ame mesme qui les fait agir l'vne apres l'autre conformement aux actions qui se doiuent faire ; de forte que l'appetit par exemple s'agiteapres la connoissance de l'imagination & les membres se meuuent apres le mouuement de l'appetit, parce que ces facultez ont sympathie ensemble, ou parce que l'ame les excite & les fait agir dans cet ordre-là. Si cela est ainsi il est facile de dire comment les passions dont nous parlons passent de l'vne à l'autre, car l'imagination & l'entendement se communiquant leurs connoissances par cette sympathie qu'ils ont ensemble, ou par la direction de l'ame, il faut que l'objet fascheux qui s'est pre-senté à l'esprit & qui a causé la Tristesse dans dans la volonté, se communique à l'imagination, d'où il descend apres dans l'ap-

petit pour y former la Douleur.

Mais pour en parler franchement ces opinions ne satisfont pas plainement l'esprit. Car outre que le mot de sympathie est vn de ces termes qui éludent les difficultez & qui flatent nostre ignorance, si c'est par elle que l'entendement & l'imagination se communiquent leurs connoissances, il faudra qu'il n'y en ait aucune dans l'entendement qui n'entre dans l'imagination & que toute sorte de Tristesse soit accompagnée de Douleur. Ce qui n'est pas veritable, puis que les notions intellectuelles ne descendent iamais dans l'ame sensitiue, & qu'il n'y à que les grandes Tristesses qui se font ressentir au corps, comme les legeres Douleurs ne touchent pas l'esprit & ne le jettent pas dans la Tristelle.

D'ailleurs cette sympathie n'exclud pas la maniere d'agir qui est naturelle aux facultez, & par consequent il faut qu'elle suppose vn objet corporel qui frappe l'ima-

1

gination, parce qu'elle ne peut connoistre que les choses sensibles. Et en ce cas la difficulté demeure toute entiere. Car dans la Tristesse il ny a point d'autre objet que celuy qui est dans l'entendement lequel estant tout à sait spirituel ne peut passer dans la nature des choses corporelles.

De dire aussi que c'est la substance de l'ame qui fait agir ces facultez, comme cela ne se peut faire qu'elle n'ait la connoissance de l'ordre qu'elles doiuent garder en leurs actions, & qu'elle ne sçache particulierement la maniere dont l'appetit se doit mouuoir en chaque passion; il faudroit que l'ame eust en soy-mesme la connoissance d'vne infinité de choses & qu'elle les connust par sa propre substance sans le secours d'aucune faculté, ce qui ne se trouue en aucun estre creée, & qui est reserué à la nature divine. Cherchons donc quelque autre moyen plus plausible par lequel le corps & l'esprit se communiquent l'vn à l'autre, le trouble qu'ils ref-Sentent.

Pour ce subjet il faut se ressouuenir de

DE LA DOVLEVR.

99

ce que nous auons dit cy-deuant, que l'obiet de la Tristesse doit alterer la constitution de l'ame & que cette constitution confiste dans les inclinations que la nature luy a données. Or la premiere & la plus forte inclination que l'esprit puisse avoir, c'est pour la conservation du corps auec lequel il a vne liaison si estroite, qui est l'instrument de la plus part de ses actions & qui compose auec luy vn tout à la subsistance duquel il est obligé comme à la sienne propre. De sorte que ny ayant rien qui soit si contraire à cette inclination que la Douleur sensible, il s'ensuit que c'est vn objet qui altere sa constitution naturelle & qui doit par consequent luy estre fascheux & luy donner de la Tristesse. Et certainement on peut dire de luy qu'estant la plus noble & la plus excellente partie de l'homme, il est comme le roy de cette petite & merueilleuse monarchie, qu'il ny arriue aucun desordre qui ne demande ses soings & dont il ne doiue prendre connoissance. Ainsi la douleur estant le plus grand que le corps puisse souffrir, il est

obligé d'y prendre garde, de s'en allarmer, & d'aller au secours des sens qui sont les premiers qui en recoiuent les atteintes. Or il ne luy est pas difficile de connoistre le trouble qu'elle apporte dans cette basse partie de l'ame, parce qu'il void les phantosmes que l'imagination en a faites & qu'il en forme ses idées, en quoy consiste toute sa connoissance.

C'est donc ainsi que les maux du corps se communiquent à l'esprit, mais il n'en va pas de mesme des maux de l'esprit à l'esgard du corps, d'autant que ce n'est pas par le moyen de la connoissance que l'entendement les communique à l'ame sensitiue, mais c'est immediatement par le mouuement que la volonté imprime dans l'appetit. Car il n'y a point d'inconuenient que la volonté esmeuue l'appetit, parce que le mouuement est commun aux choses spirituelles & corporelles; mais il y en a que les pensées de l'entendement se communiquent à l'imagination, parce que ce sont des qualitez de diuers ordre

& qui n'ont aucune societé ensemble.

Pour entendre cela il faut remarquer que la volonté à vn empire immediat sur toutes les parties de l'ame & du corps qui se meutient volontairement, car elle peut faire mouuoir les membres exterieures sans que l'appetit y interuienne; n'estant pas vray semblable que dans la resolution que l'entendement a prisé d'estendre la main par exemple, il faille que ce mouuement se fasse par les ordres de l'ame sensitiue qui n'a aucune connoissance de l'objet ny du motif de cette action. Or si ell'a ce pouuoir sur les membres, à plus forte raison l'aura t'elle sur l'appetit, qui estant plus proche & plus mobile qu'ils ne sont, luy doit estre aussi plus soubmis, & partant elle le peut agiter & luy imprimer les mesmes mouuemens qu'elle s'est donnée a elle melme.

Cela estant ainsi, quand elle souffre l'esmotion de la Tristesse, il n'est pas necessaire pour la communiquer au corps que l'imagination connoisse l'objet de cette passion ny le trouble que l'esprit ressent, parce que

N iij

cela est impossible : Mais la volonté excite la mesme agitation dans l'appetit, & l'i-magination qui la remarque se figure apres vn objet & vn motif conforme à ce mouuement, & forme ainsi la passion complete de la douleur; tout de mesme qu'elle fait dans les songes, dans l'amour d'inclination & dans les passions que la musique inspire; comme nous auons dit ailleurs. Car nous auons monstré que quand l'ame remarque dans l'appetit ou dans les esprits quelque mouuement qui est propre à vne passion, quoy qu'elle ignore l'objet qui excite ce mouuement, elle s'en figure vn autre qui est proportionné à ceste passion. C'est ainsi qu'vn homme qui s'endort sur sa colere se represente en dormant des ennemis & des combats, parce que le trouble qui est demeuré dans les esprits, est remarqué par l'imagination qui se figure apres des objets conformes à ce mouvement.

Il en est de mesme de la musique & de l'amour d'inclination, car l'une & l'autre impriment des mouuements dans les es-

prits qui se trouuant pareils à ceux des passions, sont cause que l'ame qui les reconnoist se represente des objets qui sont propres à ces passions, & forme ainsi les passions mesmes. Quoy qu'il en soit quand l'imagination à ressent l'esmotion que la volonté a excité dans l'appetit elle se figure vn objet tel qu'il le luy falloit pour causer cette passion, & acheue ainsi la douleur qui n'estoit que commencée. Mais c'est vn objet vague & confus qui ne la determine pas precisement; c'est pour-quoy il arriue souvent qu'en cét estat on ne sçauroit dire pourquoy l'on est triste & quoy que l'on ressente le mal on ne peut specifier quel il est.

Cette communication neantmoins ne se fait que lors que la Douleur & la Tristesse sont grandes, car quand elles sont legeres & que le mal est de petite consequence, l'ame croid se pouvoir mettre en seureté par le seul mouuement de la partie qui est attaquée sans y appeller le se-cours de l'autre. Ainsi le corps ne se ressent pas des petites afflictions qui tou-

chent l'esprit & celuy-cy ne s'esmeut pas pour les foibles douleurs que le corps sous-fre: Il saut pour les leur rendre communes qu'elles soient fortes & violantes & que l'ame iuge le mal si grand qu'elle croye qu'vne seule faculté ne l'en puisse garantir. C'est pourquoy dans les grandes Tristesses, elle ne se contente pas du mouuement que se donne la volonté, elle remue encore l'appetit: & dans les fortes Douleurs elle agite non seulement la volonté & l'appetit sensitif, mais encore l'appetit naturel comme nous monstrerons cy-apres.

Pour reprendre les differences de cette passion, il y en à des deux principales la Tristesse & la Douleur. Soubs celle-là sont le Chagrin, la Melancholie, L'ennity, la Fascherie, le Deplaisir, & L'afstiction. Quelques vns y adjoustent la Pitié, L'enuie, la Honte, & le Regret, mais il est certain que ces dernieres sont des passions mixtes comme nous dirons en son lieu.

Le Chagrin est vne sourde & secrete Tristesse

Tristesse qui abbat l'esprit & qui luy rend toutes les choses sascheuses & importunes: Il peut naistre des afflictions où il est tombé quand il n'y pense pas, estant distrait ailleurs; ou quand après qu'elles sont diminuées il en reste encore quelque sressentimens qui tiennent quelque temps l'ame abbatuë & comme lassée de la peine qu'els l'a sousserte. En tous ces deux estats on sent bien que l'on est triste, mais c'est vne tristesse sous estats on c'est le Chagrin.

Le plus souvent il vient de l'indisposition du corps soit par le dessaut de quelque évacuation importante à la nature, comme quand les pores se bouchent qui empeschent la transpiration; car c'est-là peut estre vne des plus frequentes causes de ces chagrins inconnus qui nous arriuent : Soit par vne grande dissipation d'esprits, comme il arrive après les grands trauaux de l'esprit & du corps : Soit par le vice des humeurs qui pechent en quantité ou en qualité, d'où vient qu'on dit qu'vn homme est en mauvaise humeur pour dire

U

qu'il est chagrin, parce que le vice des humeurs cause cet effect-là. Mais comme ces humeurs sont differentes, elles produisent aussi de diuerses sortes de Chagrin: Celles qui sont acres & picquantes comme la Bille le rendent inquiet, fascheux, & bizarre; les autres le font pesant, sombre. & resueur. Quoy qu'il en soit l'ame qui remarque toutes les choses qui arrivent extraordinairement au corps, connoist tous les desordres dont nous venons de parler & ressent l'incommodité qu'ils apportent. Ainfi de luy font autant d'objets fascheux qui la jettent dans la Tristesse; mais c'est vne Tristesse legere, n'ayant qu'vne connoissance confuse de ces objets, d'autant qu'ils ne touchent que des parties dont le sentiment est obscur & que la plus part se rendent familiers à la nature par la cou-Rume. Car tout cela est cause qu'ils luy paroissent peu sascheux & que par consequent elle ne fait pas de grands efforts pour s'en essoigner; c'est à dire que la Contraction qu'elle se donne n'est pas grande & n'est, s'il faut ainsi dire, que superficielle. Il

nous faudroit icy rendre raison pourquoy le Chagrin abbat l'esprit & pourquoy il fait que toutes choses luy paroissent fascheuses & importunes, mais cela apparrient au discours suivans. continui elles extrecient continuellement

La melancholie est presque la même chose que le Chagrin, car c'est aussi vne sourde & secrete Tristesse; mais à parler proprement, elle est de plus longue durée & marque comme l'habitude du Chagrin: Ell'a pris son nom de l'humeur mélancholique qui a accouftumé de produire cét effect, quoy que depuis on l'ait transporté à toute sorte de Chagrin de quelque cause qu'il vienne. La raison pour laquelle l'hu-meur melancholique sait naistre cette Tristesse vient de ce qu'estant naturellement aigre & deuenant louvent acre par l'adustion des humeurs dont ell'est faite, elle pieque les veines & les autres parties où ell'est contenue, & le sentiment que l'ame en a, la jette dans le chagrin. A quoy contribuë encore sa froideur naturelle, la foibleffe qui l'accompagne & les vapeurs ma-

me le Charring car delle a di van Lour-- L'Ennuy est encore vne espece de Chagrin, mais il n'est pas facile de dire quel il est, ny ce qui le fait naistre. Car il semble qu'il vienne des bonnes choses auffi bien que des mauuailes, on s'ennuye esgallement dans l'attente & dans la jouissance des biens; Et quoy qu'en toute sorte d'Ennuy il y ait quelque chose de fascheux, tout ce qui est fascheux ne cause pas pourtant cette passion. Neantmoins si l'on prend garde qu'il n'y à que la longue attente & la longue jouissance qui font naistre l'ennuy; que les choses qui deplaisent quoy que d'abbord elles donnent du chagrin, n'ennuyent iamais, si elles ne continuent & ne durent quelque temps; & que les maux mesmes quelques grands

& longs qu'ils soient, si on ne fait reflexion sur leur durée ne causent point l'Ennuy, mais seulement la Tristesse, la Crainte où le Desespoir: Si dije on considere toutes ces choses, on jugera que la longueur du temps, fait la principale difference de cette passion & qu'il y a quelque mal en elle qui cause l'esmotion dont l'ame est a-

lors agitée.
Pour le découurir il faut remarquer que les choses les plus aggreables donnent à la fin du degoust, soit parce que la plus part ne sont bonnes qu'en certaine mesure & en certains temps, hors lesquels elles ne sont plus conformes à la nature; comme sont celles qui causent le plaisir des sens; Soit parce que l'ame ayme naturellement la nouveauté & que ne la trouuant plus dans vn objet où elle s'est appliquée long-temps, elle n'y trouue plus aussi la satisfaction qu'ell' y auoit euë, & en prend en suite le degoust, & le hait enfin comme les autres choses qui sont fascheuses d'elles mesmes. Or quand elle vient à faire reflexion sur la durée des vines

IIO LES CHARACTERES

& des autres, ell'adjouste à son premier Chagrin, celuy que cette longueur luy donne & tombe en suite dans le despit d'auoir si long-temps souffert & dans la crainte que le mal continuë: d'où naissent apres l'impatience, l'inquietude & la langueur qui se remarquent dans l'Ennuy. De sorte qu'on peut dire que l'Ennuy est vn certain chagrin inquiet qui vient à l'ame de la trop longue durée des choses qui luy sont desagreables. C'est pourquoy il n'y a que deux moyens qui le puissent dissiper, La Distraction d'esprit, & la Perseuerance. Cellecy fortifie l'ame contre les difficultez que la longueur du temps apporte; l'autre la détourne des pensées qui causent son Chagrin l'appliquant à d'autres objets qui luy en sont perdre le souvenir & le ressentiment, comme sont les divertissemens & les occupations serieuses. Or quoy que ce soit là le veritable sens du mot d'Ennuy on n'a pas laissé de le transporter à toutes sortes de fascheries & d'afflictions. Car on dit qu'vn homme est accablé d'ennuis pour dire qu'il a de grandes afflictions.

III

Et cela est venu sans doute de ce qu'il n'y a point de déplaisir qui n'ennuye, quand on fait reslexion sur sa durée, & qu'il n'y a point de mal si court qui ne semble trop long.

ciele yn coure qui apparacti ablataner La Fascherie est vne espece de Triftesse qui est entre le Chagrin & l'Affliction; car ell'est plus viue & plus sensible que le Chagrin & l'est moins que l'Assliction, & mesme n'est pas de si longue durée qu'est I'vn & l'autre. Car on ne dira gueres qu'vn homme soit fasché quand il ressent cette fourde & lente Tristesse qui forme le Chagrin & la melancholie, non plus que lors qu'il est tombé en quelque grand déplaifir en quoy confiste l'Affliction: Mais on entend toûjours par là qu'il luy est suruenu quelque mal qui le touche sensiblement, mais qui ne doit pas estre de longue durée. Or quoy que le desir de vangeance se mesle souuent auec elle & qu'alors else fasse cette espece de colere où la douleur est plus forte que le desir de se vanger, d'où vient qu'on dit qu'vn homme est fa-

O iiij

III2 LES CHARACTERES

ché pour dire qu'il est en colere: Neantmoins il est certain qu'on dit aussi que l'on est fasché de la mort d'vn amy, de la perte de quelque chose où il ne se trouue aucun subjet de colere & par consequent c'est vn terme qui appartient absolument à la passion de la douleur, mais qui ne se dit que des personnes.

Le Deplaiser est vne sorte de Tristesse qui vient ordinairement des causes exterieures & morales, car on ne dit gueres qu'on ait du déplaiser pour les maladies & pour les autres incommoditez corporelles que l'on sousser quoy que l'on puisse dire qu'on en est affligé; mais dans ce sens il connient à toute sorte de Tristesse grande ou petite, de longue ou de courte durée; Car il y a de grands & de petits déplaisirs, & les Fascheries aussi bien que les Afslictions peuuent estre appellées de ce nom là.

L'Affliction est vne grande & forte Tristesse, & quoy que ce mot se prenne souuent pour la cause qui la doit produire,

comme

comme quand on dit d'vn homme ou d'vne famille qui a fait quelque grande perte qu'ell'est en assiliation; il est certain qu'il marque toûjours la grandeur de la Tristesse ou du subjet qui la doit exciter. Aussi dementiroit-il son origine s'il n'auoit ce sens là, puisqu'il est venu d'vn mot latin qui signisse abatre à force de coups: comme si l'on vouloit dire que le mal est si grand qu'il n'attaque & ne blesse pas seulement l'ame; mais qu'il l'abbat & qu'il l'accable.

Ce sont-là les principales disferences de la Tristesse. Il faut voir maintenant celles de la douleur, car il ny en a pas vne qui ne fasse vn charactere particulier de cette passion; de sorte que c'est autant auancer nostre dessein que d'en examiner la nature & les causes, Les plus considerables sont la Douleur Aiguë, la Picquante, la Tranchante, la Cuisante, la Tensiue, la Pesante, l'Endormie, la Sourde, la Demangeaison, l'Agacement, le Chatoüillement, & la Lassitude.

Pour bien distinguer toutes ces sortes

de Douleurs il faut consulter la Medecine qui les a examinées auec soin, & accommoder autant que nous pourrons ses aduis à l'vsage de nostre langue qui non plus que toutes les autres ne suit pas toûjours les regles & les maximes des sciences. Il faut donc sçauoir que les Medecins qui considerent principalement les causes des maladies pour les chasser, & les parties où elles sont pour y appliquer iustement les remedes, ont tiré toutes les principales differences de la Douleur, des Causes qui la produisent & des Parties qui en sont attaquées. Les Causes sont l'intemperie & la folution de continuité: Celle-cy se fait par des choses qui diuisent manifestement les parties ou qui les meurtrissent, ou qui les estendent, ou qui les pressent : Soit qu'elles viennent de dehors ou qu'elles s'amassent au dedans du corps, comme sont les humeurs, les vapeurs & autres matieres qui sont propres à produire ces effets. Les Parties sont celles qui sont sensibles, car celles qui ne le sont pas, comme les os & les cartilages ne souffrent aucune douleur.

IIS

Mais de celles qui sont sensibles, il y en a qui ont le sentiment fort delicat, comme les membranes, les ners, & les chairs; il y en à d'autres qui l'ont obscur comme les veines, les arteres & les visceres

Ce fondement estant presupposé les Douleurs Aigües & Poignantes sont celles qui sont les plus viues & les plus sensibles de toutes, & que l'on a appellées ainsi parce qu'elles sont penetrantes & qu'il semble qu'elles percent & qu'elles penetrent l'ame. Et mesme à proprement parler le sentiment qu'elles causent doit estre ramassé en peu despace comme sont les corps aigus, d'où vient qu'on les a restraintes aux mébranes, comme à celles qui seules sont susceptibles de cette sorte de Douleur, non seulement à cause de leur sentiment tres-exquis, mais aussi à cause de la consistence ferme & compacte qu'elles ont qui empesche que la blessure qu'elles souffrent ne s'estende au large.

La Douleur Picquante est aussi vne sorte de Douleur tres-sensible qui approche sort de l'aigüe, mais ell'est commune à toutes

les parties qui ont le sentiment delicar; car les chairs la peuvent souffrir aussi bien que les membranes. Il semble qu'elle n'est pas de si longue durée, & que ce mot ne signisse qu'vne Douleur qui fait son coup promptement ou par de soudaines reprises.

La Douleur Tranchante n'est point disserente de l'aiguë quant à la viuacité du sentiment, car c'est comme vne Douleur aiguë qui contient plus d'espace & qui occupe plusieurs parties que l'on se sent trancher ou deschirer: telle est celle des semmes qui accouchent & de ceux qui ont la dysenterie ou la colique; C'est pourquoy on appelle leurs Douleurs, des Tranchées.

La Douleur Cuisante est viue comme les precedentes, mais ell'est accompagnée d'vn sentiment de chaleur qui picque, & enslamme les parties. Cette chaleur vient de dehors ou des humeurs acres & subtiles qui coulent sur elles: C'est pourquoy les Playes ne cuisent pas d'abord, mais quelque temps apres, quand les esprits & les serositez acres les ont eschausées. Le

froid excite aussi le mesmesentiment, non seulement par sa qualité mordicante, mais encore parce qu'il resserre les pores, & empesche que la chaleur & les serositez ne s'exhalent qui deuiennent par consequent plus acres & plus picquantes. Or quoy que ce soit là le sens propre & veritable de ces quatre termes, on ne laisse pas de les confondre quelquesois & on s'en sert indisferemment pour exprimer la violance de la Douleur, de sorte que l'on appellera vne douleur Tranchante, Cuisante ou Picquante pour dire qu'ell'est vehemente & tres sensible.

Il y a vne sorte de Douleur qui naist de l'extension immoderée des Parties que l'escole appelle Tensue qui est propre à celles qui se peuvent estendre, telles que sont principalement les membraneuses, quand par la quantité des matieres qu'elles contiennent, ou par quelque violance elles viennent à souffrir vne plus grande extension que leur constitution naturelle ne demande. Or quoy que cette Douleur soit grande, ell'est neantmoins supporta-

P iij

ble quand l'extension ne va pas iusques à la division des parties & on sent bien qu'il y a quelque chose qui les tire de force & qui les estend : mais quand elles sont diuisées, l'ame n'a plus le sentiment de la tension & ne sent plus d'autre Douleur que l'Aiguë où la Tranchante, comme il arriue dans les fortes Coliques. Car il est certain que dans ces violantes extensions il y a souuent des fibres qui se rompent & se cassent encore que les yeux n'en remar-

quent pas la rupture.

La Douleur Pesante vient de la quantité des matieres qui chargent les Parties & principalement les visceres dont le sentiment est obscur. Tell'est celle que souffrent le poulmon, le foye, la rate & les reins, quand elle ne va pas iusques aux membranes qui les couurent. A bien considerer la nature de cette Douleur, il y entre quelque chose de la Douleur tensiue; Car le poids des matieres n'est douloureux que parce qu'il presse les parties & les pousse en bas, & qu'en pressant celles sur lesquelles il tombe, &

tirant les autres qui y sont attachées, il faut necessairement qu'il les estende toutes: Et le sentiment que l'ame en a aucc celuy de la pesanteur, cause la Douleur

Pesante.

Toutes les Douleurs dont nous venons de parler se messent souvent l'vne aucc l'autre: pour l'ordinaire dans les Playes on sent la Douleur tranchante & la cuisante : dans les Vlceres la picquante & la cuisante : dans la Grauelle la pesante & l'aiguë : Mais dans les Inflammations elles se trouuent toutes ensemble. Car l'Aiguë & la Picquante viennent de l'acrimonie de l'humeur qui picque les membranes; la Tranchante de la diuision des chairs qui se deschirent; la Cuisante de la chaleur enflammée qui brusse les parties; la Pesante & la Tensiue de la quantité de l'humeur qui s'y est amassée.

La Douleur Endormie arriue aux parties sensibles, quand apres auoir esté quelque temps priuées de l'influence des esprits elles sentent qu'ils y retournent auec impetuosité; Car comme ils sont effort pour

repasser, ils percent les chairs & les picquotent, & selon que leur violance est plus grande ou plus petite on sent vn epicquement dans les membres ou vn simple fourmillement comme si quantité de fourmis passoient par dessus.

La Douleur Sourde est celle qui se fait auec vn sentiment obscur soit que les parties soient peu sensibles, soit que la cause

en soit fort legere & peu agissante.

La Demangeaison est vne certaine Douleur où l'on se sent picquoter les parties exterieures auec quelque sorte de chatoiillement: de sorte que la cause n'en doit pas estre fort violante & doit plustôt irriter le sens du Toucher que le blesser viuement. C'est pourquoy le progrez que sait le ciron dans les chairs sait demangeaison, parce que la diuision qu'il cause est si petite & se fait si lentement que cela n'est presque pas considerable à la nature: Et entre les qualitez c'est ordinairement la salée qui produit cet esset, laquelle n'est pas si actiue ny si penetratiue qu'elle puisse faire vne Douleur aigüe. Souuent mesme

apres que l'acrimonie des humeurs s'est diminuée elle laisse le prurit & la demangeaison sur les parties douloureuses & fait voir euidemment que ce n'est pas l'essect d'yne cause fort vehemente, mais mediocre en sa vertu & en son mouuement. Ouov qu'il en soit cette sorte de Douleur est accompagnée de plaisir quand on frote les lieux ou l'on la ressent, parce que la friction moderée fait sortir l'humeur en ouurant les pores & la rendant plus subtile; Et que toute euacuation qui décharge la nature est agreable : Mais si ell'est trop forte, apres le plaisir, elle sait naistre le repentir , parce qu'elle déchire la peau & eschauffe l'humeur qui cause vne Douleur tranchante & cuisante tout ensemble, was aliche au our relle than

L'Agacement est vne Douleur toute particuliere aux dens qui vient de l'vsage des choses acides ou de la cheute de quelque humeur qui a cette qualité, ou de certains sons aigres qui surprennent l'oreille. Car comme il n'y a rien qui soit si contraire

delle) dag vien sollt is melfae Dooren

Q

aux nerfs que l'acidité, quand celuy qui est à la racine des dens en a esté touché. il se resserre subitement pour fuir cet ennemy : Et cette contraction produit deux effects; l'vn qu'elle cause vne certaine Douleur dans le nerf à cause de l'extension qu'il souffre estant tiré trop fort; Et l'autre qu'elle stupefie les dens empeschant que les esprits ne coulent si librement dans ces parties, en quoy consiste l'agacement. Or les sons aigres font souvent la mesme chose, car comme ils blessent l'oreille, l'ame qui veut fuir ce fascheux objet se resserre, & resserre aussi le nerf qui sert à ce sens là: Et parce qu'il y a quelquesvns de ses rameaux qui descendent iusques à la racine des dens, ils souffrent la mesme contraction que les choses acides y causent; d'ou vient aussi la mesme Douleur.

Le Chatouillement n'est pas vne espece de Douleur ce n'en est que la cause, car c'est vn attouchement leger & delicat de certaines Parties qui leur donne vn sentiment sascheux, dont la nature est aussi

difficile à exprimer que la cause en est obscure & cachée. Il y en a de deux sorres l'yn qui se fait en des Parties ou y a beaucoup de nerfs & de tendons qui sont par consequent fort sensibles, comme sont les aisselles, le deffaut des costes, la plante des pieds & quelques-autres, lesquelles estant chatouillées excitent le ris & meslent ainsi le plaisir auec la douleur. L'autre se fait par tout ailleurs, quand la peau est touchée fort legerement, & principalement si c'est auec yn festu ou autre chose semblable. Celui cy n'excite point le riz & ne laisse qu'vne espece de fourmillement sur la partie qu'on ne peut supporter qu'auec peine. Ce n'est pas icy le lieu d'examiner pourquoy le Chatouillement fait rire, nous auons trauaillé à cela au chap. du Riz: il est seulement question de sçauoir comment il cause de la douleur. Car il semble qu'il n'y a point là d'objet fâcheux qui la puisse faire naistre; l'attouchement qui s'y fait bien loing de blesser le sens, le flatte ; il n'y a point de qualité qui soit capable de l'alterer, & il n'y a aucun mal à

Qij

craindre, du moins quand il n'excite point le Riz. Car il est vray qu'en celuicy l'ame qui sçait les mauuais accidens qu'il peut apporter, le regarde comme vn mal tres-sâcheux, dont elle preuoit & apprehende les mauuais essets. C'est pourquoy il n'est pas toûjours necessaire que l'on se sente Chatoùiller les costez pour soussire la Douleur qui en vient, il sussit que l'on se voye prest de l'être, & mesme que l'on en soit seulement menacé: Mais dans l'autre, il faut que l'attouchement se fasse en esset pour causer ce sascheux sentiment dont nous parlons.

Dirons nous donc comme quelques vns ont fait, que ce sont les esprits qui accourent aux parties Chatouillées, qui les percent & les picquent, comme ils font dans la Douleur endormie, d'ou vient le fourmillement qu'on y ressent. Mais quoy! n'y accourent ils pas quand on les touche plus fort? & puisque le sentiment est alors plus vis & plus exact, n'y doiuent-ils pas venir plus promptement & plus abondamment? Cependant leur abbord ne donne alors aucune incommodité, & ne

cause point cette alteration importune que le Chatouillement laisse sur les parties. D'asseurer aussi qu'elle vienne de la surprise où se trouve le sens par cét attouchement impreueu, & qu'elle cause vne émotion dans la partie, qui en rend le sentiment fâcheux: outre que la mesme surprise se peut rencontrer dans vn plus fort attouchement, fans donner cette incommodité; cette raison peut estre bonne pour le Chatouillement qui excite le Riz, où il faut que l'ame soit deceuë & surprise, comme nous auons dit ailleurs; d'où vient qu'on ne se peut chatouiller foy-mesme de cette sorte, parce que l'on ne se surprend point soy-mesine; Mais dans celuy-cy, la tromperie ny la surprise ny font rien, chacun peut se chatouiller soy-mesme, & se donner ce fourmillement & cette demengeaison incommode dont est question.

Il y a donc plus d'apparence de direque cela vient de ce que l'objet n'est pas pro-portionné à la puissance, l'impression qu'il y fait n'estant pas assez forte, & ne s'v-

nissant pas auec elle autant qu'il faut pour faire vne juste sensation. Car comme les objets visibles qui sont trop petits ou trop éloignez, donnent de la peine aux yeux, & lassent la veuë; quand ceux du Toucher ont les mesmes desfauts, ils donnent aussi la mesme peine au sens : Et il est certain que cét attouchement leger & superficiel qu'il souffre dans le Chatouillemeut, est à son égard ce que les objets trop éloignez sont à l'égard de la veuë: Or toute peine est fascheuse à l'ame, c'est pourquoy les discordances ne luy sont desagreables que parce qu'elle a de la peine à comparer les sons dont elles sont composées, & cette peine vient de ce qu'ils sont trop esloignez l'yn de l'autre, comme nous auons montré au Traité de l'Iris. Comme le sens a donc de la peine à reconnoistre l'objet qui le touche imparfaitement, l'ame fait effort pour s'en approcher, & répand les esprits qui errent comme elle aux lieux ou l'attouchement se fait. Mais voyant que tout cela est inutile, elle se trouble & juge ce sentiment fascheux. Et

de fait, si-tost que l'on a touché plus fort l'endroit qui a esté chatouillé, ce sentiment se perd, parce que l'ame & les esprits se calment à l'abbord d'vn objet qui fait vne sensation juste & naturelle.

La Lassitude est plustost vne cause ou vn effet de la Douleur, que la Douleur mesme, quoy qu'on l'ait mise au rang des Douleurs. Car l'vne est vne impuissance de se mouuoir qui vient ou de la dissipation des forces, ou des humeurs qui empeschent le mouuement des parties qui sont affoiblies, & qui ne se peuuent mouuoir sans peine & sans incommodité. L'autre est vn effet de la Douleur : car elle ne vient qu'à cause que les membres souffrent du mal en se remuant, de sorte qu'ils ont bien la force de se mouvoir; mais ils n'osent s'y engager, parce que leur mouvement est douloureux. Celle-cy est de trois sortes selon le vice des humeurs qui la causent : car si elles pechent seulement en quantité, elles produisent la lassitude qu'ils appellent Tensiue, dans la-

quelle on sent vne douleur pesante quand on remuë les membres. Mais si elles sont âcres & picquantes elles font la lassitude qu'on nomme vlcereuse, parce qu'en se remuant, il semble qu'on ait des viceres dans les parties, & que l'on sente comme des espines qui les picquent. Que si aucc cette mauuaise qualité elles sont abondantes, elles s'échauffent facilement & causent outre les deux precedentes douleurs celle que la chaleur excite; de sorte qu'elles produisent la douleur tensiue, la picquante, & la cuisante, qui toutes ensemble font la douleur & la lassitude qu'ils appellent phlegmoneuse, parce qu'ell' est telle dans les inflammations. Quelquesfois mesme il semble qu'on ait les os rompus & brisez, quand ces humeurs se respandent sur les membranes qui couurent les os.

Il y a encore des douleurs Grandes, Fortes & vehementes; & de Petites, Foibles ou legeres: Il y en a de Profondes & de Superficielles; de Fixes & d'Errantes, de

Continuës & de Passageres. Il y a enfin les Douleurs particulieres de chaque membre, comme la Douleur de teste, des yeux, &c. Mais toutes ces differences sont esloignées & presupposent tousiours les autres : car vne forte ou vehemente Douleur est necessairement ou aiguë, ou cuisante ou tranchante, & ainsi du reste: Et par consequent elles ne sont pas si propres ny si exactes que les premieres. Ioint qu'elles font si faciles à comprendre que le seul nom qu'elles portent en fait connoistre parfaitement la nature. Il reste neantmoins quelque difficulté touchant les Grandes & les Petites Douleurs: car il n'est pas facile d'abord de dire en quoy elles confistent, ny quelles en sont les causes.

A parler exactement, la Grandeur & la Dod vient Petitesse de la Douleur, se doit mesurer de la Dou-par la violance & par la foiblesse du mouuement de l'appetit, parce que c'est en ce mouuement que consiste cette passion. Et il est certain que pour l'ordinaire ce mou-uement est proportionné au jugement que

la faculté Estimatiue fait de l'objet fascheux & que ce jugement aussi est conforme à l'alteration que souffre le sens. Car c'est l'ordre naturel que l'ame garde en cette passion, que le sens estant blessé, l'Estimatiue doit connoistre iustement combien cela est important & dangereux à l'animal; & selon le jugement qu'elle en fair, l'appetit s'elmeut conformement à sa connoissance & s'agite d'vn mouuement violant ou foible à proportion que le malluy paroist plus ou moins dangereux. Or si cet ordre s'obseruoit tousiours il n'y auroit point de peine à découurir en quoy consisteroit ny ce qui causeroit la grandeur veritable de la Douleur : car il ne faudroit que considerer la nature de l'alteration pour asseurer combien elle seroit fascheuse & combien elle deuroit esmouuoir l'appetit. Mais il arriue bien souuent que cette proportion n'est pas gardée, & que la Douleur est plus grande ou plus petite que n'est cette alteration. En esset il y a des personnes qui se figurent incessamment les maux qu'ils souffrent plus grands qu'ils

ne sont & à qui les moindres Douleurs font insupportables: Au contraire il y en a qui se les imaginent toussours moindres & qui diminuent mesme le ressentiment & la Douleur que les plus violans leur peuvent causer. Il n'est pas mal aysé de dire pourquoy cette passion ne respond pas tousiours à l'alteration que souffre le sens, parce que ce n'est pas le sens qui connoist le mal comme mal, c'est la faculté Estimative qui adjouste à la connoissance des objets les notions de mauuais & de fascheux, comme nous auons dit cy-deuant. De sorte que selon la disposition où se trouue cette faculté elle conçoit les choses plus ou moins fascheuses, & selon le jugement qu'ell'en fait, l'esmotion de l'appetit est plus forte ou plus foible & par con-sequent la Douleur plus grande ou plus petite.

La difficulté est donc de sçauoir d'où procede cette differente disposition. Souuent elle vient de l'empeschement où se trouue cette faculté soit par la distraction où elle se laisse emporter, soit par les ma-

ladies qui la mettent en desordre. C'est pourquoy vne forte application d'esprit empesche qu'on ne sente le mal, & ceux qui ont l'esprit troublé ne l'apperçoiuent pas ou se le figurent plus grand qu'il n'est. Mais hors ces empeschemens cette disposition ne peut venir d'ailleurs que du secret sentiment que l'ame a de la force ou de la foiblesse du corps. Car l'vne & l'autre ne luy est pas inconnuë; ell'est jointe de trop prez auec luy pour ne voir pas les vertus & les deffauts qu'il 2, & comme c'est son organe, elle sçait à peu prez ce qu'elle peut & ce qu'elle ne peut faire par son moyen. Quand donc elle le reconnoist foible, elle juge qu'il est exposé à toutes sortes d'iniures, que les moindres desordres le peuuent à la fin d'estruire, & que mesme les maux ne sont pas tant à redouter par la puissance qu'ils ont d'agir que par l'impuissance où il est de leur resister. De sorte qu'elle adjouste au sentiment du mal present la pensée du dangerà venir& le desespoir de s'en pouuoir garantir, & forme ainsi vne idée du mal plus fascheuse qu'il n'est en effect, d'où

naist apres vne Douleur plus grande & plus violante que n'est l'alteration qu'il souffre. Tell'est celle que ressentent les melancholiques & les vieillards, ceux qui ont le corps delicat & subjet aux maladies, & principalement les naturels mols & effeminez; parce que toutes ces sortes de personnes ayant peu de force & peu de courage, ne croyent pas pounoir supporter les maux par leur foiblesse & n'osent se roidir contreux par leur lascheté. Or il n'y a rien qui accroisse tant la violance de la Douleur que lors qu'on s'y abandonne, & qu'on laisse aller l'ame ou elle se precipite sans faire aucun effort pour la retenir, comme nous dirons plus amplement cy-apres.

Mais quand l'ame sent le corps sort & robuste elle sçait aussi qu'il est en estat de resister à la plus grande part des maux & qu'il ne peut succomber sous leur violance qu'il ne s'en releue apres sans aucun peril. C'est pourquoy elle ne se les sigure iamais si grands qu'ils sont, & s'ils luy causent quelque Douleur, elle la supporte constament se roidissant contr'elle, & empes-

chant ainsi son mouuement & ses progrez comme nous auons motré au ch.de la Constace. Il estvray que la vertu & le vice changent souuent ces inclinations naturelles & qu'il arrive souvent qu'vne vie molle&effeminée corrompt les sentimens que la force du corps a accoustumé d'exciter dans l'ame: et qu'aucontraire la Raison fortifie les natures foibles & delicates & leur donne les mesmes pensées & les mesmes mouuemens que la plus vigoureuse constitution leur pourroit inspirer. Mais en quelque façon. que cela arriue on peut tousiours dire que si ce n'est la force du corps, c'est celle de l'ame qui diminuë le sentiment des maux, comme c'est sa foiblesse qui les augmente & qui les rend plus difficiles à suppor-

Or ce que nous venons de dire de la Douleur corporelle se peut appliquer à la Tristesse de l'ame, car ell'est grande ou petite de la mesme façon & pour les mesmes raisons que l'autre. Et s'il y en a quelqu'vne qui soit plus violante & plus legere qu'elle ne deuroit, c'est pour les mesmes causes que nous auons apportées, car la faculté Estimative se peut tromper au jugement du mal que l'ame souffre, estant troublée ou distraite, ou estant preoccupée du senti-mét que l'ame a de sa force ou desafoiblesse.

Le principe que nous venons d'establir ceux qui ont nous seruira encore à descouurir ceux qui inclination à la Tristelle. sont les plus subjets à ces passions & à rendre raison de l'inclination qu'ils y ont. Car s'il est vray que la foiblesse soit plus exposée aux iniures & qu'elle sente les maux plustost & plus fort que tout autre constitution, il faut de necessité que ceux où elle se trouue soient plus susceptibles de la Tristesse & de la Douleur, qui sont les effects ou les suites du sentiment du mal. En effect qui considerera d'vn costé que les melancholiques, les vieillards, les Femmes, les malades & ceux qui ont le corps delicat; et de l'autre que les hommes coleres, les timides, les enuieux, les malheureux & les miserables sont les plus subjets à ces passions, ne trouuera point de cause commune de cette inclination

136 LES CHARACTERES commune que la foiblesse qu'ils ont.

On n'en peut douter pour les premiers que l'on sçait auoir peu de chaleur natu-relle qui est le principe de la force & du courage. Et pour les hommes coleres & les timides, outre que les passions ausquelles iis sont enclins ne se forment jamais sans Douleur, elles supposent tousiours quelque feiblesse naturelle; car les hommes forts & hardis se mettent rarement en co-

lere & ne craignent rien.

Quant aux enuieux, aux mal-heureux, & aux miserables, s'ils n'ont pas la foiblesse de la nature, ils ont tousiours celle de la fortune, c'est à dire qu'ils manquent de biens, d'amis & de puissance, & souffrent par consequent les maux qui accompagnent ordinairement la priuation de ces choses. On peut mesme dire qu'encore que la disposition à la Douleur corporelle vienne de la delicatesse du sentiment, neantmoins cette delicatesse est vne marque de la foiblesse du corps : car le toucher pour estre exquis & delicat demande vne constitution du cuir & des chairs, qui soit mollow

molle & tenuë; ce qui ne se peut accorder auec la force & la vigueur du corps dont la composition est ferme & solide, comme nous auons dit au chapitre de la Hardiesse.

La Hardiesse est donc la cause generale de l'inclination que l'on a à la Tristesse & à la Douleur, Il y en a d'autres particulieres qui se ioignent auec elle, comme la melancholie en ceux où ell'abonde; car cette humeur picquant incessamment les parties par son acidité ou par son acrimonie & exhalant à tous momens des vapeurs malignes dans les arteres & dans les parties nobles, elle inspire vn chagrin continuel à l'ame & la dispose à receuoir tous les objets pour peu fascheux qu'ils soient, comme si c'estoient de grands maux: Sou-uent mesme les plus agreables luy sont importuns, comme si la mauuaise humeur où ell'est, les infectoit en passant & leur imprimoit la mesme qualité qu'ell'a. Et cette raison est commune aux malades, aux vieillards, aux mal-heureux & aux miserables; car ayant l'ame abbatuë & vlcerée

S

par les incommoditez ou par les trauerses qu'ils souffrent, tout ce qui leur arriue s'aigrit & se corrompt par le sentimét qu'ils ont de leurs maux ordinaires, de sorte que les choses agreables leur deviennét fascheuses & les sascheuses se rendent plus picquantes.

L'exemple & la Coustume contribuent encore à cette inclination, car de toutes les passions il n'y en a point qui soit si contagieuse que la Tristesse, soit parce que la compassion est naturelle à l'homme, & qu'on ne voit gueres vne personne affligée sans compatir à sa Douleur : soit parce que les objets qui excitent cette passion sont en plus grand nombre & plus prests d'agir que ceux qui font naistre les autres : D'où vient que l'ame qui en sous-fre plus souvent les atteintes s'accoustume à l'esmotion qu'elles causent & se rend ainsi plus susceptible de la Tristesse. Car c'est va esset ordinaire de la coustume pour toutes les actions, de donner vne inclination & vne facilité à les faire : c'est pourquoy elle change les passions en vertus ou en vices, & il ne faut pas douter que celle

DELA DOVLEVR. dont nous parlons ne passe en habitude

comme toutes les autres.

Quel est le Mouuement des Esprits & des Humeurs dans la Douleur

TROISIESME PARTIE

PRES auoir tant de fois asseuré que dans les Passions le mouuement des Esprits est coforme àceluy de l'ame, il semble que nous n'aurons pas grand'peine à dire comment ils s'esmeuuent en celle-cy, puisque nous auons fait voir que dans la Douleur l'ame souffre deux mouuemens, l'vn qu'ell'emprunte de la Hayne dont cette passion est tousiours accompagnée par lequel l'appetit se separe & s'éloigne du mal; et l'autre qui est propre à la Douleur par lequel il se resserre & rentre confusement en luy-mesme. Car il s'ensuit de là que les Esprits sont agitez des mesmes mouuemens en cette Passion; qu'ils

140 LES CHARACTERES s'enfuient & se retirent au cœur; et qu'ils se resserent en eux mesmes auec empresse-

ment & auec confusion.

Et certainement il ne faut pas douter qu'ils ne souffrent ces deux sortes d'agitation dans la Tristesse, puisque le visage v passit & s'abbat, qu'on se sent le cœur ferré, qu'on perd le courage & que le pouls y est petit, estroit & languissant, qui sont tous des effects de la fuite & de la contraction des Esprits.

Neantmoins on ne peut pas dire la même chose de la Douleur corporelle. Comme si elle iettoit la rebellion das les Esprits, au lieu de suiure les desseins & les commandemens de l'ame, ils ont des mouuemens tout contraires aux siens, & bien loing de fuir & de se retirer comm'elle, ils s'eslancent en dehors sur les parties exterieures. Car nous voyons que la plus-part des grandes Douleurs font d'abbord rougir le visage; que lors qu'elles font ietter des larmes, les yeux, le nez & les levres s'enflent & deuiennent rouges; & qu'en-fin par tout ou elles se font sentir elles y portent la rou-

DE LA DOVLEVR. 141

geur, la tumeur & l'inflammation. Ce qui ne peut arriuer que par l'abbord du sang qui coule extraordinairement en ces parties, & qui n'y peut estre conduit que par les Esprits, comme nous monstrerons cy-

apres:

La difficulté est donc de sçauoir comment la Tristesse & la Douleur qui font dans l'ame yn mesme mouuement & par consequent vne mesme passion, causent dans les Esprits & dans les humeurs des mouvemens contraires. La resolution de ce doute depend d'vn principe que nous auons proposé en diuers endroits de cet ouurage. A sçauoir que bien que l'empire. de l'ame soit monarchique & qu'ell'ait yn commandement sonuerain sur toutes les facultez & sur toutes les parties du corps, il y a neantmoins dans cette monarchie de petits estats qui se gouvernent par des puissances, par des loix & par des ministres qui sont propres à chacun. Dans tous les animaux, il y en a deux de cette nature la Partie Sensitiue & la Partie Naturelle & l'homme a par dessus l'Intellectuelle. Cha-

142 LES CHARACTERES

cune a sa connoissance particuliere, chacune a son appetit propre par lequel elle se meut & fait mouuoir tous les organes qui sont de son ressort. Et quoy que leurs mouuemens soient quelquefois semblables & qu'ils semblent concourir à vne mesme fin, comme quand l'appetit naturel se porte à quelque aliment qui est en mesme temps desiré par l'appetit sensitif & par la volonté: Si est-ce qu'ordinairement ils sont non seulement differens entr'eux, mais tout à fait contraires. Cela ne se rencontre que trop souuent en ceux de la volonté & de l'appetit sensitif qui se contrarient àtous momens & qui forment des passions qui se combattent l'vne l'autre : et qui prendra garde à ceux de l'appetit naturel y remarquera la mesme opposition à l'esgard des deux autres. Car quand yn homme animé de la hardiesse va au combat & qu'il luy arriue de passir & de trembler; quand vne profonde Tristesse ou vne Peur extréme causent la siévre; et quand vn malade est dans les apprehensions de la mort & que cependant la nature trauaille à chasser

DE LA DOVLEVR. 143

le mal par quelque crise: Il est certain qu'en toutes ces rencontres l'appetit senfitif & l'appetit naturel ont des mouuemens contraires, & les mouuemens de celui-cy se peuvent appeller Passions comme nous auons dit au chap. de la Colere. Car bien qu'on veuille restraindre ce nom aux mouuemens de l'appetit sensitif, neantmoins puis qu'on le donne à ceux de la volonté à cause qu'on y reconnoist la méme agitation & les mesmes motifs qui se trouuent aux passions de la partie sensitiue : il n'y a pas raison de le desnier à ceux de l'appetit naturel où les mesmes conditions se rencontrent. et mesmes s'il est vray qu'on les appelle Passions, parce que le corps y patist sensiblement, ce nom conuient mieux aux mouuemens de l'appetit naturel qu'à ceux de la volonté; d'autant que ceux-cy n'alterent pas toussours le corps, demeurant souvent dans cette supréme region sans descendre iusques aux facultez corporelles; au lieu que l'appetit naturel ne s'esmeut jamais qu'il n'agite les Esprits & qu'il n'altere le corps comme les autres passions.

144 LES CHARACTERES

Quoy qu'il en soit ces mouuemens con traires qui se remarquent dans la Douleur corporelle viennent comme ceux dont nous venons de parler, de l'agitation differente que souffrent l'appetit sensitif, & l'appetit naturel : car celle-là fait retirer & resserrer en elle-mesme la partie sensitiue de l'ame, & celle-cy fait souleuer la partie naturelle qui esmeut en suite les esprits & les humeurs & les pousse aux parties qui sont blessées. De sorte qu'on pourroit dire que la Douleur sem-ble estre vne passion composée de la Tristesse qui se forme par la contraction de l'amesensitiue; et de la Colere de la faculté naturelle qui s'irrite contre le mal & qui l'attaque pour le chasser. Car comme nous auons dit ailleurs, cette basse partie de l'ame a des mouuemens qui respondent à la Hardiesse & à la Crainte, puisque tantost elle s'esseue contre les maux & qu'elle les combat auec la mesme ardeur & auec la mesme alteration qui se remarquent dans la vraye hardiesse; et que tantost elle perd courage ainsi qu'il arriue quel-

DE LA DOVLEVR. 143

quelquefois dans les maladies malignes & pestilentes, où la siéure qui est comme vne cholere de la faculté vitale irritée, cesse tout à coup; la grandeur du mal estonnant la nature, & luy faisant quiter le combat qu'elle auoit commancé. Litague le de la le hard of the state of the state of

Mais si cela est ainsi, on aura lieu de La Dou-nous objecter que la Douleur n'est pas une pasvne passion Simple comme nous auons dit; sion simque la definition que nous en auons don- ple. née n'est pas complete; & qu'il y faut adjouster le mouvement de la faculté naturelle. Il y a deux choses à respondre là dessus, la premiere, que comme il y a trois sortes d'appetit, l'intellectuel, le sensitif & le naturel, les passions sont appel-lées Simples ou Composées à l'esgard d'vn mesme appetit, & non pas en les comparant auec ceux qui sont de diuers ordres. Autrement il n'y auroit aucune passion qui fust simple du moins dans les hommes; parce que la volonté se messe presque toûjours auec les mouuements de l'appetit sensitif. La passion est donc Simple qui ne

146 DES CARACTERES se forme que dans la partie concupiscible, ou irascible d'un mesine appetit, & ell'est Mixte ou Composée, quand toutes les deux se meuuent en mesme temps, Ainsi quoy que dans la Douleur le mouuement de l'appetit naturel se joigne à celuy de l'appetit sensitif, il ne s'ensuit pas que ce soit vne passion composée, non plus que lors que le mouvement de la volonté l'accompagne, & que la tristesse se messe auec la douleur sensible. Ce sontveritablement deux passions qui se sont afsociées ensemble, mais qui ne peuvent passer pour vne seule, quelque composée qu'on se la figure; parce que ce sont deux different mouvement qui se forment en diuerses parties de l'ame, & par diuers.

principes.

La Douleur Corporelle est donc vne passion Simple, parce qu'elle ne se fait que dans la partie concupiscible de l'appetit sensitif, sans que l'irascible y contribué; et quand les mouvemens de la volonté & de l'appetit naturel se joignent auec elle, ce sont des choses estrangeres à son essente

DE LA DOVLEVR. 147 ce qui ne ruinent point sa simplicité.

La seconde chose qu'il saut respondre, c'est que le mouvement de l'appetit naturel ne peut estre de l'essence de la Douleur, non seulement parce qu'il y a des douleurs où il ne se trouue point comme les petites & les legeres; mais encore parce que quelques grandes qu'elles puissent estre, il n'y a d'abord aucune marque que ce mouvement s'y fasse, puisque la rougeur, la tumeur, l'instammation & les larmes qui sont les signes qui le sont reconnoistre, n'y paroissent point, & n'y surviennent qu'apres les premiers sentimens de la Douleur.

Enfin comme l'estat fascheux & turbulent que la presence du mal excite dans l'ame, sait toute l'essence de la Douleur sensible; et qu'il n'y a que le mouvement de l'appetit sensitif qui seul peut causer cét estat sascheux; il saut de necessité que toute l'essence de la Douleur consiste dans ce mouvement, & qu'elle ne depende point de celuy de l'appetit naturel. Or nous auons monstré

148 LES CHARACTERES que cét estat fascheux venoit de ce que l'ame void & sent l'image du mal qui la penetre de toutes parts & qui se confond auec elle, & que cette penetration se fait par le moyen de la contraction de l'appetit sensitif. Et par consequent toute l'essence de la douleur est renfermée dans cette contraction & l'appetit naturel n'va aucune part. De sorte que nous pouuons conclurre que le mouuement de la faculté naturelle qui survient à la Douleur, ne fait point partie de son essence, que ce n'en est qu'vne suite ou vn effect qui mesmes ne l'accompagne pas tousjours, & qui par consequent ne doit point entrer en la definition.

Pourquoy l'appetit naturel s'esmeut dans la douleur. Reprenons le fil de nostre premier discours, & voyons pourquoy il faut que l'appetit naturel qui se conduit par vne connoissance disserente de celle des sens, qui ne peut discerner les objets sensibles, & qui est d'vn ordre inserieur à la partie animale, se messe dans la douleur qui est vne passion causée par l'impression.

DELA DOVLEVR. 149

fascheuse des qualitez tactiles dont il n'y a que le toucher & l'imagination qui puisfent estre les iuges, auec lesquels neantmoins il semble que la faculté naturelle n'ait aucune societé ny communication.

Pour resoudre cette difficulté, il faudroit expliquer quell' est la connoissance par laquelle la faculté naturelle connoisse ses objets & la maniere dont elle se fait: Mais parce que nous auons traité ailleurs de cette matiere, il suffit icy de dire que faulte de mot propre, nous appellons cette connoissance vn Sentiment, quoy qu'elle ne se fasse point par le moyen des qualitez sensibles, ny par la production des images, auec laquelle la sensation se fait. Car quand l'estomach ne peut souffrir des choses que le goust & l'appetit ont approuuées ; Et quand la nature connoist le vice des humeurs qui sont dans les veines, qu'aucun sens ne peut apperceuoir & qu'elle tasche à nostre insceu de corriger & de chasser; Nous disons que cela se fait par vn secret sentiment qu'ont les parties qui sentent naturellement ce qui leur est nuisible.

T iij,

150 LESCHARACTERES

C'est donc ainsi que la faculté naturel? le connoist ce qui luy est bon ou mauuais. Et comme toutes les parties de l'ame se communiquent les maux qu'elles souffrent, principalement s'ils sont considerables; soit parce qu'elles ont sympathie l'vne auec l'autre & qu'elles font toutes liées ensemble par la substance de l'ame qui en est le lien commun; soit parce que dans ces fascheuses rencontres l'ame tasche de reunir l'effort de toutes ses puissances pour se de. fendre d'vn si dangereux ennemy: Il arrine aussi que la douleur sensible & l'alteration qui la causent, se font sentir à la faculté naturelle qui s'excite & s'esseue en suite pour le combattre. Ioint que la composition du corps ayant esté commise à la garde de cette vertu, il n'y peut suruenir aucun desordre considerable qu'elle n'en ayt connoissance, & qu'elle ne s'esmeuue aussi pour y remedier. C'est pourquoy elle enuoye le sang & les esprits aux parties blessées, pensant chasser le malauec ce secours: qui bien qu'il fasse quelquesois ce qu'elle pretend, ne laisse pas tres souuent

DELA DOVLEVR. TSE d'augmenter le mal par la tumeur & par l'inflammation qu'elle y porte.

Mais cecy fait naistre vn autre doute. les Esprits Comment il se peut faire qu'en cette ren-suyuent contre les Esprits obeissent plustot à la fa- l'appetit culté naturelle qu'à la sensitive, & pour-naturel, quoy ils suyuent plustot le mouvement de l'appetit naturel qui les pousse au dehors que celuy de la Douleur qui les deuroit faire retirer & resserrer au dedans? Car il semble que la faculté sensitiue estant la plus noble, deuroit estre la maistresse de tous ces mouvemens, & qu'ayant vn si grand empire sur les esprits comme il paroist dans les passions, elle pourroit les contraindre à suiure ses ordres, puis qu'elle contraint bien le coeur & les arteres à se resserrer, & les membres à se raccourcit nonobstant l'effort de la faculté naturelle.

Sur cela il y a deux choses à respondre, l'une que la faculté naturelle n'est pas veritablement la plus noble, mais qu'elle est la plus necessaire, comme estant la base de toutes les vertus, & celle qui soustient

les principes & les elemens de la vie : Et que l'ame qui a plus de soin des choses vrgentes & necessaires, oblige les Esternals et de l'appetit sensitif, comme estant les plus importans à la coservation de l'animal.

L'autre est que les Esprits qui s'esmeuuent dans les passions , doiuent leur naissance à la faculté vitale qui est au rang des puissances naturelles, & que par consequent ils ont vne plus estroite liaison auec elle, & luy obeissent plus exactement qu'à toutes les autres. En effect on pourroit dire qu'elle leur commande comme à ses propres subjets, & que la sensitiue ne les employe que comme ses alliez qui ne sont pas obligez de la suiure, quand leur Prince a besoin de leur seruice. Ainsi quand il se forme vne passion dans l'appetit naturel, ils suiuent son mouuement, quoy que l'appetit sensi-tif les appelle à son secours; & quelque effort que celuy-cy fasse pour les retenir, ils vont aueuglement & sans reculer où le premier les pousse. Cela paroist euidemment

DE LA DOVLEVR. 153

ment dans l'agitation que la fiévre leur donne; dans la course qu'ils font vers les parties blessées; dans le transport des humeurs qu'ils conduisent par tout le corps: Car l'appetit sensitif ny la volonté mesme ne sçauroient empescher ces mouuemens. Et sans doute la mesme chose arriue dans les passions qui se forment dans cette basse partie de l'ame: L'agitation qu'y sousser les Esprits, ne se peut changer par les facultez superieures, & il faut quand celles-cy s'esmeuuent qu'elles employent d'autres organes que ceux-là pour faire impression sur le corps.

C'est aussi ce qui se passe dans les Douleurs violantes. Car l'appetit sensitif ne pouuant se servir des Esprits qui sont occupez à l'essancement que leur fait faire l'appetit naturel, fait resserre le cœur & les arteres, & retirer les membres comme estant des parties qui sont de son ressort, & sur lesquelles il a plus de pouuoir. Et bien que le mouuement ordinaire du cœur vienne de la faculté naturelle, neantmoins comme il reçoit du cerueau des

V

154 LES CHARACTERES nerfs qui luy donnent le sentiment, il faut de necessité qu'il ayt quelque mouuement qui depende du mesme principe; parce que l'appetit sensitif se trouue par tout où est le sentiment, comme nous auons montré cy-deuant.

Quoy qu'il en soit, l'ame partage en ces rencontres le mouuement de ses organes, faisant resserrer le cœur & raccourcir les muscles pour satisfaire à l'appetit sensitif, & poussant les esprits au dehors pour s'accommoder à l'esmotion de l'appetit naturel: Tout de mesme que dans la colere elle ouure les cauitez du cœur pour seconder le mouuement de la Hardiesse & en resserre & comprime la substance, comme dit Hippocrate, pour satisfaire au mouuement de la Douleur.

Les Esprits sont donc tossjours portez aux parties exterieures en cette passion: Mais dans la Tristesse ils suiuent l'esmotion que souffre la partie superieure de l'ame sans estre detournez par les essotts de la faculté naturelle qui n'a rien à faire en cette rencontre, le mal qui excite cette

DE LA DOVLEVR. 155

passion n'estant point de son ressort, & ne pouuant de soy alterer la constitution du corps. C'est pourquoy on peut dire que puisque l'ame n'est point icy partagée en des mouuemens differens, elle s'abandonne toute entiere à celuy dont ell' est agitée, & que la contraction qu'elle y souffre est plus grande & plus complete, estant accompagnée de celle des esprits. Par où il faut à mon aduis decider le doute qu'on a si souuent proposé, qu'elle est la plus vio-lante & la plus difficile à supporter de la Tristesse ou de la Douleur: Car comme l'essence de l'yne & de l'autre consiste dans la contraction de l'ame, il faut que cellelà soit la plus forte où cette contraction est plus grande & plus entiere.

Et c'est la raison pour laquelle on se sent le cœur plus serré & plus oppressé dans la Triftesse, & que la langueur & l'abbatement du courage luy sont plus ordinaires: parce que les Esprits & le sang accourant en soule au centre du corps, & n'estant point repoussez aux parties exterieures, comme il arriue dans la Dou-

156 LES CHARACTERES

leur, il faut de necessité qu'ils remplissent & qu'ils chargent le cœur & les veines qui sont à l'entour, & qu'ils causent par consequent vne pesanteur & oppression en ces parties, qui empesche la liberté du pouls & de la respiration. Et comme il n'y a aucune partie de l'ame qui fasse effort ny qui excite les esprits & la chaleur pour repousser le mal, comme il se fait dans la Douleur corporelle; Delà vient que la faculté vitale qui est opprimée par la quantité & par le poids des humeurs, se relasche & s'abbat, & cause ainsi la langueur & la perte du courage. Mais nous parlerons de cecy plus amplement cy-apres, quand nous chercherons les causes des Characteres.

Ce que nous venons de dire, se doit entendre de la Tristesse qui est grande & vehemente. Car dans celle qui est legere ou mediocre, les Esprits ne se retirent & ne se resserent pas si fort qu'ils ne s'eschappent de temps en temps pour former les Desirs, les Esperances, & autres semblables passions qui se messent auec celle-cy; & pour faire couler les larmes qui sont les

DE LA DOVLEVR. 157 compagnes des Tristesses mediocres, & que les grandes & profondes ne connoissent point. Dautant que pour saire couler les pleurs, il saut que les Esprits montent à la teste, qu'ils sondent les humeurs & qu'ils les portent aux yeux; d'où vient que ces parties s'enflent & rougissent; et qu'il est impossible que la violante contraction où ils sont dans les afflictions extremes leur laisse la liberté d'aller en ces lieux pour y produire tous ces effects. Mais dans les autres où cette contraction n'est pas si for-te ny si opiniastre, ils se peuuent facile-ment desgager & suiure le dessein qu'a l'ame de faire voir par les larmes l'estat fascheux qu'elle souffre, comme nous di-

La faculté naturelle pousse donc les Es-Pourquose prits aux parties blessées & y porte aussi les serosi-tez couhumeurs qui sont messées auec eux. Et il lent sur y a apparence que comm' elle a dessein d'at-les parties blesses. taquer & de combattre le mal, elle fait en cette passion ce qu'elle fait dans la colere, où elle excite & separe les sucs les plus ma-

rons au chapitre suiuant.

158 LES CHARACTERES

lings qui soient dans le corps pour les employer contre l'ennemy : D'où vient que le venin des serpens est plus dangereux quand ils sont en colere, & que les morsures de toutes sortes d'animaux sont en quelque façon venimeuses, quand ils sont irritez, leurs dents estant alors infectées de quelque humeur maligne que la nature conduit en ces parties pour destruire ce qui l'offence. Il y a dis-je, apparence qu'elle fait la mesme chose dans la Douleur corporelle & qu'elle choisit les humeurs les plus actives pour les envoyer contre le mal qu'elle veut assaillir. Et c'est de là sans doute que naissent la pluspart des accidens qui surviennent aux playes quelque temps apres qu'elles sont faites, comme la tumeur, la douleur cuisante & la quantité d'excremens qu'elles iettent. Car tout cela vient des humeurs malignes que la nature poufse en ces parties. Or elle fait ses attaques au commencement du mal, parce que c'est lors qu'il luy est le plus sensible; & apres elle trauaille à corriger les desordres que ces humeurs ont causéz, en cuisant les ma-

DE LA DOVLEVR. 159

tieres retenues, & les confumant peu à peu; si tant est qu'elle soit assez forte pour en estre la maistresse. C'est pourquoy il y a peril quand ces accidens n'y paroissent point, parce que c'est vn signe certain que la nature est estonnée, qu'elle n'est pas en estat de combattre, & qu'elle abandonne les parties blessées à la violance du mal.

En effect la Douleur cuisante qui ne se fent pas d'abord aux playes & qui par consequent ne vient pas de la solution de con-tinuité, procede des serositez acres qui coulent dessus; Et ces serositez ne viennent pas de la foiblesse que l'alteration cause dans la partie blessée, puisqu'il arriue souuent que dans les playes malignes où la foiblesse & le desordre sont extrémes. cette douleur ne paroist point du tout. Il faut donc que ce soit la nature qui enuove ces serositez d'ailleurs; et comme elle sçait choisir les bonnes & les mauuaises humeurs selon les ouurages & les desseins qu'elle entreprend, il faut croire qu'elle n'employe celles-cy qui sont acres & picquantes que comme des armes offensiues dont elle se veut seruir pour assaillir & chasser le mal. Il en saut dire autant des impuretez dont tout le corps se descharge sur les parties malades, car la nature en tirele mesme seruice que de la bile ou du venin dans la colere, & sait comme vn sage Politique qui descharge l'Estat des brouillons & des mauuais garnemens en les envoyant à la guerre. En effect si les tumeurs qui leur suruiennent sont molles & mediocres, si les excremens en sont louables, c'est vne marque que tout le corps est pur & qu'il ne sournit pas à l'ame les mauuaises humeurs qu'elle eust employées pour atta-

quer, si elle les y eust rencontrées.

La chose ne se passe pas ainsi dans la Trissesse, l'ame n'y fait aucune entreprise, aucune choix, aucune separation ny coction d'humeurs, au contraire ne pensant qu'à suir & à secacher, elle fait rentrer & reserrer les Esprits en eux-mesmes, elle mesle & consond toutes leurs parties & tous les sucs qui sont messez auec eux, & peruertist ainsi toute l'œconomie du sang. C'est pourquoy il ne saut pas s'estonner s'il s'al-

DE LA DOVLEVR. 161 tere & se corrompt & s'il cause à la finces longues & opiniastres maladies qui succedent aux grandes Tristesses: comme nous dirons cy-apres.

المعتدرية والمالية والمالية

De vouloir maintenant examiner com- Comment ment les Esprits se resserent, ce seroit vne les esprits recherthe inutile apres tout ce que nous rent dans en auons dit. On sçait que tous les corps & laTristefprincipalement ceux qui sont d'vne consistence plus rare & moins solide, comme l'eau, l'air & les vapeurs se condensent & se ramassent par le froid ou par quelque autre violance. De sorte qu'il n'y a pas lieu de douter que les Esprits qui sont de cette nature ne soient susceptibles du mesme mouvement. En effect le froid & quelques venins les font resserrer; et dans les passions, l'ame qui les entraisne auec'elle, leur fait souffrir la mesme contraction qu'elle s'est donnée. Il faut seulement remarquer que toutes les choses se peuvent resserrer auec ordre ou auec confusion. Quand le froid congele l'eau ou quand on la presse dans son canal, toutes ses parties se

162 LES CHARACTERES

resserrent dans l'ordre qu'elles auoient auparauant: mais quand elle se trouue presse par la tempeste en quelque destroit, alors ses ondes se brouillent & entrent l'vne dans. l'autre, & se ramassent ensemble auec confusion. La mesme chose arrive dans la contraction des Esprits: Car dans la Constance. elle se fait esgalement & auec ordre parce que la fermeté que l'ame leur donne retient leurs parties dans la mesme disposition où elle les rencontre. Mais dans la Tristesse elle se fait auec confusion, parce que l'ame qui les fait resferrer pour les raisons que nous allons dire, se hastant de fuir le mal qui la presse, n'a pas la patience qu'ils se rangent esgale ment, mais precipite les derniers sur ceux qui vont deuant & les faisant entrer les vns dans les autres, elle les brouille & les confond ensemble? al sittle of till tro.

Il y a donc icy deux choses à considerer dans leur mouvement, la Contraction & la Confusion. La premiere se fait aucc dessein & pour vne sin que l'ame croit luy deuoir estre vtile. L'autre se fait par pute

DE LA DOVLEVR. 163

necessité: car l'amene se propose point de brouiller & de confondre les esprits, mais c'est vne suite de l'agitation qu'elle sousse qui est causée par l'empressement &

par la precipitation où ell' est. enigamas

Quant à la fin qu'elle se propose dans la contraction : c'est premierement qu'elle croit mettre à couvert ses plus nobles organes, estant vne chose asseurée que les corps qui se resserrent euitent ainsi l'approche de ce qui leur est contraire; qu'ils sont moins exposez à ses atteintes; & qu'en ramassant leurs parties ils se fortifient pour luy resister : et c'est pour tous ces motifs que les animaux refserrent & racourcissent leurs membres à la presence du mal, comme nous auons dit cy-deuant. Secondement c'est qu'elle s'imagine que par ce moyen elle pouruoit mulholis. encore à sa propre seureté, l'vnion qu'elle a auec les Esprits, luy faisant croire que c'est elle-mesme qui se met en l'estat où ils sont. Car c'est vne erreur où elle tombe ordinairement dans les passions, de se figurer que c'est elle qui fait ou qui souffre ce qui

164 DES CARACTERES n'est propre qu'à ses organes. Ainsi elle pense se cacher dans la Honte quand elle couure le visage du sang qu'elle y respand,& qu'elle abbat ou ferme les paupieres : Elle s'imagine dans l'Orgueil qu'elle s'effeue; quand les sourcils se haussent & qu'elle s'en-He & s'estend quand le visage se gourme. Enfin sieles Esprits se jettent en dehors on s'ils se retirent en dedans, elle croit que c'est elle qui se porte aux mesmes endroits. comme si elle quittoit les lieux d'où elle croit partir. C'est donc ainsi qu'elle se persuade que lors qu'elle les contraint de se refferrer, c'est elle qui se met en cette posture, & qu'elle y trouuera les mesmes auantages que les corps en retirent pour leur seureté.

le Lince du mal, comme e ver apons dic

comment Voyla ce que nous anions à dire du moula douleur uement que les Esprits soussirent dans la associate dans la Douleur, il faut mainnaturelle, terrant voir quelle alteration elles causent dans la chaleur naturelle. Il est certain que la Tristesse l'associate & la diminuë, & l'on n'en peut douter, si on considere la petitesse & la langueur du pouls, l'abbate-

DELA DOVLEVR. 164

relle. En effect la fuite & la contraction des esprits qu'elle cause, peuvent bien faire pastir & abbatte le visage, & rendre froides les parties exterieures: Mais il n'y a pas d'apparece qu'elles fassent refroidir le cœur,

ment des forces, & les maladies lentes & opiniastres qu'elle cause. Mais la difficulté est de sçauoir comment elle l'affoiblist. Car nous auons montré au traité de la Hayne qu'il n'y a que les passions où l'ame perd le courage qui puissent refroidir le cœur, parce qu'il n'y a qu'elles qui empes-chent l'influence & la generation des Esprits, & qui laissent esteindre en suite la chaleur naturelle. Or ces sortes de pasfions appartiennent toutes à l'appetit irafcible qui sert à la direction des forces & du courage, & qui les excite ou les retient selon qu'il le juge necessaire: De sorte que la Tristesse qui est du ressort de l'appetit concupiscible, & qui ne consulte point le courage ny les forces de l'ame, ne peut empescher la production des Esprits ny diminuer par consequent la chalcur natu-

puisqu'elles y ramassent toute la chalcur X iii

qui estoit respandue par le corps.

Il faut donc dire que la Tristesse de soy, ny toute seule ne produit point cet effect. mais seulement lors qu'elle est accompagnée de la Crainte, & du Desespoir qui sont les passions de l'appetit irascible qui font perdre le courage; encore faut-il qu'elles durent quelque temps pour causer les accidens que nous auons marquez. C'est pourquoy les afflictions courtes ou legeres ne font point de tortà la chaleur naturelle, au contraire elles la fortifient & seruent à la longueur de la vie, comme nous dirons cy-apres. Mais lors qu'elles sont violentes & de longue durée, elles sont ordinairement suivies de ces deux passions qui esteignent à la fin la chaleur & causent ces maladies opiniastres dont nous auons parlé. Car la grandeur & la durée du mal estonent la nature, & luy persuadent que ses forces ne sont pas capables de luy resister, & qu'elle se doit abandonner à sa violence. Et cela arriue principalement quand la constitution du corps ou de l'ame se trouue foible; d'où vient que les femmes & les

DELA DOVLEVR. 167

melancholiques tombent plus facilement en ces passions & sont plus susceptibles des maladies & des autres symptomes qui ont accoustumé de les suyure: Au lieu que les ames fortes & les constitutions robustes supportent constamment les assidictions qui leur arriuent; et dans la constance qu'ils ont en leur force, elles se roidissent contr'elles & sont des essorts qui entretiennent tousiours la chaleur du cœur & la genera-

tion des esprits.

Quant à la Douleur sensible, si on considere la grandeur & la vehemence du pouls qui l'accompagne, la sièvre & l'inquietude qu'ell' excite, la rougeur & l'inflammation qu'elle porte aux parties blessées, on iugera facilement que bien loing de diminuer la chaleur du cœur, elle l'accroist & l'irrite; et qu'il est impossible que cela n'arriue ainsi, veu l'agitation que se donne la faculté naturelle, qui se presse d'enuoyer des esprits & d'en produire de nouueaux pour entretenir le combat qu'elle a entrepris. Il est vray que les essorts qu'elle sait pour cela, sont quelquessois si

168 LESCHARACTERES

grands qu'ils causent des defaillances & des syncopes, soit parce que les Esprits estant poussez auec trop de violence, perdent la continuité qu'ils doiuent toûjours auoir auec leur principe qui cesse alors de communiquer sa vertu aux parties; soit parce que la nature voulant faire son dernier coup, employe tout ce qui luy reste d'esprits & espuise ainsi toutes ses sorces. Ce qui arriue principalement à ceux dont la composition est delicate & les humeurs subtiles; car elles ne tiennent pas coup à l'impetuosité des Esprits, elles s'escartent & se dissipent facilement.

- All Commence of the All

uripit. Letter by a telescope in the control of the color color.

Quelles sont les Causes des Characteres de la Tristesse.

TROISIESME PARTIE.

E S Characteres de la Douleur sont de deux sortes comme ceux de toutes les autres Passions, à sçauoir ceux qui se forment dans l'ame & ceux qui se font au Corps. Mais parce que la Tristesse & la Douleur sensible quoy qu'elles ne fassent qu'yne mesme espece de Passion, les ont neantmoins differens, & principalement ceux qui sont Corporels, à cause du mouuement de la faculté naturelle qui se mesle auec la Douleur, comme nous auons dit, & qui agite les esprits tout autrement qu'ils ne sont dans la Tristesse; nous parlerons premierement des Characteres de la Tristesse, & apres nous examinerons ceux de la Douleur. Commençons donc par les actions de l'ame, & voyons pourquoy Elle pense continuellement au mal qui

170 LES CAVSES DES EFFETS. la presse, puis que cela fait toute sa peine.

Il n'y point de passion qui n'attache Toute Passion fortement l'esprit à l'objet & à la cause attache l'esprit à qui la fait naistre, non seulement parce que c'est vn mouvement de l'appetit qui Son obiet. a besoin de l'Influence continuelle de la faculté connoissante : Mais encore parce que l'ame ne se meut que pour arriver à sa fin, qui est la possession du bien on la fuite du mat, & qu'il faut par consequent qu'elle se represente incessamment l'yn ou l'autre pendant son agitation.

Les pafsions fascheuses occupent

prit.

Mais comme le mal est plus important & plus considerable à l'animal que le bien estant plus puissant pour le destruire que le bien ne l'est pour le conseruer : De là plus l'efvient que les Passions qui ont le mal pour objet, occupent dauantage l'esprit, & ne donnent pas tant de liberté à ses pensées de vaguer & de se distraire, que celles qui regardent le bien. En effect ceux qui sont touchez d'Amour de Ioye, ou de Desir, se laissent facilement emporter à diverses imaginations qui sont essoignées de leur

DE LA TRISTESSE 171 fin principale; Et il n'est pas mal-aysé de les detourner de leurs agreables resueries pour les porter à d'autres diuertissemens. Mais il n'en est pas ainsi des Passions fascheuses, l'ame est tellement attachée à l'objet qui les excite, qu'elle ne s'en peut separer qu'auec peine, & quelque soin que l'on prenne de luy en ofter la pensée, elle conserue tousiours au fond du cœur le souuenir de ce qui la blesse.

Il est vray que comme il y a des maux La Tri-plus grands & plus pressans les vns que les stesse atautres, il est certain que generalement par-tache da-lant, les Passions qui ont pour objet vn l'esprin mal plus present & plus dangereux arrestent dauantage l'esprit. La Crainte par exemple occupe plus l'ame que la Hardiefse, parce que le peril y paroif plus grand; et la Tristesse plus que ces deux là, parce que le mal yest present, & qu'il corrompt en effect la constitution naturelle de l'ame, comme nous auons monstré; a u lieu que dans les autres Passions il ne fait que la memacer & est encore à venir.

172 LES CAVSES DES EFFETS

La Douleur fenfible occupe plus l'ame que la Trifteffe.

Mais si la Tristesse a ce pouuoir & cét auantage par dessus elles, il faut qu'elle le cede à la Douleur corporelle qui lie tellement l'esprit & la pensée au sentiment du mal qu'il est comme impossible de les en detacher. Elle ne permet pas comme la Tristesse qu'on s'égare en mille circonstances qui se trouuent à la rencontre des maux; qu'on s'applique à la consideration des biens que l'on a perdus; qu'on forme cent desseins pour se tirer du malheur où l'on est. Non, celuy qui sent la Douleur ne songe à autre chose qu'à son mal; toute son ame semble estre renfermée dans la partie qui est offensée, & elle ne souffre pas mesme qu'on la destourne de l'application qu'ell' ya, quoy que ce soit ce qui la trauaille dauantage & qui augmente le is, parce a rette real than elle ou orbroleb

Nous auons dessa touché la raison de cette différence quand nous auons dit que la Douleur sensible vient de l'alteration qui se fait dans la constitution du corps qui est la plus importante & la plus ne-

DE LA TRISTESSE. 173 cessaire, à sçauoir le Temperament & l'vnité des parties. Car il s'ensuit de la que lors que cette alteration vient à la connoissance de l'ame, ell' en est plus allarmée que de quelque autre que ce soit, qu'ell' a plus de soin d'y pouruoir, & qu'elle s'y applique par consequent dauan-tage; la grandeur du peril ne luy permettant pas de s'en destourner vn moment.

Mais comment est-il possible que dans Pourquo? ces deux Passions elle vueille s'appliquer l'ames at-si fort à l'objet fascheux qui les fait nai-fort aux stre, puisque cét attachement est presque obiets sasla seule chose qui luy fait de la peine? Car cheux; si on ne pensoit point au mal on ne le res-cela sait sentiroit point, & l'on sçait que dans la toute sa chaleur des combats les coups que l'on re-peine. çoit ne causent point de Douleur, & que dans les fortes meditations le corps souffre sans que l'ame s'en apperçoiue, parce que l'esprit est alors distrait & qu'il ne considere pas le mal qui l'attaque, lissa assig

Si l'on yeut se souuenir de ce que nous

auons dit des motifs que l'ame se propose en cette Passion, & de la maniere dont
ell'y est agitée, on verra bien que c'est aucc
raison qu'elle s'attache au mal qu'elle sent,
& que le mouuement qu'elle se donne en
suite, est vtile à son dessein. Que si la peine survient à ces actions, c'est vn accident
qui arriue contre son intention & par vne
necessité inuincible dont elle ne peut & ne
doit pas mesme s'exempter quand ell' en
auroit le pouuoir.

Car enfin c'est vne loy que la nature luy a imposée pour la conservation de l'animal de fuir le mal quand elle l'apperçoit: Et elle ne peut le fuir auec plus de precaution quand il est present, qu'en se resferrant & se ramassant en elle-mesme. Parce qu'outre que par ce moyen elle se cache de luy autant qu'elle peut, qu'ell' est moins exposée à ses atteintes, occupant moins d'espace & qu'elle luy veut faire vn plus libre passage, asin qu'il s'essoigne plustost & plus facilement; elle reunist ses forces par cette contraction, & se met en estat de luy resister plus auantageusement, & de s'op-

DE LA TRISTESSE. 175 nofer au progrez qu'il peut faire. Mais comme elle ne peut executer tous ces desseins qu'elle ne considere le mal qui la presse, & qu'elle ne respande dans l'appetit l'image qu'elle s'en est formée, il arri-ue aussi qu'en se resserrant & r'entrant en soy-mesme, cette image importune la suit en tous ses mouvemens; sinsi ne pouvant voir fans peine & fans horreur vn objet fi odieux qui la penetre de toutes parts, & qui se messe & se confond auec elle, elle fait de nouveaux efforts pour s'en esloigner, elle se trouble dauantage & accroist le desordre où elle est tombée. C'est donc vn mal necessaire qui luy vient en suite d'vn bien qu'elle s'est voulu procurer: Et quoy que le mal foit plus grand que lebien, elelle ne le sçauroit euiter qu'elle ne ruine l'ordre de la nature, qu'elle ne perde le foin de sa conservation, & qu'elle ne s'abandonne à la violance des maux qui l'attaquent comme nous auons dit cy-deuant.

Mais ie veux bien qu'elle ne puisse se Pourquoy detacher du mal qui la presse & qui la pe-se sui les

176 LES CAVSES DES EFFETS

plaifirs

netre, il semble qu'elle ne deuroit pas rechercher ceux qui font hors d'elle & qui che tout luy sont estrangers; qu'au contraire elle ce qui la peut aug. deuroit embrasser les biens qui se presentent & s'en seruir comme de iustes & d'yniques remedes à la peine qu'elle souffre. Cependant elle ne hait & ne fuit pas seulement tous les diuertissemens & les plaisirs de la vie, mais elle ayme mesme & recherche toutes les choses qui peuuent augmenter son chagrin: La solitude, l'obscurité, la compagnie des malheureux, le recit de leurs infortunes & le souvenir des fiennes propres font ses plus doux entretiens: Tous les lieux & tous les objets qui luy peuuent remettre en memoire les pertes qu'ell' a faites luy sont agreables. Enfin elle ressemble à ces animaux qui ne se nourrissent que de venin, & qui changent en poison tous les meilleurs alimens qu'ils trouuent.

> Pour rendre raison de ces estranges effects de la Tristesse, il faut remarquer premierement que l'ame a deux sortes de mouuemens

DE LA TRISTESSE. 177
uemens en general dont les diuerses especes font presque toutes les differences de
Passions; l'vn par lequel elle se iette en des
hors & fort comme hors de soy pour
poursuiure le bien ou pour attaquer le
mal; L'autre par lequel elle suit & r'entre
en elle-mesme pour s'essoigner de ce qui
luy est fascheux.

En fecond lieu, que quand elle s'est engagée à quelqu'vn de ces mouuemens, ell' a de la peine à se porter à d'autres qui luy soient contraires, & reçoit facilement l'impression des objets qui fauorisent l'agitation qu'elle s'est donnée, & qui causent des mouuemens sinon tout à fait semblables, du moins conformes à la pente qu'ell' a prise. Car il en est comme de celuy qui court versquelque endroit, il ne peut retourner en arrière sans se faire violance, mais il n'en soussire aucune si quelque chose le pousse où il va, ny mesme si elle le fait vn peu escarter du droit chemin qu'il tenoit.

C'est ainsi que les Passions agreables se suyuent ordinairement l'yne l'autre, &

178 LES CAVSES DES EFFETS passent difficilement à celles qui sont fascheuses. Car l'Amour reçoit facilement le Desir, la Ioye & la Hardiesse mesme, parce qu'elles ont toutes vn mesme genre de mouuement par lequel l'ame se porte en dehors quoy qu'elles soient vn peu differentes dans la route qu'elles tiennent. Et si quelqu'vn est ioyeux il donne vne facile entrée en son ame à tous les objets qui peuuent former la mesme passion qu'il ressent & larefuse à ceux qui en peuuent exciter de contraires: Parce que ceux-là la poussent où elle se porte elle-mesme, & que ceux-cy taschent de l'engager dans vn mouuement contraire à son inclination.

Il en est de mesme à proportion des Passions sascheuses, car elles ne souffrent point les objets ny les passions agreables à cause de la contrarieté qui se trouue entre leurs mouuemens & les leurs; et s'allient auec les choses qui leur sont conformes pour

les raisons que nous auons dites:

Et c'est de là sans doute que procede cette auersion qu'vn homme accablé de

DE LA TRISTESSE. 179 Tristesse a pour les diuertissemens, pour les plaisirs & pour tous les objets agreables: Car quelques charmans qu'ils puissent estre, il ne le touchent ny d'amour ny de desir ny de ioye, au contraire ils augmentent son chagrin & le mettent en plus mauuaise humeur; parce qu'ils trouuent l'ame agitée d'vn mouuement opposé à celuy qu'ils taschent d'exciter, & qu'ils la violentent par consequent dans l'impression qu'ils luy donnent. Car quelque mal que luy cause le mouuement qu'ell' a, comme il luy est necessaire, & qu'elle l'a choisi pour arriver à sa fin, elle s'y plaist, & tout ce qui le veut empescher choque son des-sein & son inclination. C'est pourquoy quand on veut arrester ou affoiblir vne passion, il ne faut pas au commencement s'opposer à son cours, & vouloir forcer tout d'vn coup l'impetuosité dont ell' est emportée. Car vn homme en colere s'irrite dauantage si on luy fait connoistre d'abbord qu'il a tort de se fascher; et celuy qui est affligé reffuse les consolations qui s'opposent de force à sa douleur. Parce

Z ij

180 LES CAVSES DES EFFETS que l'ame ne peut sans se faire vne grande violance, changer ny arrester l'agitation qu'elle s'est donnée. Mais il faut en ces rencontres entrer d'abbord en ses sentimens, & puis la ployer peu à peu & la faire pancher où l'on la veut conduire: Car apres auoir ainsi detourné & alenty son mouuement, on peut ensin l'arrester tout à fait & luy en imprimer vn autre tout contraire.

on is by demient. Car quelque and one

Mais quand l'ame rencontre des Objets & des Passions conformes à la Tristesse où ell'est plongée, non seulement elle les reçoit auec facilité, mais encore elle les recherche, elle s'y plaist mesme & ne les quitte qu'auec peine. C'est pourquoy elle se laisse fe facilement toucher à la pitié, elle tombe ordinairement dans la crainte & dans le desespoir; elle ayme la solitude, l'obscurité, la compagnie des malheureux & toutes les choses qui la font ressoument de ses infortunes. Parce que les mouuemens de ces Passions sont conformes à celuy dont est aguée; et que ces objets là ne s'op-

DE LA TRISTESSE. 181 posent point à son cours, estant mesme comme autant de vents qui se joignent au courant qu'ell' a pris & qui la poussent où elle veut aller.

Mais ces derniers effets de la Tristesse L'ame se meritent d'estre plus particulierement exa sent foible minez: Et pour donner vn solide fonde-Trissesse. ment à ce que nous en voulons dire, il faut presupposer que l'ame se croit tousiours foible quand cette Passion l'a saisse, parce que le mal s'en est rendu le maistre, & qu'il la tient abbatuë & accablée soubs sa violance. Et vne marque euidente du sen-timent qu'ell'a de sa foiblesse, e'est qu'elle le fuit & qu'elle passe si facilement de l'estat où ell'est dans la paresse, dans la langueur, dans la crainte & dans le desespoir: Où il est certain qu'elle ne tombe iamais que par l'opinion qu'ell' a d'estre foible & de n'auoir pasassez de forces pour agir: loint que les gemissemens & les plaintes qui luy font ordinaires en cette rencontre, sont des effects de la foiblesse, comme nous montrerons cy-apres.

Z iij

182 DES CAVSES DES EFFETS

Cela cstant ainsi, il n'est pas mal-aysé de dire pourquoy ceux qui sont affligez se laissent si facilement toucher à la Compas. sion es à la Pitié. Car comme cette Passion est composée de la Douleur que les maux d'autruy font ressentir, & de la Crainte que l'on a de tomber dans les mesmes accidens; Il est certain que la Tristesse est plus susceptible de ces mouuemens que quelqu'autre que ce soit. Premierement parce que la Douleur qui entre dans la Compassion est vne veritable Tristesse, dont par consequent les mouuemens sont semblables. Et de là il s'ensuit que les objets qui sont capables d'exciter la Pitié, ne font aucune violance à l'ame qui est affligée, qu'ils y entrent sans peine & y font vne facile impression, n'y trouuant point d'obstacle. Secondement, parce que l'ame qui se sent foible quand ell' est Triste, ne peut resister au sentiment que les maux d'autruy luy donnent, & craint mesme qu'ils ne luy arriuent en effect, estant persuadée par l'opinion qu'ell' a de sa foiblesse qu'ell' est exposée à tous les malheurs de la vie. Et

14

DE LA TRISTESSE 182 par consequent ell'est encline à la Pitié, puisque c'est estre pitoyable que de ressen-tir les maux d'autruy & de les craindre pour soy-mefme. Enfin la Tristesse & la Compassion dependent d'vne mesme constitution de l'ame, puisque l'vne & l'autre y presupposent de la foiblesse qui en est comme la premiere & la principale disposition; et par consequent elles se doiuent suyure l'yne l'autre, puisque les effects qui demandent de mesmes dispositions, se rencontrent ordinairemet ensemble. Or on ne peut douter que la Compassion ne soit vn effect de la foiblesse de l'ame, non seulement parce que la Tristesse en fait partie, mais encore parce que les constitutions les plus foibles comme celle des femmes & de tous ceux qui ont le temperament froid & humide y font plus sujetes, comme nous dirons plus amplement au chapitre de la Compassion.

Quand la Tristesse s'est donc jointe auec la Pitié, elle fait qu'on recherche la Com184 DES CAVSES DES EFFETS pagnie des miserables, & qu'on se plaist au recit qu'ils font de leurs infortunes. Parce que la fin que la nature se propose dans la Compassion, c'est de soulager les malheureux, soit par le secours qu'on leur offre, soit par les consolations qu'on leur donne, soit par la descharge de leurs maux qu'on leur procure en les leur faisant raconter. Car c'est vne chose ordinaire en toutes les passions fascheuses, que l'ame croit se descharger d'vne partie de son mal par toutes les actions exterieures qu'elle fait, comme par les larmes, par les soupirs, par les mouuemens du corps, & principalement par la parole: D'autant que le mal estant principalement dans la pensée, elle croit qu'en mettant au dehors ses pensées par la parole, elle fait aussi sortir le mal auec elles. Il en est de mesme des pleurs, des soupirs & des autres actions exterieures que cette Passion doit produire.

En effect vne Personne qui deuore son chagrin & qui le garde dans le cœur sans le declarer en aucune maniere, le sent bien plus long-temps & en est bien plus tour-

menté

DE LA TRISTESSE. 185 menté que celuy qui le dit, qui se plaint, qui pleure, &c. Tout de mesme que la colere d'vn homme se conserue & s'accroist par le silence, & se diminuë par les menaces, par les reproches & par cent autres actions qu'il fait. Car quoy que la raison iuge que tout cela n'est point de soy capable d'augmenter ou d'affoiblir la Passion: Neantmoins la faculté sensitiue qui en est ordinairement le siege & le subjet principal, & qui ne discerne pas si exactement les choses, s'imagine qu'elle arriue à ses fins par ces voyes là, & se satisfait en quelque sorte quand elle employe quelqu'vn de ces moyens; tout de mesme que sa peine continue & s'accroist quand elle ne s'en peut seruir.

La Tristesse a le mesmes dispositions La Tristespour la Crainte que pour la Compassion, se est est à squoir la foiblesse où l'ame se persuade crainte. d'estre, & la conformité des mouvemens dont elle est agitée en l'vne & en l'autre. Et comme les objets qui peuvent exciter la Crainte se presentent presque à tous mo-

A a

186 LES CAVSES DES EFFETS mens à l'esprit de celuy qui est affligé, il est presque impossible qu'auec ces disposi-tions il ne soit aussi à tous momens saisi de quelque apprehension. Or on ne peut douter après ce que nous auons dit, que l'ame ne se sente foible en ces deux passions. puis qu'en l'yne & en l'autre elle fuit. Et pour la Conformité des mouuemens qu'elles ont, ell'est si iuste qu'il n'y a aucune difference entreux pour ce qui regarde la nature & l'espece du mouvement, car dans la Crainte l'appetit se resserre & r'entre en luy-mesme auec precipitation, tout de mes-me que dans la Tristesse: Et toute la diuersité qui s'y trouve est dans les choses qui sont exterieures & estrangeres à l'essence du mouuement, à sçauoir le sujet, l'object & le motif qui sont differens en l'vne & en l'autre comme nous auons diten expliquant la definition de la Douleur.

Cette foiblesse & cette conformité de mouvement est donc cause que l'ame qui est affligée tombe facilement dans la Crainte quand les objets qui sont propres à l'exciter se presentent à elle. Et il y en a

DE LA TRISTESSE. 187 vne infinité qui entrent incessamment en sa pensée; car non seulement elle void le progrez que doit faire le mal dont ell' est attaquée & les dangereuses suites qu'il peut auoir, mais encore elle s'imagine que dans l'estat où ell' est, il n'y a aucun malheur qui ne luy puisse arriuer. Si c'est la perte de l'honneur, des biens, ou d'vn amy qui l'afflige, elle preuoit tous les diuers accidens qui peuuent venir en suite de ces disgraces: Si c'est la maladie, elle se la figure plus grande qu'elle ne paroist, elle remarque tous les maux les plus dangereux dans lesquels elle se peut changer : Et comme si ce ne luy estoit pas assez de souffrir le mal present, son apprehension luy fait ressentir tous ceux qui sont à venir.

Enfin se voyant exposée à tant de mal-La Tristesheurs, & ne croyant pas leur pouvoir re-se cause le Desespoir. Mais il faut rematquer qu'il y a deux sortes de Desespoir. L'vn qui est vn relaschement general de l'ame,

188 LES CAVSES DES EFFETS

par lequel elle perd toutes les esperances qu'elle auoit conceues, & s'abandonne toute entiere à la violance du mal. L'autre est bien aussi vn relaschement, mais ce n'est qu'à l'esgard de quelque dessein particulier qu'elle s'estoit proposé. Car en perdant l'esperance du succez qu'elle s'en estoit promis, elle s'en forme d'autres que l'indignation, le despit & la colere luy suggerent, & qui sont suiuis d'actions dereglées temeraires & surieuses: Et c'est en ce sens qu'on appelle vn homme desesperé & vne action de desespoir.

La Tristesse est susceptible de l'vn & de l'autre, mais le dernier ne se rencontre qu'aux commencemens de cette passion, & lors que l'ame n'en est pas tout à fait accablée. Car on ne le remarque gueres apres vn long progrez ny dans la fin des grandes afflictions qui sont tousiours accompagnées de la langueur & de l'entier abbatement de l'ame. C'est pourquoy à l'abbord des grandes afflictions on void des hommes qui s'arrachent les cheueux, qui se

DE LA TRISTESSE 186 battent la teste contre les murailles, & qui font cent autres actions qui sentent le transport & la fureur : mais cela ne leur arriue iamais quand leur Tristesse a duré quelque temps; et si ell'a fait vn long progrez ils ne sont capables que de l'autre sorte de Desespoir qui les jette dans la langueur & dans l'insensibilité & qui leur inspire le desir de la mort, & la leur fait quelquefois rechercher. La raison de cette diuersité est fondée sur l'estat des forces dont l'ame est pourueuë au commencement & à la fin de la Tristesse. Car quoy qu'elle se sente foible si tost qu'ell' en a esté saisie, elle ne croit pas pourtant que ses forces soient tellement espuisées qu'elle ne puisse faire quelque effort pour se retirer du peril où ell' est, ou du moins pour le diminuer. C'est pourquoy elle forme alors des desirs & des esperances, elle prend des resolutions de supporter constamment son infortune, elle se laisse mesme emporter au despit & à la colere qui passent quelquefois iusques à la fureur. Mais quand ell' a souffert long temps la violance de la Pas-

fion, & qu'elle void que tous ses efforts ont esté inutiles, elle juge alors que toute sa vigueur est dissipée par la longueur du mal & qu'elle n'est plus capable de luy faire resistance; aussi sans se soucier plus de s'eslancer, de s'affermir ny de se resserrer, elle se relasche tout à fait, & comme vn Nocher qui ne peut plus gouverner son vaisseau, s'abandone à la mercy de la mer & des vents, & n'attend plus que le naussrage: Elle aussi ne pouvant plus resister à l'excez de la Douleur, se laisse emporter à sa violance, & ne songe plus qu'à perir.

Comment la Tristesse & le Desespoir se ioignent.

Il peut naistre icy vne difficulté sur l'vnion de ces deux Passions, n'estant pas vraysemblable que l'ame puisse en mesme temps
se resserrer par la Tristesse, & se relascher
par le desespoir. Mais ce n'est pas icy le lieu
de la decider, ce sera au Chapitre du Desespoir où nous montrerons que s'affermir
& se relascher sont contraires & incomparables, mais non pas se resserre & se relascher; ou aussi l'appetit ne peut pas en
yn mesme moment s'affermir & se relascher

DE LA TRISTESSE. c'est à dire former l'Esperance & le Deses-poir, mais qu'il peut se resserrer & se relas-cher par la rristesse & par le Desespoir. Qu'en tous cas ces mouuemens se peu-uent suyure l'vn l'autre auec tant de vistesse qu'ils semblent se faire en mesme temps. Et peut estre que c'est pour cela qu'vn homme affligé ne sent pas sa Douleur si forte quand il tombe dans ce grand abbatement d'ame, & que l'Insensibilité où il est D'où vient vient en partie du changement & de l'in-l'insensibiterruption qui se fait dans le mouvement lité dans la de la Tristesse, le dis, en partie, parce qu'elle procede aussi de la dissipation de la chaleur naturelle & des esprits que cause vne longue & profonde triftesse quand la Crainte & le Desespoir ont refroidy le cœur, comme nous auons monstré cy-deuant. Car la chaleur naturelle estant alors affoiblie & les esprits estant en petite quantité, toutes les actions du corps & de l'ame se sont laschement, l'esprit s'abbat & denient hebeté, le corps est languissant es immobile; et à voir vn homme en cet estat; on peut croire ce que la Fable a dit de Niobé,

qui fut changée en rocher apres auoir veu mourir tous ses enfans.

Quoy que la Colere ait vn mouuel ment different de celuy de la Tristesse, il arriue pourtant tres-souuent qu'elle se ioint & se messe auec elle, mais ce n'est pas auec la violance ny auec les transports qui luy sont ordinaires, principalement si la triftesse est profonde & de longue durée. Car l'ame n'est alors susceptible que de quelques legers mouuemens de despit ou d'indignation; d'autant qu'ell' est ou se croit estre si foible qu'elle n'ose passe hazarder à faire de grandes attaques; Ellese contente des petites où sa foiblesse l'engage, parce qu'ell' est au mesme estat que sont les malades, les pauures & les vieillards qui se depitent & se mettent en colere pour les moindres chôses fascheuses qu'on leur dit ou qu'on leur fait, se figurant qu'on les mesprise à cause de leur foiblesse. Il en est de mesme de ceux qui sont affligez, ils s'imaginent que l'impuissance & le malheur où ils sont les expose au mespris &

DE LA TRISTESSE. 192 aux iniures, & que la pluspart des choses les offense, c'est pourquoy ils se faschent & se depitent; mais ces esmotions sont courtes & legeres, parce que outre que souuent les causes en sont foibles, elles arrivent à la fin de la Tristesse où l'ame n'est plus capable de grands efforts. Car il est vray qu'au commencement il s'en void qui se laissent emporter aux plus violans transports de la colere, parce que l'ame sent encore ses forces, & qu'elle les trouue egales à la grandeur des iniures qu'elle fouffre. Quoy qu'il en soit on ne peut douter qu'vn homme Triften'ayt vne grande disposition à la Colere, puis qu'il a dessa la moitié de cette Passion qui est vn melange de la douleur & de la hardiesse, comme nous auons dit; et que s'il y a des temps où il n'en soit pas touché, ce ne peut estre que par l'insensibilité & par la foiblesse extreme que l'excez & la longueur de l'affliction luy causent. Car estant insensible il ne sent point l'iniure & n'en souffre par consequent aucune douleur: & s'il est extremement foible, il ne peut pas attaquer le mal

Bl

194 LES CAVSES DES EFFETS ny former aucun mouuement de hardies se: Or sans l'vne & l'autre de ces Passions on ne peut se mettre en colere.

Vn homme Trifte est humble, One contredit. personne, O'n'est point opiniastre.

La Tristesse n'est point superbe ny contredisante, ell'est humble & docile, parce qu'ell'est foible, & timide, car en cét estat elle ne se croit pas capable de s'esleuer sur les autres ny de les irriter par la contestation; c'est pourquoy elle se soubmet facilement aux sentimens d'autruy, & ne veut point soustenir ses opinions auec opiniaftrete. Li sou sagon o tion o l'apporte

Comment peut cau-Cerla folie.

Il arriue quelquefois que la DoulaTristesse teur est si violante qu'elle fait perdre tout à fait l'esprit, en sorte qu'on ne paroist pas seulement hebeté, comme nous venons de dire, mais qu'on deuient fou & extrauagant. Et cela vient sans doute de ce que la commotion qui se fait dans les Esprits est si grande, qu'elle altere les organes de l'imagination & change l'ordre des Images qui sont dans la memoire; en suite dequoy il faut de necessité que les pensées & les paroles soient extrauagan-

DE LA TRISTESSE. 195 tes. Cela n'est pourtant pas particulier à la Tristesse, car la Peur a produit souuent le mesme effect; et generalement parlant, il n'y a que les Passions fascheuses qui y soient sujetes, encore faut-il que ce soit dans les ames foibles, & en ceux qui ont la substance du Cerueau fort molle, parce que les impressions s'y sont plus facile-ment, & qu'ils n'ont pas dequoy leur resi-ster: p'autant que ces Passions là affoiblissent les organes en faisant fuir les esprits, au lieu que celles qui sont agreables les respandent par tout & fortifient ainsi toutes les parties. De sorte que le Cerueau estant deuenu plus foible par la fuite des Esprits qui se retirent & se resserrent vers leur centre, & sa substance estant molle & facile à se dissoudre, il ne faut pas douter que l'agitation vehemente n'y rompe les parties les plus delicates qui seruent à l'imagination, & qu'elle ne confonde les especes qui sont dans la memoire: Ce qui n'arriue pas dans les passions agreables où les esprits sortissent & affermissent les organes. On parle à la verité de la maladie Bb ij

196 DES CAVSES DES EFFETS erotique, qui est vne folie causée par la vehemence de l'amour. Mais ce n'est pas proprement l'Amour qui la fait naistre, c'est la Douleur, le Desespoir, & les autres peines d'esprit qui accompagnent ordinairement cette Passion; et on n'a iamais veu vn Amant content qui soit tombé en cette maladies and va accompagnent.

La Tristesse est superstitieuse.

La Triftesse est superfritiense, parce qu'ell est foible, & que la superstition procede de la foiblesse comme nous auons amplement: monstré au Chapitre de la Hardiesse. Et certainement vn homme qui est accablé sous le mal, qui n'a point de force pour s'en releven, & qui ne void personne qui luy puisse donner secours, ne peut faire autre chose que de recourir au Ciel, qui est le dernier ressuge des malheureux. C'est pour cela que la rristesse porte au com-mencement les hommes à la pieté, qu'elle leur fait reconnoistre la Iustice de Dieu qui les chastie, qu'elle leur fait implorer la bonté pour les soulager, & qui les fait enfin soubmettre à sa Prouidence. Mais DELA TRISTESSE. 197 elle passe souvent au delà & les fait tomber dans la superstition qui les engage en de vaines observations & en des ceremonies superstues, par lesquelles ils pensent slechir plustost la lustice Divine: Parce que la dessance qui accompagne tousiours la foiblesse, leur sait croire que Dieu est dissicile à contenter, qu'il n'y a point de deuoirs qui le satisfacent, & que par consequent il ne saut iamais oublier dans le culte qu'on luy rend aucun acte de religion quelque extraordinaire qu'il soit.

Mais aucc tous ces sentimens là, Et Impie. elle s'eschappe quelquesois en des plaintes impies & en des blasphemes qu'elle fait contre sa Prouidence. Ce n'est pas pourtant la Tristesse qui est proprement cause de ces extrauagances, c'est le despit & l'indignation qu'elle conçoit de se voir plus mal traitée qu'elle ne croit meriter. Et la source de ces passions est l'orgueil qui est naturel à l'homme, qui de temps en temps sousseur l'ame & luy donne des sentimens d'excellence & d'amour propre,

Bb iij

dans lesquels elle se persuade qu'ell' est indignement traitée. Mais ces boutades aussi bien que les resolutions qu'elle prend en suite de supporter constamment son infortune, ne sont pas de longue durée, comme nous auons dit, parce que la Douleur la fait incontinent ressouuenir de la soiblesse se dans le Desespoir.

Car il est certain que le Desespoir, la Langueur, la Paresse, la Negligence, qui se remarquent dans cette Passion, sont des essects de la foiblesse. Nous l'auons dessa monstré pour ce qui concerne le Desespoir.

D'où viết la Langueur.

Et quant à la Langueur quoy qu'il semble qu'elle soit propre au corps quand li dechet peu à peu & qu'il perd ses forces par la longueur du mal. Neantmoins on ne sçauroit douter que l'ame ne la ressente comme luy, non seulement quand elle compatist à la sienne, & qu'elle ne peut faire ses sonctions par la soiblesse de ses organes:

DE LA TRISTESSE. 199
Mais encore quand la longueur de la peine qu'elle souffre luy a osté le courage:
c'est ainsi qu'elle languist d'amour, que
l'ennuy la fait languir, & qu'vne longue
Tristesse la fait tomber dans la Langueur,
qui n'est autre chose qu'vn abatement &
vne defaillance qui luy suruient par l'opinion qu'ell' a de sa soiblesse.

La Paresse vient aussi de la mesme sour- La Paresse ce, car ce n'est autre chose que la repugnance que l'ame a pour agir, qui produit en elle vne certaine pesanteur ou engourdissement qui l'empesche de se mouvoir. Or il est certain que cette repugnance ne procede que de la peine qu'elle s'imagine de trouuer dans l'action; & que si elle se croioit assez forte pour la surmonter, elle n'auroit pas cetté imagination, ny par consequent la repugnance qui en est comme vne suite necessaire. L'ame qui est donc affoiblie par vne longue affliction, deuient paresseuse, parce qu'elle se dessie de ses forces, & qu'elle n'a pas le courage: d'entreprendre aucune chose.

200 LES CAVSES DES EFFETS

La negligence.

La Negligence est aussi vne sorte de Paresse, car c'est comm'elle vne repugnance de la volonté; mais la Paresse fuit la peine qu'il y a de faire les choses, & la Negligence fuit la peine qu'il y a à connoiltre & à chercher ce qu'il faut faire. Auffi l'yne & l'autre est fondée sur la difficulté, & la difficulté vient de la foiblesse, comme nous auons dit. Il ne faut donc pas s'eltonner si vne personne affligée est negligente, & si quittant le soin de ses affaires propres & de celles d'autruy, fans se soucier plus d'amis ny d'ennemis, de debuoirs ny de ressentiment, elle deuient Sauuage, Inciuile, Insensible. Mais ce qui ayde encore à tout cela, c'est qu'elle ne songe qu'à son mal, & qu'estant comm' abysmée dans la profonde Tristesse qu'elle souffre, elle n'a pas la liberté de porter sa pensée ailleurs, & est contrainte d'abandonner tous les soings qui l'auoient autrefois occupée. Iusques là mesme qu'ell' en oublie le boire & le manger, & qu'elle se priue non seulement des choses qui font de la bienseance, mais encore de cel-

DE LA TRISTESSE. 201 les qui sont necessaires à la vie.

La Tristesse hait la lumiere, parce que hait la lucelle-cy cause vn mouuement contraire à miere, celuy dont l'ame est agitée, car elle attire
les Esprits en dehors, & contraint l'ame de les suyure contre l'inclination qu'elle s'est donnée. Ce n'est pas pourtant que la lumiere attire veritablement les Esprits, ce sont eux qui se portent d'eux-mesmes vers elle à cause qu'ils sont essentiellement lumineux, comme nous auons monstré au Liure de la Lumiere, & que chaque chose tasche de s'ynir à son semblable.

Par vne raison contraire la Tristesse Ell ayme doit aymer l'Obscurité, qui fait retirer les l'obscurité. Esprits en dedans, & les fait par consequent mouvoir conformement à l'esmotion que l'ame s'est donnée. C'est pourquoy vn homme affligé ayme les lieux sombres & les couleurs obscures: et la coustume mesme qui veut qu'on tesmoigne son dueil par les habits noirs, par le repos, par le silence, & par la demeure

 \mathbf{C} c

202 LES CAVSES DES EFFETS qu'il faut faire en des chambres retirées & obscures, nous monstre bien que tout cela est conforme à l'estat où l'ame doit estre: et que qui feroit autrement, agiroit contre la bienseance & contre la nature de la Passion qu'on doit ressentir. A quoy il faut adiouster que l'ame qui est toute occupée à considerer le mal qui la presse, n'en veut pas estre diuertie par la veue des diuers objets qui se pourroient presenter à elle; c'est pourquoy elle ne recherche pas seulement l'obscurité, mais ell'ayme encore la solitude qui l'exempte des visites & des compagnies qui la destourneroient de ses plus cheres, quoy que fascheuses resueries.

Za nuit est fauorable plu à la Triell stesse.

Et c'est en cela que la nuit luy est la plus sauorable, puis qu'auec l'obsentité elle porte la solitude auec elle; et qu'elle luy sournit routes les choses qui peuuent entretenir & accroistre sa Passion. Car toutes les plus sascheuses pensées que la douleur luy a peu inspirer dans tout le progrez qu'ell' a fait, reniennent alors dans sa

DE LA TRISTESSE. 203 memoire auec vn appareil bien plus affreux & plus funeste qu'auparauant. Elle ne considere plus son infortune que comme vn abysime de malheurs où elle va perir: Tous les dangers où elle s'estoit imaginée de pouuoir tomber luy paroissent ineuitables: Ensin la terreur se ioint à ses apprehensions, & le desespoir fait souvent le dernier acte & la catastrophe de cette

espouuantable Passion.

La raison de tous ces effects vient premierement de ce que durant la nuit l'ame n'est point diuertie par les obiets des sens qui ont accoustumé de partager l'esprit & d'affoiblir par consequent les pensées que l'on a des biens ou des maux. Et qu'en cét estat elle se figure le mal plus grand qu'il ne luy auoit paru, y adioustant de nouuelles circonstances, & le considerant dans toutes les dangereuses suites qu'il peut auoir. Car tout cela accumulé ensemble, le luy represente plus facheux, & par consequent plus grand qu'elle ne s'estoit imaginé.

Secondement comme l'ame a naturelle-

204 LES CAVSES DES EFFETS

ment vne certaine horreur contre les tenebres (d'où vient que les femmes & les enfans ont peur la nuit, & se forment des phantolmes conformes à l'obscurité où ils font) non seulement parce que l'on est alors plus exposé aux dangers estant priué de la lumiere qui les fait reconnoistre, mais encore parce que l'ame qui ne peut faire aucune action sans la clarté des Esprits, comme nous auons monstré au trai-té de la Lumiere, s'imagine que les tenebres de la nuit la doiuent obscurcir & empescher par consequent ses fonctions. C'est pourquoy elle tombe dans le mesme estonnement & dans la mesme crainte qu'elle fouffre dans les maladies melancholiques quand quelque vapeur grossiere se mesle auec les Esprits qui en altere la splendeur & la pureté. Cette horreur, dis-je, que l'ame a contre les tenebres, cét estonnement & cette crainte qui la saississent en suite se joignant aux Passions qui la trauaillent, accroissent sa peine & luy font paroistre ses maux plus grands & plus fascheux.

Quelles sont les Causes des Characteres corporels de la Tristesse.

VISQ VE dans les Passions l'ame excite & imprime fur le corps les mesmes mouvemens qu'elle souffre en elle-mesme, il ne faut pas douter que le Cœur & les Esprits n'y soient les premiers agitez, parce qu'il n'y a point de parties qui soient si mobiles qu'eux, ny qui soient si proches du principe du mouuement. Car l'appetit qui est le premier moteur de toutes les agitations qui se font dans le corps, à son principal siege dans le cœur; & le Cœurest la source où naissent & se forment les Esprits. De sorte qu'ils sont tous deux plus proches du principe d'où partent les ordres & les commandemens de l'ame; et par consequent ce sont eux qui doiuent obeir les premiers, & qui reçoiuent en effect la pre-Cc iii

206 LES CAVSES DES EFFETS miere impression de ses mouuemens.

Sur ce fondement que nous auons tant de fois proposé, nous pouvons asseurer que la Contraction des Esprits & le saisssement du Cœur, sont les deux premiers esfects que la Tristesse produit dans le Corps. Parce que l'ame se retirant & se resserant en ellememe dans cette Passion come nous auons montré, il faut qu'elle communique les mesmes mouvemens au Cœur & aux Esprits avant que les autres parties s'en ressentent: et ces mouvemens sont la Contraction & le Saissssement dont est question.

Nous ne voulons parler que du dernier, parce que nous auons examiné aux discours precedans de quelle maniere la Contraction des Esprits se faisoit. Et si nous venons de la proposer de nouveau, c'est à cause de la connexion qu'elle a auec le mouvement du Cœur, & que ce sont deux essects qui concourent ensemble à la production de beaucoup d'autres. Car c'est d'eux que procedent l'oppression, & le poids que l'on sent dans la poitrine, les frissons, les desfaillances, les soupirs & autres semblables

DE LA TRISTESSE. 207

dont nous parlerons cy-apres.

Le Saisissement du Cœur est donc vn mot Le saisisequi a esté emprunté de ceux qui sont sai-ment du fis & arreftez par quelque force eftrangere: Car il semble qu'il y a quelque chose qui saisit & qui arreste ainsi le Cœur, en sorte qu'il ne peut plus se mouvoir auec sa liberté ordinaire. Or cela vient de ce qu'il se resserre subitement, suyuant en cela le mouuement de l'appetit qui est agité de la mesme sorte: Car estant en cét estat il ne peut s'ouurir ny se dilater comme il faisoit auparauant, & se trouve contraint dans son mouuement. Et alors on dit qu'on a le Cour saisy. Car quoy que l'on die aussy qu'on a le cœur serré, & que cela soit veri-table, neantmoins il semble que la premiere façon de parler marque bien mieux la surprise & la premiere violance que l'ame souffre, que ne fait pas l'autre; puisque dans tout le cours de la Tristesse on peut dire que l'on a le Cœur serré, mais non pas si proprement, qu'on a le cœur faify. Quoy qu'il en soit le cœur se resserre tout autant de temps que dure la Tri-

208 LES CAVSES DES EFFETS stesse. Mais ce mouuement est plus fort au commencement que dans le progrez & à la fin de cette passion, parce qu'alors le mal paroist à l'ame plus fascheux & plus sensible, n'estant point encore accoustumée à le souffrir ; c'est pourquoy elle le fait auec plus de soin : Au lieu que par la longue souffrance elle contracte vne certaine habitude & focieté auec luy qui le luy rend plus supportable. Si cen'est lors que quelque nouvelle circonstance se presente à elle qui irrite sa douleur & qui aggraue le mal qu'elle sent: Car alors la Contraction qu'elle s'est donnée s'augmente & deuient plus forte. Mais en toutes ces diuerses rencontres le Cœur se resserre à proportion comme elle. C'est pourquoy l'oppression de l'estomach & les autres accidens qui la suyuent sont plus grands au commencement; lesquels on ne sent presque pas dans le progrez de la passion.

Le cour Il faut neantmoins remarquer que le eresserre. Cour se peut resserrér en deux façons. Premierement à l'esgard de ses cauitez qui deuiennent plus petites & plus estroites, ne

pouuant

DE LA TRISTESSE. 209

pouuant s'eslargir comme à l'ordinaire: Secondement à l'esgard de sa substance qui se rend plus dure & plus solide, ses chairs se pressant & se ramassant les vnes contre les autres. En quelques Passions comme dans la Colere, cette contraction ne se fait que dans sa substance, parce que la Hardiesse se ioint à la Douleur, & essargit ses cauitez: Au contraire dans la Compassion & dans le Chagrin la substance du Cœur ne se resserre presque pas, il n'y a que ses cauitez: parce qu'il saut que l'ame soit sort pressée du mal pour faire ces deux contractions ensemble, & que dans ces dernieres passions le mal est trop foible pour l'obliger à tant de precaution, se contentant de celle qui est la plus facile à faire. Mais dans la Tristesse & principalement en celle qui est grande & profonde, l'vne & l'autre se fait en mesme temps; parce que l'ennemy est si pressant qu'il n'y a rien que l'ame vueille oublier pour se garantir de ses attaques. Or la marque euidente & demonstratiue que le Cœur s'y resserre en toutes les deux manieres; c'est que le Pouls y est

Dd

210 DES CAVSES DES EFFETS dur & petit. Car sa petitesse montre que le Cœur ny les arteres ne s'ouurent pas tant qu'à l'ordinaire: Et sa dureté fait connoistre que leur substance s'y est affermie, & qu'elle resiste dauantage au toucher. Il y a neantmoins cette difference que plus la Tristesse va en auant, & plus la petitesse du Pouls s'augmente, parce que les forces diminuent tousiours dans le progrez de cette Passion: Au lieu que la dureté y diminuë, d'autant qu'elle suit la contraction du cœur qui n'est pas si forte à la sin qu'au commencement, comme nous auons dit, & comme nous monstrerons encore à l'article du Pouls de la Tristesse. 4 of moines

Le Poids, l'oppression, la difficulté de respirer.

En suite de cette Contraction du Cœur les Esprits qui s'y retirent en foule & auec precipitation y ameinent aussi le sang auec lequel ils sont messez: Et comme ses cauitez qui se sont retresses n'en peuuent pas contenir vne si grande abondance comme est celle qui y accourt, il faut que les vaisseaux qui sont à l'entour s'en remplissent & se chargent de tout le fardeau. Et c'est là ce qui donne ce poids que l'on

DE LA TRISTESSE. 211 croit auoir dans la poitrine, & qui cause en mesme temps l'oppression es la difficulté que l'on a de respirer. Car toutes les veines du poulmon qui portent le sang au Cœur estant enflées & tendues extraordinairement par la quantité du sang qui y est retenu, empeschent que les Poulmons ne se puissent si facilement ouurir & receuoir par consequent l'air qui y deuroit entrer. C'est pourquoy la poitrine fait de grands efforts pour suppleer à la paresse des poul-mons, & s'esseue beaucoup plus qu'à l'ordinaire, & plus mesme que la respiration ne porte, qui ne respond pas à cette eleuation. Mais ce qui augmente encore cet-te difficulté c'est la contraction qui se fait dans la substance & dans les cauitez des poulmons. Car il y a grande apparence que puisqu'ils se resserrent dans la colere comme dit Hippocrate, & que l'ame imprime

le mouuement dont elle est agitée en toutes les parties qui en sont susceptibles, celle-cy qui est molle & qui resiste peu aux impressions qui luy sont faites, le reçoit

plus facilement que le Cœur mesme, où Dd ij

212 LES CAVSES DES EFFETS quelque autre que ce soit. Or si cela est ainsi la contraction qu'elle souffre non seulement dans sa substance mais encore dans les arteres qui donnent passage à l'air, estant iointe à la plenitude des vaisseaux, doit rendre la difficulté de respirer bien plus grande & l'oppression plus incommode.

Les Son-

Aussi la Nature qui connoist le desor-dre où cela la met, fait de grands & de longs soupirs pour recompenser par eux le peu de refraischissement qu'elle reçoit d'vne respiration si contrainte. Il est vray qu'apres que cette oppression est cessée, elle ne laisse pas d'en faire vne infinité d'autres durant tout le progrez de la Tristesse. Mais ceux-cy viennent en partie de la forte attention que l'ame apporte à considerer son mal : Car cét attachement la détourne & luy fait perdre le souuenir des actions qu'elle doit faire; c'est pourquoy la necessité l'obligeant d'y remedier, elle fait de temps en temps de grands soupirs pour suppleer au desfaut de la respiration. Mais outre le soulagement qu'elle reçoit de l'air qu'ell' attire ainsi, elle croit qu'en le

DE LA TRISTESSE. 213 chassant apres, elle chasse auec luy vne partie du mal, comme nous auons desia dit cy-dessus. Et de fait elle ne se trouue pas si soulagée en attirant l'air, qu'en le faisant sortir; parce que c'est alors qu'elle pense s'estre deschargée d'vne partie de sa douleur, & qu'en esset elle vuide quantité de sumées qui estoient retenues dans

le cœur, & qui l'incommodoient.

Les Sanglots qui interrompent si sou- Les San-uent la voix & l'haleine ont presque les gloss. mesmes vsages que les soupirs, car ce sont des redoublemens qui se font dans l'aspiration, afin d'attirer vne plus grande quantité d'air pour reparer les Esprits & rafraischir le cœur. Dautant que la Nature qui das l'oppression où ell'est, ne peut d'vn seul coup attirer tout l'air qui luy est necessaire; s'arreste en chemin & interrompt l'attraction qu'elle fait pour en recommencer vne autre sans finir la premiere, en sorte que toutes deux en valent vne grande, & suppleent ainsi au desfaut de la respiration qui est contrainte dans l'estat où la poitrine se trouve. On pourroit dire encore

Dd iij

214 LES CAVSES DES EFFETS que cela se fait par le tressaillement des nerfs, mais nous examinerons cela au discours des Larmes. general cloud get to access l'accessen

pl eurer.

on ne - Au reste il ne faut pas s'estonner si durant vn si grand trouble, l'on ne peut ny pleurer ny parler. Car pour ce qui est des Larmes, les grandes & profondes Tristesses ne les connoissent point au commencement, parce que la Contraction des Esprits est si grande & si generale qu'elle ne permet pas qu'aucune partie en monte au Cerueau pour fondre les humeurs, & pour les faire couler aux yeux. Ioint que l'ame est trop occupée pour auoir la liberté de penser à descouurir l'estat où ell'est. Car nous l'auons desia dit cy-deuant, & nous le montrerons plus amplement au discours des Larmes, elle ne fait pleurer que pour faire connoistre par cette action exterieure l'assiete & la disposition où elle se trouue. Mais dans les mediocres afflictions, & apres que les grandes se sont diminuées, ell' a la liberté de faire sortir les Pleurs; parce que la Contraction des Esprits qui Dd iii

DE LA TRISTESSE. 215 n'est pas si forte, luy permet d'en enuoyer vne partie à la teste pour les faire couler; & quelle n'est pas alors si attachée au souuenir de ses maux, qu'elle ne puisse s'appliquer aux soings qu'elle doit auoir de témoigner par ses Larmes le fascheux estat où elle est.

Mais ces Larmes la sont chaudes au lieu Les larque dans la Colere elles sont froides : Ce mes sont n'est pas qu'elles ne soient egalement chaudes en l'une & l'autre de ces Passions, & mesmes il est vray semblable qu'elles sont effectiuement plus chaudes dans la Colere: mais c'est que venant à tomber sur le visage qui est enslamme par la Colere, elles y paroissent froides, & que dans la Tristesse le visage estant refroidy par la fuite des Esprits qui se sont retirez au Cœur, elles y paroissent chaudes de la mesme sorte que l'eau tiede se sent froide quand la mainest chaude, & chaude quand la main est froide. C'est alors que l'on dit que Le Cœur s'attendrit, parce que la dureté qu'il auoit par la violante contraction qu'il s'estoit donnée, se diminue quand il vient à se

loulager

chaudes.

216 DES CAVSES DES EFFETS relascher, s'amollissant en effect & deuenant

tendre en quelque façon.

La Parole manque aussi dans la violance de la douleur. Et le moyen que l'on peust parler dans l'oppression que l'on sente L'estomach estant tout panthelant, l'air que l'on respire ne pouuant pas mesime satisfaire aux plus pressans besoins de la vie, & l'ame estant toute occupée au ressentiment qu'ell' a de son mal: Non, au lieu de paroles on ne forme que de longs gemissemens & des cris pitoyables entrecoupez de soupris & de sanglots.

Les ge- Les Gemissemens sont si propres à la missemes. Douleur, qu'il n'y a point d'autre passion qui les fasse naistre; & messe on peut afseurer qu'il n'y a gueres que celle des hommes qui les connoisse: Car il n'y a point d'autre animal que luy qui gemisse dans les douleurs, si on en excepte quel ques vns qui sont en petit nombre. C'est donc vne sorte de Cry languissant & pitoyable par lequel l'ame veut donner connoissance de la violance du mal dont ell'est touchée, & soulager

DE LA TRISTESSE. 217 soulager la peine qu'ell' endure. Et certainement il faut confesser que la fin principale qu'elle se propose dans cette action, c'est de demander secours en faisant connoistre le besoin qu'ell' en a. Car comme la voix n'a esté donnée à l'animal que pour faire connoistre ses pensées, la connoissance qu'il en donneroit dans les maux seroit inutile si elle ne seruoit à les chasser par le secours qu'il demande. Or les Plaintes & les Gemissemens sont les plus pressantes prieres qu'il puisse employer en cette oc-casson, puis qu'elles persuadent plus puissamment que les paroles, & qu'elles font naistre la Compassion qui n'est occupée qu'à soulager les affligez. C'est pourquoy elles sont plus familieres & plus naturelles à l'homme, parce qu'il est plus suscepti-ble de la pitié, & qu'il connoist mieux les deuoirs de la societé que les autres animaux. Et s'il y en a parmy eux qui se plaignent & qui gemissent, ce sont ceux qui ont le plus de connoissance & qui sont les plus sociables comme sont les chiens, les cheuaux, & quelques autres.

Ec

218 LES CAVSES DES EFFETS

Mais quoy! seroit-il possible que ce fust là le veritable motif de ces actions, puis qu'il n'y a personne qui pense à demander secours quand il gemit, & qu'il y en a mesme beau-coup qui se plaignent quand ils sont seuls,& qui sçauent bien qu'ils ne peuuent estre secourus. Il faut respondre à cela la mesme chose que l'on dit de la pluspart des effects des Passions qui se font pour des fins qui leur font propres & particulieres, dont on ne s'aduise point, & dont l'entendement n'a aucune connoissance qu'apres y auoir fait vne grande reflexion. Aussi n'est-ce point luy ny la raison qui se les propose; c'est la Nature qui pousse secretement les animaux à faire leurs actions, & qui forme ses desseins sans consulter aucune des facultés connoissantes. Celuy qui rit dans la joye, qui pleure dans la Tristesse, qui éleue, abbat ou resserre les sourcils en certaines passions, ne sçait point du tout pourquoy il fait tout cela; cependant la Nature ne l'ignore pas; & apres que l'on y abien pensé on découure le motif qu'elle a eu qui est coforme à la passion dont l'ame est agitée. Il en faut dire autant des

DE LA TRISTESSE. 219 Plaintes& des Gemissemes quand on les fait; c'est pour vne fin particuliere qui n'entre point alors dans la pensée, mais qui est cachée dansle secret conseil de cette sage Intelligéce qui gouverne l'animal & que nous appellons Nature: C'est pourquoy il ne faut pas s'estonner si on se plaint quand on est seul; car outre qu'on pourroit dire qu'il en est de mesme que quand l'on parle & que l'on rit ainsi: Cette Intelligence va toûjours à ses fins sans considerer les circonstances & les obstacles qui s'y peuuent opposer; son dessein est de demander du secours dans la Douleur : quoy qu'il ne s'en trouue point elle ne laisse pas de le demander ; elle fait ce qu'elle doit, & l'animal ne luy peut reprocher qu'elle l'ait abandonné en cette occasion. Apres tout il y a des personnes qui se plaignent afin qu'on les plaigne, c'est à dire afin que l'on compatisse à leurs maux. Ce qui fait bien voir que les Plaintes sont propres à exciter la Compassion, qui est la source d'où se tire le secours que les afflictions demandent.

Aussi la maniere dont elles se forment mon-

tre bien qu'elles sont destinées à cét vsage: car ce ne sont pas des cris violans ny des voix fortement poussées, elles sont foibles & ont vn ton lugubre pour montrer la soiblesse & la douleur où l'on est.

Or quoy que la fin principale des Gemissemens soit de demander secours, il y en a encore vne autre que la Nature se propose aussi, qui est de se soulager en se deschargeant par eux d'une partie de son mal. Car comme elle n'a pas vne connoissance exacte de ce qui l'incommode ny des moyens qui sont les plus pro-pres pour s'en desfaire, elle s'imagine qu'en chassant tout ce qui luy est estranger, elle chasse le mal auec luy. C'est pourquoy elle pousse l'air qui est dans les poulmons, lequel venant à sortir auec empressement, cause le son & la voix dont est question; et dans l'imagination qu'ell' a, else trouue que l'air & la voix fortant ensemble la deschargent d'autant & diminuent vn peu sa peine; ainsi qu'il arriue dans les soupirs & dans les larmes. Et l'on peut dire de tous ces mouuemens qu'il en est comme d'vn

DE LA TRISTESSE. 221 homme en colere qui frappe la terre du pied, qui bat les tables & les murailles, comme s'il deuoit repousser l'iniure par ces actions qui toutes vaines qu'elles soient ne laissent pas de le satissaire en quelque sorte.

Les grands Cris que la Tristesse fait sou- Les Cris. uent ietter, se font pour les mesmes sins que les Gemissemens: mais il y a cette diffe-rence que ceux-cy se sont plus pour demander secours que pour se soulager; & que les Cris au contraire vont plus à se soulager qu'à demander secours. Aussi y a-t'il plus d'animaux qui crient quand ils souffrent du mal qu'il n'y en a qui gemisfent; parce que tous les animaux qui ont la voix taschent de se soulager par les Cris qu'ils sont; mais tous ne sont pas capables de demander secours en excitant la compassion pour les raisons que nous auons dites. Quoy qu'il en soit ces grands Cris viennent de la violance de la Douleur qui demande vne prompte assistance, & qui excite l'ame à faire de puissans efforts pour la chasser. Aussi ne se font-ils ordi-

Ec iij

nairement qu'au commencement des afflictions quand l'ame n'a pas encore perdu tout le courage, & que les forces ne sont pas entierement abatuës: car il est certain qu'à la sin de la Tristesse, s'il se forme des Cris, ce ne sont que des gemissemens qui marquent la soiblesse où l'on est.

Pourquoy les Cris font aiguz.

Mais il faut remarquer que tous les Cris de la Tristesse sont aiguz à la fin & se ter-minent en vn son lugubre & plaintif. Et cela est si propre à cette passion qu'Aristote a mis entre les signes d'vn homme qui est naturellement trifte, la voix qui est graue au commencement, & aiguë à la fin, & a dit que cela se rapporte aux bœuss & à la conuenance de la voix : En effect le mugissement de ces animaux se fait ainsi & a quelque chose de languissant & de lugubre; et la Tristesse donne aux plaintes le mesme air & les mesmes accens. Ie sçay bien que ceux qui ont traduit Aristote appliquent cela à vn homme colere, mais nous auons monstré qu'ils ont mal ententendu le mot su o yourses, qui signifie vn

DE LA TRISTESSE. 223

homme Triste & abbatu de courage.

La cause de cét effect vient de ce que l'ame pousse d'abord beaucoup d'air pour se descharger des fumées que la chaleur du cœur & des poulmons a causées, croyant aussi qu'elle doit chasser son mal auec elles, & essargit en suite le passage de la voix qui se rend graue par ce moyen. Mais comme le mal la sollicite incontinant à se resserrer, elle fait aussi retressir ce passage, qui cause la voix aiguë. Outre que dans la soi-blesse où elle croit estre, elle ne peut continuer long temps à pousser cette grande quantité d'air, & pour le faire couler plus moderément elle en rend le chemin plus estroit. Et de fait pour monstrer que c'est vn effect de sa foiblesse, c'est qu'outre que la voix est lente & traisnante, ces sons aiguz se terminent en demi-tons qui sont toûjours languissans, l'haleine estant trop foible pour les faire monter iusques aux tons entiers. C'est pourquoy les airs qui sont Tristes & plaintifs, & qui marquent la lan-gueur de l'ame, n'ont pas le mouuement viste & prompt comme ceux qui sont gaiz,

824 LES CAVSES DES EFFETS & abondent en diæsis & demi-tons; parce que ce sont les accens & les voix qui sont propres à la foiblesse & à l'abbatement du courage qui se trouuent en cette Passion.

Cela estant ainsi il n'est pas difficile de rendre raison de l'observation d'Aristote touchant le mugissement des bœufs qui confirmera mesme celle que nous auons apportée. Car ces animaux estant d'vn temperament melancholique ont le cœur lasche & les poulmons pesans : c'est pourquoy il leur faut faire yn grand effort pour former lavoix; et comme ils ne peuuent le continuer long-temps à cause de leur lascheté, il faut que leur voix deuienne foible, & qu'elle se termine en ces tons languissans dont nous venons de parler. Ce qui arriue aussi aux hommes qui sont naturellement Tristes, car ils sont melancholiques & ont le courage abbatu comme ces animaux.

Il faut neantmoins prendre garde que quand i'ay parlé d'vne plus grande ou plus petite ouuerture des passages de la voix, ie n'ay pas pretendu que ce fust la cause prochaine

DE LA TRISTESSE. 225

chaine & immediate des sons graues & aiguz, puisqu'il y en a qui ne se font par aucune ouverture comme ceux qui se font par les chordes des instrumens de musique, & qu'vne mesme ouverture peut caufer les vns & les autres comme l'on void dans les fleustes qui forment yn son plus aigû quand on les fouffle plus fort qu'auparauant. Ce n'est pas mon dessein de cherchericy cette cause immediate, c'est vne chose enuironnée de tant de difficultez qu'il n'est pas à propos de charger ce discours de toutes les raisons qu'il faudroit employer pour destruire les opinions communes, & pour en establir vne nouuelle. C'est assez pour nous que toutes soient d'accord que selon que l'ouuerture des passages de la voix est plus large ou plus estroite, elle la rend graue ou aigue.

Les Frissons qui arrivent dans la Tristes-Les Fris se viennent de la fuite des Esprits qui en se sons retirant au cœur, abandonnent les parties exterieures. Quelquefois mesme cette fuite est si precipitée qu'elle fait cesser la fon-

226 LES CAVSES DES EFFETS ction des sens, & qu'elle opprime si fort le cœur par l'abondance du sang qu'ell'y ameine, qu'il ne peut plus faire ses mouuemens, d'où vient le Defaillance. Mais pour l'ordinaire cela n'arriue qu'aux complexions foibles & délicates, comme aux femmes, aux malades & autres semblables.

Les actios de deses-

Mais que dirons nous de ces actions extrauagantes que quelques-vns font quand ils tombent en quelque grand malheur, qui tordent les bras & les mains, qui se frappent la poitrine & les cuisses, qui s'arrachent les cheueux & s'esgratignent le visage, & qui se battent la teste contre les murailles. C'est sans doute ce Desespoir furieux que nous auons dit estre familier au commencement des grandes afflictions, quiest cause de tous ces dereglemens. Mais il n'est pas aisé de di-re quel est le motif qui oblige l'ame à les faire. Car cene sont pas des actions qui soient particulieres à certaines nations & à certains temps; elles sont comunes à tous les pais & à tous les siecles; et si nous les voyons faire maintenant, Homere & les DE LA TRISTESSE. 227 autres Poètes qui sont les Peintres veritables des Passions, les ont aussi fait faire à leurs Heros. Agamemnon auec toute sa sagesse s'arrache les cheueux apres la victoire des Troyens; Achille en fait de mesme & se desigure le visage à la mort de Patrocle; Mars mesme se frappe les cuisses au souuenir qu'il a de la mort de son fils Ascalaphe; et Auguste se bat la teste contre les murailles apres la dessaite de Varus. De sorte qu'il faut tenir pour constant que ce sont des actions qui sont tout à fait naturelles à la Tristesse.

Or parce qu'il y a deux sortes d'Essects naturels, les vns qui se sont pour quelque sin, les autres qui se sont par pure necessité, & qui suruiennent à d'autres par vne suite ineuitable sans que la nature ait dessein de les produire, comme les rides qui viennent en suite du mouuement des parties & autres semblables. Il est certain que toutes les actions dont est question, estant des mouuemens volotaires, ne se sont point ainsi, & qu'il faut que l'Ame se propose vne sin particuliere qui l'engage à les faire.

Ff ij

228 LES CAVSES DES EFFETS

Il faut donc presupposer pour les raisons que nous auons dites cy-deuant, que l'Ame est alors saisse d'vne certaine fureur desesperée qui la met hors d'elle-mesme & qui l'empesche de connoistre & de faire les choses ainsi qu'elle deuroit. Comme le mal est donc dans sa pensée, & qu'elle sent l'oppression qu'il cause dans la poictrine, elle s'imagine, dans le trouble où ell'est, qu'en s'arrachant les cheueux & s'égratignant le visage, elle doit emporter vne partie de sa douleur; et qu'en frappant sa poictrine & se battant la teste contre les murailles, elle la doit étouffer ou la faire sortir. Mais se trouuant impuissante à la chasser par là, elle roidit les bras & les mains, qui sont les instrumens dont elle se sert pour se deffendre, soit pour les denouer, afin de se preparer au combat à la mode des luitteurs, soit qu'elle les resserre pour se fortifier. Tantost elle les éleue & les laisse incontinant apres retomber sur les cuisses, voyant qu'ils luy font inutiles, comme nous dirons cy-apres. Elle fait mesme déchirer les vestemens, ora, comas, vestem lacerat, soit qu'elle pen-

DE LA TRISTESSE. 229 se ainsi emporter par pieces le mal qu'elle sent, soit qu'en se dépouillant elle cherche du soulagement à l'oppression qu'elle souffre; soit enfin qu'elle veuïlle monstrer par là comment elle se sent déchirer le cœur & les entrailles par la violance de la douleur. Car tout cela n'est pas plus difficile à croire, que ce que fait vn home qui est en colere, quand il frappe la terre du pied & qu'il bat les murailles, ou quand il rompt l'espée qui n'a pas fait le coup qu'il desiroit, pensant se vanger ainsi de l'iniure qu'il a receuë. Enfin toutes les Passions sont pleines de ces illusions, qui representent à l'Ame les choses tout autrement qu'elles ne sont, & qui luy font faire cent actions inutiles & extrauagantes. Mais tout extrauagantes qu'elles soient, elles ont quelque conformité auec la fin iuste & raisonnable que la Passion doit auoir. Car dans celle-cyl'Ame vent chasser le mal & soulager sa peine, & cela est raisonnable; mais les moyens dont elle se sert ne sont pas proportionnez à ces motifs-là, parce que l'imagination qui les employe ne sçait pas choisir ceux qui sont propres pour cet effet.

Ff iij

230 LES CAVSES DES EFFETS Et l'on peut dire, qu'elle fait icy comme dans les songes, quand elle se forme des images qui ont quelque rapport auec l'humeur qui domine dans le Corps, quoy que la representation qu'elle en fait soit tres-imparfaite. Aussi, à parler veritablement, l'Imagination fait en ces rencontres tout ce qu'elle peut, parce qu'elle n'a pas plus de connoissance; et le desordre est proprement dans l'Entendement, qui troublé par la Pafsion, s'abandonne à la partie inferieure, & luy laisse faire toutes ces vaines actions, sans la vouloir empescher.

Ce sont-là les principaux Characteres, qui accompagnent les commencemens de la Tristesse. Examinons maintenant ceux qui se font dans son progrez, & suyuant la methode que nous auons tenuë aux autres Passions, commençons par les Regards.

Re- Ceux qui sont les plus propres & les plus gards lan-ouiRans. familiers à la Tristesse, sont ceux que l'on appelle Languisans, ils se font par vn mouuement d'yeux foible, lent & mal-asseuré: car vn homme qui regarde ainsi, tourne lente-

DE LA TRISTESSE. 231 ment les veux sur les obiets, & sans v arrester fixement sa veuë, il la retire auec la mesme pesanteur qu'il l'y auoit portée. Aristote adjouste que les Paupieres s'y doiuent abbaisser iusques sur la prunelle; xy meon mis ช้างแร่; mais quoy que cela se fasse fort souver. il n'est pas necessaire : Dautant que l'on peut eleuer les yeux & former ces sortes de Regards: car quand vne personne affligée tourne pitoyablement la veuë vers le Ciel ou qu'elle regarde ainfi ceux dont elle implore le secours, les paupieres ne sont point alors abaissées. Il faut donc dire que hors les occasions où l'on est obligé de regarder en haut, les paupieres se doiuent tenir basses & se mouuoir lentement, comme le corps de l'œil, selon la remarque d'Aristote, qui dit, que cela se rapporte aux femmes & à la conuenance, c'est à dire à la Passion qui a accoustumé de former ces Regards. Où il faut remarquer, pour l'intelligence de cecy, qu'il ne propose pas les Regards ny les yeux languissans pour des essets & des signes de

la Passion presente, mais seulement pour des signes de l'inclination & de la disposition

232 LES CAVSES DES EFFETS

que l'on y a. Et comme c'est vne regle generale, que ceux qui ont naturellement le messeme air, qui se trouue dans vne Passion, sont enclins à la mesme Passion; pour establir les signes qu'il donne des inclinatios, il dit qu'ils sont propres à la Passion, & c'est ce qu'il appelle mappense, decence, conuenace. Et parce que les Regards & les yeux languissans signissent deux sortes d'inclinations comme il dit, à sçauoir la Tristesse & le naturel esseminé; c'est auec raison qu'il les rapporte aux semmes qui les ont ainsi, & à la langueur qui accompagne la Tristesse où le mesme esset se rencontre.

Le mouuement des yeux & des paupieres est donc lent & pesant en ces sortes de Regards, parce que l'Ame qui se sent foible se remue lâchement, & fait mouuoir ses organes de la mesme maniere: 10 int que les Esprits en se retirant au Cœur, abandonnent ces parties, & il y en demeure si peu, que l'Ame n'ose hazarder de grands ny de prompts mouuemens sur yn si foible secours. Car ensin elle fait en ces rencontres comme yn homme qui se dessie de se sorces.

DE LA TRISTESSE. 233 forces; quoy qu'il peust faire quelques actions assez vigoureuses s'il se vouloit contraindre: Neantmoins le sentiment qu'il a de sa foiblesse le retient & le rend paresseux; et il ne s'engage à aucune action qui ne soit proportionnée à l'estat où il croit estre. L'ame en fait de mesme dans les Naturels qui sont mols & effeminez, & en ceux qui tombent en quelque passion languissante telle qu'est l'Amour, le Desir, la Tristesse, & autres semblables. Elle auroit sans doute assez de forces pour faire faire aux organes des mouuemens prompts & vigoureux, & principalement aux yeux qui sont si obeissans & si mobiles : Mais la deffiance qu'ell' a de soy-mesme luy oste tout le courage, elle n'entreprend aucune action pour ainsi dire qu'en tastonnant, & ne la fait iamais qu'à demy. C'est ce qui arriue dans les Regards dont nous parlons. Il semble que les yeux n'osent se mouuoir, & que la veuë ne se peut affermir sur les objets; 1es paupieres qui deuroient se hausser pour les voir plus distinctement, se tiennent baissées; & quand

Gg

234 LES CAVSES DES EFFETS elles se releuent, c'est auec vne paresse qui marque la lascheté & la foiblesse où l'Ame se trouue. Et cela ne se fait pas seulement en ceux qui sont actuellement dans la Passion, mais encore en ceux qui ont le naturel mol & effeminé, & qui n'ont que la disposition & l'inclination à la Tristesse & à la langueur. Car tout de mesme qu'vn homme hardy fait sans y penser toutes ses actions comme s'il auoit yn ennemy en teste, qu'il marche naturellement comme s'il le deuoit attaquer, qu'il tient les fourcils resserrez comme pour se fortifier contre luy. Aussi quand le naturel est foible ou qu'il y a quelque langueur dans l'ame, toutes les actions qui en partent se conforment à cette foiblesse sans que l'on y pense & lors mesme qu'il n'y a rien à craindre. C'est pourquoy les femmes & les hommes qui sont mols & timides comme elles, & ceux qui sont naturellement tristes ont pour l'ordinaire les yeux & les Regards languissans; quoyque les vns & les autres ne fentent le plus souvent aucune langueur ny aucun mouuuement des Passions qui

DE LA TRISTESSE. 235 ont accoustumé de les produire.

· Il y a vne autre sorte de Regard, qui n'est Le Regard pas à la verité si propre à la Tristesse, estant immobile. commun à beaucoup d'autres, mais qui luy est plus ordinaire que pas vn : C'est celuy qu'elle fait en baissant la teste & les yeux, & tenant la veuë attachée contreterre; car c'est la plus frequente & la plus ordinaire posture que l'on remarque das vne personne affligée. Les yeux sont donc abatus en cette Passion, non seulement parce qu'ils suiuent les esprits qui se retirent au cœur; mais encore parce qu'ils se conforment à l'abatement de l'ame. Car il s'ensuit de là qu'ils ne peuuent se leuer, le principe & les organes de leur mouuement s'opposant à cette action, & les faisant pancher en bas. Et d'autant que l'ame est tellement attachée à la pensée de son mal qu'elle ne considere plus aucun autre objet, cela est cause que les yeux deviennent immobiles comme elle, & qu'ils demeurent presque toussours fichez. contre terre.

Il est vray qu'il n'y a gueres de passion Gg ij 236 LES CAVSES DES EFFETS où le mesme regard ne se puisse quelquefois remarquer, parce que toutes atta-chent fortement la pensée à l'objet qui les excite, & que la veuë fixe accompagne tousiours la grande attention & applica-tion d'esprit. Mais il y a cette difference que les yeux n'y sont pas necessairement baissez comme ils sont dans la Tristesse. Car vn homme qui pense fortement à ce qu'il aime ou à ce qu'il hait, attachera les yeux sur le premier objet qui se presentera à luy, soit qu'il soit haut ou bas ou de front : Au lieu qu'vn homme affligé ne porte sa veuë qu'à terre : Outre que l'air de son visage triste & abbatu distingue afsez son regard de ceux qui se font dans les autres Passions.

La veue tournée vers le Ciel.

Quoy que les yeux soient presque toujours baissez dans la Tristesse, ils se tournent pourtant quelquesois vers les Cieux quand l'ame vient à faire restexion sur sa foiblesse & sur l'abandonnement où ell' est. Car la Nature a donné cét instinct à l'Homme de recourir au Ciel quand la DE LA TRISTESSE. 237 terre luy dénie le secours dont il a besoin; pe sorte que sans penser mesme à ce qu'il fait, il éleue les yeux & les mains vers luy; comme si ses yeux le deuoient penetrer & y porter ses pensées; & que ses mains deussent receuoir l'assistance qu'il en attend.

Les yeux sont tristes parce qu'ils sont lan-Les yeux guissans, qu'ils sont ternis & obscurs, & tristes. qu'ils sont flestris & enfoncez. Nous auons dit en quoy consistoit la langueur des yeux, car ce qui fait le regard languissant fait aussi l'ail languissant. Aristote l'appelle xexpaopulier c'est à dire rompu, par vne metaphore tirée des membres qui ont peine à se mouuoir quand ils sont rompus ou lassez: Car c'est vne façon de parler dont on se sert dans les lassitudes quand on dit qu'on a les membres rompus, qu'on a le corps rompu, qu'on se sent tout rompu. C'est en ce sens que ses yeux sont ainsi appellez par Aristote, parce qu'ils ont peine à se mouuoir comme s'ils estoient lassez. Or quoy que ce soit sou-

Gg iij

238 LES CAVSES DES EFFETS uent vn estect & vne marque de Tristeffe, il ne l'est pas tousiours, puisque c'est aussi vn signe d'vn naturel mol & esseminé comme nous auons dit, & par consequent il ne sussit pas aux yeux d'estre languissans pour paroistre tristes; car vn amant les aura souuent ainsi sans que l'on le iuge triste pour cela; il faut encore qu'ils soient ternis, obscurs, stessirs, & ensoncez.

Les yeux obscurs.

La cause n'en est pas difficile à trouver. Car la splendeur & la viuacité des yeux dependant de la quantité des esprits qui y accourent, il faut qu'elles se perdent quand ils se retirent, comme on void dans les desaillances où ces parties sont priuées de leur couleur & de leur éclat ordinaire par la fuite ou par la dissipation des esprits. De sorte que la Tristesse les faisant retirer au cœur, c'est vne necessité que les yeux y soient ternis es obscurs.

A la longue ils deuiennent secs, arides Les yeux & slestris., non seulement pour la raison que nous venons d'apporter, les esprits entraisnant le sang & les humeurs qui les

DE LA TRISTESSE. 239

deuroient nourrir; mais encore parce que l'on pleure continuellement, que l'on ne dort point & que les coctions se dereglent en cette Passion; ce qui rend les sucs nutritiss moins propres à nourrir les parties comme nous dirons. Car tout cela est cause que ce qu'il y a d'humidité dans les chairs & dans les muscles des yeux se desseiche, que les humeurs mesme dont ils sont composez, se diminuent & qu'en suite ils se sterissent & s'enfoncent.

Les sourcils s'abbattent dans la Tristesse, Les sour-& parce qu'ils se conforment à l'abbatte-s'abattent ment de l'Ame, & parce que les Esprits en fuyant au cœur les abandonnent & les laissent tomber.

Ils se reserrent aussi: c'est pourquoy Ari- es se restate dit que ceux qui les ont naturellement serrent.

ioints ensemble sont tristes, & que cela se rarporte à la conuenance, parce que la Passion de la Tristesse les fait resserrer de telle sorte & approcher si prés l'un de l'autre, qu'ils semblent estre ioints. Nous auons soigneusement examiné au Chapitre de la

240 LES CAVSES DES EFFETS Hardiesse les raisons pour les quelles les sourcils se resserrent dans les Passions.

Le Front austere.

Le Front reçoit deux notables changemens dans la Tristesse; L'vn, par lequel il deuient rude & austere, l'autre, par lequelil s'abbat & semble tomber sur les yeux. Le premier est celuy qu'Aristore appelle oni-De var qu'il dit estre vn signe d'vn homme qui est naturellement triste, parce qu'il se rapporte à la Passion de la Tristesse Car quoy que les Interpretes ayent traduit ce mot par celuy de trifte; Il n'y a point d'apparence qu'Aristote ayt eu cette pensée, puisqu'aucune langue n'a iamais dit le Front triste, mais bien le visage triste. Ioint qu'il eust deu expliquer quel estoit le Front triste, autrement le signe n'eust pas esté plus connu que la chose signifiée. C'est donc plustost le Front rude, austere, renfroigné, qui deuient tel par les rides & par la contraction des muscles qui resserrent les Sourcils. C'est pourquoy Aristote met entre les signes de la Tristesse naturelle, le visage ridé; ce qui se doit entendre principalement

DE LA TRISTESSE. 241 ment du Front où les rides sont plus ordinaires & plus remarquables. Or le Front se ride en cette Passion: premierement parce que l'Ame qui se resserre, fait faire aux organes le mesme mouuement, & veut monstrer par cette contraction du Front celle qu'elle souffre en soy-mesme: Secondement, parce que le Front qui estoit ens'affaisser quandils se sont retirez au Cœur: Et dautant que la peau qui est tenduë en quelque saçon que ce soit, se ride quand elle vient à se ramasser & à se restressir, c'est vne necessité que celle du Front deuienne inégale en cette rencontre, & qu'elle se couure de rides plus ou moins, se-

lon qu'ell'est plus lâche ou plus ferme.

Le Front n'est pas pourtant Rude & Auftere pour estre ridé seulement, il faut que la contraction des Sourcils y soit iointe; et c'est elle qui en fait la plus grande partie.

Car les ieunes-gens, qui n'ont iamais de rides au Front, du moins qui soient fort apparentes, ne laissent pas de l'auoir rude par la seule contraction des Sourcils. Il est

vray que quand les rides y sont, la rudesse & l'austerité en sont bien plus grandes. Nous auons dit ailleurs les causes de cette contraction.

Le Front abbattu. Le Front abbattu & qui semble tomber sur les yeux est encore vn esset de la Trissesse, & quand il est naturel, c'est vne marque certaine de l'inclination qu'on a à cette Passion. Il vient de la mesme cause que le Sourcil abbattu, car les mesmes organes seruent au mouuement de l'vn & de l'autre; ces Sourcils n'ayant point d'autres muscles que ceux du Front, comme nous auons dit ailleurs.

Mais cecy fait naistre vne difficulté, dont la resolution donnera vne plus exacte connoissance de cette Passion. C'est que le Front rude & austere semble estre contraire à celuy qui est abbattu; puisqu'il faut que le premier se ressere pour se rendre inégal, & que celuy-cy s'estende pour tomber sur les yeux: D'ou il s'ensuit que ces deux estets ne se peuvent rencontrer ensemble, & que ce ne sont pas des charactes

DE LA TRISTESSE. 243 res necessaires de la Tristesse. En effet, ily a des personnes à qui cette Passion abbatle Front sans le rider & y faire resserrer les sourcils. Il faut donc remarquer que la Tristesse produit de differens effets, selon les naturels où elle tombe. Il y en a de deux fortes generalement parlant; Les vns qui sont foibles & timides ; Les autres qui sont forts & robustes. Quand elle saisit les premiers, tous les mouuemens qu'elle leur fait faire se ressentent de la foiblesse & de la timidité qui leur est naturelle. Au contraire, en ceux qui sont robustes, quieque langueur qu'elle leur laisse, il y a tousiours dans les mouuemens. qu'elle leur inspire, quelque marque de la confiance qu'ils ont en leurs forces naturelles, & de l'effort que leur ame fait pour s'opposer au mal qui les attaque. C'est pourquoy quand elle leur sait remuer le Front, c'est en le resserrant & ramassant les fourcils ensemble; parce que ces mouuemens sont propres à fortifier les parties; comme si l'Ame en se laissant vaincre au mal, cherchoit ce petit secours pour en affoiblir les attaques. Mais dans les naturels foibles & timides, elle s'abandonne à l'ennemy sans faire aucun effort pour luy ressister, d'où vient que sans resserrer le Front elle le relâche tout à fait & le laisse tomber sur les yeux, comme il arriue aux semmes, aux enfans & à ceux qui leur ressemblent.

Les levres feretirent.

foit forts & roby les, Orgel! Cette Passion fait quelquesois rougir trembler & retirer les leures, mais ce sont là des Characteres des pleurs, dont nous parlerons au Chapitre des Larmes. Il n'y a qu'vne certaine Contraction qui se fait à l'extremité des leures qu'il est necessaire d'ewaminer icy. Car quoy qu'elle se fasse dans les Pleurs, il y a neantmoins des visages où elle paroist pendant tout le cours de la Triftesse. C'est donc vn leger abbaissement qui se fait aux extremitez des levres en sorte qu'il semble que l'on soit prest à pleurer. Et sans doute cela ne peut venir d'ailleurs, que de ce que la machoire inferieure s'abbaissant vn peu, contraint le coin des leures de s'abbaisser auec elle. Or

Hh ij

DE LA TRISTESSE. 227 la machoire s'abbat comme les sourcils par la fuite des esprits & par la conformité que les organes prennent auec l'ab-battement de l'Ame: si ce n'est qu'on voulust dire que c'est vne espece de contraction qui se fait dans les muscles & qui est causée par celle que l'Appetit & les Esprits souffrent dans la Tristesse; car il est certain que dans les Pleurs c'est la contraction des muscles, qui produit ce Charactere, comme nous monstrerons cy-apres.

Il n'y a point de Passion à qui le Silence soit plus propre & plus familier qu'à la Lesilence. Tristesse; non seulement parce que l'Ame r'entre toute en elle mesme, & ne tasche point à se produire au dehors; mais encore parce qu'ell'est toute abysmée dans les penfées que son infortune luy donne; et qu'ell'est dans vne langueur & dans vne paresse si grande, qu'ell'a de la peine à faire les plus faciles actions de la vie. C'est pourquoy elle fuit la compagnie & ayme la solitisde, afin de n'estre point diuertie, & de n'auoir point occasion de parler.

Hh iii

246 LES CAVSES DES EFFETS

Quand neantmoins une personne triste basse gres est obligée de dire quelque chose, c'est le, lente. auec une voix basse & plus gresse qu'à l'ordinaire; Toutes ses paroles sont traisnantes es lentement prononcées auec un ton lugubre es plaintif; et ce sont les essets de la soiblesse. Car la voix est basse parce que l'haleine n'est pas assez forte pour l'éleuer: elle est gresse, parce que le passage est estressi pour suppleer au dessaut de l'haleine. La Lenteur de la pronontiation de le Ton lugubre viennent de la mesme source, comme nous auons dit cy-deuant.

Les iones Les Iones sont passes et abbatues à cause passes, que le sang & les Esprits s'en sont retirez.

Le visage Le Uisage triste se forme de tous les Chatriste.

Le Uisage triste se forme de tous les Characteres que nous venons d'examiner, qui se trouuent au front, aux yeux, à la bouche & aux jouës; a quoy contribue encore la situation & la posture que la Teste prend en cette Passion.

La teste. Ell'en a trois qui luy sont assez ordibasse. naires. La premiere quand elle panche en DE LA TRISTESSE. 247
bas, la seconde, quand elle s'appuye sur les
bras estant accoudez, & la derniere, quand
elle panche un peu vers l'espaule droitte. La
cause des deux premieres est facile à deuiner, puisqu'elle ne s'abbat que pour se
conformer à l'abbattement de l'Ame; ou
parce qu'elle est si foible, qu'elle ne se
peut soustenir. C'est pourquoy elle s'apla teste
puye d'ordinaire sur une main, & quelquesois sur les deux ensemble. Ce qu'elle fait principalement quand l'Ame resue
prosondement, comme si pour auoir ses
pensées plus libres & estre toute à soy,
elle abandonnoit aux mains le soussien de
la teste

Mais il n'est pas aisé de dire, pourquoy La teste elle fait pancher la teste vers le costé droit. Il y panche a de l'apparence que la foiblesse en soit la du costé cause, parce qu'Aristote met ce mouuement entre les signes d'vn naturel mol & esseminé, qu'il est familier à la Tristesse qui assoiblit l'Ame, & que nous voyons, que la plus-part des deuots & de ceux qui prient ardemment quelqu'vn, sont la meseme action; car qui prie sait connoistre le

248 LES CAVSES DES EFFETS le besoin qu'il a & la soiblesse où il est. Cela ne leue pas neantmoins entierement la dissiculté; puisqu'on ne voit point par là, pourquoy l'inclination de teste qui se fait de costé, est vn esset & vne marque de soiblesse; ny pourquoy il faut qu'elle se fasse du costé droit.

A la verité quelques vns de ceux qui ont voulu rendre raison de l'observation d'Aristote, ont dit, que comme toutes les parties qui sont du costé droit, sont plus fortes que les autres, les muscles de la tesse qui sont en cette situation, doiuent aussi estre plus forts que ceux qui sont au costé gauche, & par consequent qu'ils sont plus prompts à se mouuoir, & que les autre estant plus foibles, cedent plus facilement & laissent pancher la teste du costé qui leur est opposé.

Mais outre que cela presuppose la decifion de la Question generale, à sçauoir que l'inclination que la teste fait de costé est vn esser de la foiblesse, quoy que ce soit vne chose qui est encore douteuse, & qui n'est pas si aisée à resoudre; il est certain

qui

DE LA TRISTESSE. 249 qu'il y a beaucoup de personnes qui sont fortes & robustes & où l'on ne peut s'imaginer qu'il y ayt aucune soiblesse, qui panchent la teste du costé droit quand elles prient ou qu'elles regardent quelqu'vn auec compassion.

Pour examiner donc la cause de ce mouuement auec quelque methode, il faut remarquer que cette inclination de teste est de deux sortes : L'vne se fait par dessein, quand l'Ame veut effectiuement faire pancher la teste pour quelque fin qu'elle se propole: L'autre se fait par necessité, quand la teste se hausse d'vn costé; car il faut necessairement que l'autre s'abbaisse en suite. Celle-cy est indifferente & n'a point de connexion necessaire auec la foiblesse; car souvent on leue la teste pour mieux écouter; souuent, c'est pour admirer quelque chose, quelque fois c'est vne menace; & en toutes ces rencontres, il faut qu'elle se baisse du costé opposé Mais celle qui se fait par dessein, est à mon aduis vne marque de foiblesse, parce que la posture naturelle de la teste dans les passions gene-

Li

250 LES CAVSES DES EFFETS reuses & en ceux qui ont confiance en leurs forces c'est d'estre droite & leuée, comme dans la Hardiesse, dans la Constance, dans l'Orgueil: De sorte que lors qu'elle s'incline d'vn costé ou d'autre, il faut que l'Ame se soit relaschée & qu'elle n'ayt, ou qu'elle s'imagine, ou qu'elle feigne de n'auoir pas la vigueur qu'ell'auoit auparauant. Mais quand cela arrive, l'inclination se fait Plustost du costé droit, non, parce que les muscles y sont plus forts, mais parce que le costé droit est le principe du mouuement, & que lors que l'Ame n'est point contrainte, elle commence toussours ses mouuemens par cét endroit : D'où vient que tous les animaux levent toufiours le pied droit le premier quand ils veulent marcher, & que l'homme a la main droite plus libre & plus agile que la gauche. Mais quelle est donc la fin que l'Ame se propose en ce mouvement? C'est de monstrer qu'elle n'est plus capable d'agir, & que sa vigueur est affoiblie iusques dans fon principe. Car cette inclination est vne cessation du mouvement qui est pro-

DE LA TRISTESSE. 251 pre à la teste, & quoy que les muscles agissent, le membre principal qui est celuy que l'Ame considere, cesse d'agir. Il ne faut donc pas s'estonner, si ceux qui sont tristes, ceux qui sont esseminez & ceux qui prient instamment, panchent ainsi la teste, parce qu'ils sont tous foibles, ou qu'ils croyent ou qu'ils feignent de l'estre. Car ceux qui le sont en effet ou qui le croyent estre, n'osent s'engager à aucun mouue-ment, quelque aisé qu'il soit, par la paresse & par la lâcheté qu'ils ont. Outre que ceux qui sont tristes & ceux qui prient, veulent faire connoistre leur impuissance pour obtenir le secours qu'ils demandent. C'est pourquoy ils ioignent à cette incli-nation de teste d'autres postures qui monstrent euidemment, qu'ils ne sont plus capables de rien faire pour leur soulagement, ayant les mains iointes, ou les laisant tomber Les mains entrelassées l'une dans l'autre, ou se tenant jointes. les bras croisez, sur l'estomach. Car toutes Les bras ces actions font voir qu'ils ne sont plus en croisez. estat d'agir par eux-mesmes; et que les organes qui sont destinez à l'action leur

252 LES CAVSES DES EFFETS

sont inutiles: C'est pourquoy ils les mettent en vne situation où ils ne s'en peu-

uent plus seruir.

Ie m'imagine pourtant qu'il y a cette difference entre ces derniers mouuemens que les mains iointes & les bras croise? ne marquent pas yn si grand abandonnement que les mains entrelasées qu'on laisse tomber nonchalamment. Car cette cheute faite auec tant de negligence & de langueur, fait bien voir la consternation & l'abbattement de l'Ame : Au lieu que les mains iointes sont éleuées par l'esperance que l'on a d'estre secouru; et que les bras croisez se soustiennent sur l'estomach, comme pour affermir le courage dans vne si rude attaque; ou du moins pour monstrer que l'impuissance de l'Ame ne va pas iusques au desespoir, & qu'elle se soustient encore quelque peu.

Les mains tombens sur les suisses.

Nous auons desia parlé d'vn autre mouuement que font ces parties quand elles se leuent es qu'incontinant apres elles retombent tout à coup sur les cuisses. Ce qui arrive DE LA TRISTESSE. 253

principalement, quand quelque grand malheur se présente d'abord à l'esprit; comme si l'Ame, par vne precipitation inutile, vou-loit esseur les bras pour s'opposer au mal; et qu'elle les rabbattist incontinant, voyant bien que tous ses efforts sont vains, & qu'il n'y a plus de remede qu'on y puisse apporter.

Le Marcher lent & mal-aseuré d'vn La lenhomme triste, l'inclination qu'il a d'estre paresse, la
tousiours assis ou couché, la difficulté qu'il y langueur,
a de le faire agir, & la langueur auec laquelle il fait toutes ses actions, sont des essets
& des marques certaines ds la foiblesse
qu'il a, ou qu'il croit auoir. Que si en certains temps il ne peut demeurer en vne
mesme place, & qu'il se tourne d'vn costé
& d'autre, c'est l'inquietude que la Crainte
ou le Desir luy donnent, qui en sont la
cause.

conformité au ce el luv que l'on feurits en

Le sommeil est fort court & fort leger, Le somnon seulement au commencement de cet-meil te Passion, lors que l'Ame est troublée par 254 LES CAVSES DES EFFETS

la violance du mal qui luy est alors plus fensible; mais encore dans tout son progrez. parce qu'elle corrompt le sang, & qu'elle desseiche toutes les parties; Et qu'en cét estat la Nature ne peut fournir au cerueau les vapeurs douces & humides qui doiuent causer le sommeil. De sorte que celuy qu'ell'y excite, ne procede que de l'extreme besoin qu'ell'en a, qui l'oblige, dans le deffaut de ces vapeurs, de lier & arrester elle-mesme les esprits pour quelque temps. Car nous auons monstré ailleurs qu'il y a deux causes naturelles & ordinaires du sommeil, la vapeur qui bouche le passage des Esprits, & l'Ame qui les lie & les arrefte.

Les songes. Mais de quelque sorte qu'il se fasse, il est trauersé par mille songes fascheux qui representent des spectres, des tenebres, des morts & de nouveaux malheurs, qui ont conformité auec celuy que l'on souffre en effet. car c'est vne chose, qui à la considerer de prez est tout à fait merueilleuse: que l'Ame se forme des images qui ne sont DE LA TRISTESSE. 255 point du tout semblables aux objets qu'elle veut representer; mais qui ont neantmoint quelque rapport auec eux. De sorte que l'on pourroit dire que ce sont des Enigmes ou de ces peintures ingenieuses, qui designent & découurent les choses en les cachant.

En effet peut on appeller autrement ces songes que l'imagination sorme sur les humeurs qui dominent ou sur les desordres qui se font dans les parties? Quand elle represente l'humeur bilieuse par des seux & par des combats; la melancholique par des spectres & par des tenebres, &c. Quand elle fait voir la cheute ou l'éclipse du Soleil pour marquer que le cœur doit tomber en quelque grand accident; ou celle des Astres, quand l'habitude du corps doit estre attaquée, & ainsi des autres songes dont tout le liure qu'Hippocrate a sait sur ce sujet, est remply. Quand enfin elle represente à vn homme qui a perdu son fils, qu'on luy a volé fon thresor, qu'on luy a creué les yeux, ou qu'on luy arrache le cocur : et mille aucres semblables qui arri-

256 LES CAVSES DES EFFETS

uent dans les Passions; sans parler de ceux que l'Oneiromantie pretend estre les si-

gnes des choses à venir.

Certainement toutes ces figures sont de veritables Enigmes, dont l'imagination se jouë & dont elle diuersifie ses pensées, qui sont aussi disticiles à expliquer, que la cause en est mal-aisée à découurir. Nous en auons desia parlé au Chapitre de la Colere; mais comme on ne sçauroit jamais arracher toutes les espines & les disticultez qui naistront de cette matière; il ne faut perdre aucune occasion d'y retoucher & d'y adiouster toutes les nouuelles coniectures qui peuuent donner iour à ces obscuritez.

Pour satisfaire donc à cette obligation, il saut remarquer que les Songes dont nous venons de parler sont de deux sortes: Les vns ont leur sondement dans l'imagination qui a la premiere connoissance des obiets, qu'elle doit representer. Ainsi vn homme qui a perdu son sils, a dans son imagination la connoissance de cette perte; Et en suite, il forme des songes qui ont du rappott auec

DE LA TRISTESSE. 257 auec elle; comme quand il luy semble qu'on luy vole son thresor, qu'on luy creue les yeux ou qu'on luy arrache le cœur: Car yn Fils est le thresor d'yn Pere, c'est fon cœur, ce sont ses yeux. Les autres ont leur fondement dans les facultez naturelles qui connoissent confusement les subiets dont se doiuent former les Songes, & qui les communiquent apres à l'imagination, laquelle les prend en suite pour les modeles de ses chimeres & de ses visions. C'est ainsi que se font les Songes qui viennent du mouuement & de l'abondance des humeurs, de la bonne ou mauuaise disposition des parties. Car comme nous auons dit au Chapitre de la Colere, ce n'est pas l'imagination qui a la premiere connoissance de ces choses-là, puisqu'elle ne connoist que par le moyen des sens qui sont alors assoupis, & qui auec toute la liberté qu'ils pourroient auoir, ne sçauroient iamais découurir ce qui se passe dans le secret des veines & des visceres : mais ce font les puissances naturelles qui voyent confusement tout ce qui se fait dans leurs

258 LES CAVSES DES EFFETS organes, & qui le communiquent apres à l'imagination, qui est le centre de toutes les connoissances de l'Ame.

Cela presupposé, la raison que nous auons apportée au lieu allegué de cette sorte de Songes, est assez vray-semblable. Car puisque la faculté naturelle n'a qu'vne connoissance obscure & consuse des obiets qui la touchent, elle n'en peut donner que des veues generales à l'imagination, qui par consequent n'en peut former des images parsaites, mais qui ont seulement quelque rapport auec eux à cause de la notion generale qui luy en est communiquée.

Mais on ne peut pas dire la mesme chose des autres Songes, qui se forment apres
que l'imagination est exactement instruite,
& qu'ell'a vne parfaite connoissance des
obiets. Car au lieu de les representer
comme elle fait, par des figures monstrueuses & enigmatiques, ell'en deuroit faire de
iustes portraits; et vn homme qui sçait la
mort de son fils, deuroit dans ses songes se
le figurer mourant, sans emprunter de son
thresor, de son cœur ou de ses yeux les

DE LA TRISTESSE. 259

images de sa perte. Quoy ! puisque l'imagination ne forme ses visions dans le sommeil que sur les images qui se conseruent dans la memoire; comment est-il possible qu'elle laisse celles qui sont les plus fraisches, les plus apparentes & qui pour ainsi dire, se presentent de front, pour aller prendre celles qui sont vieilles, éloignées & obliques. Elle quitte l'image de la mort d'vn fils qui est toute recente & qui est si fort grauée dans son souvenir, pour chercher celle qui luy represente vn thresor perdu, laquelle est peut-estre entrée dans sa memoire il y a long temps, qui est en-fepuelie soubs les autres, & qui ne con-uient à la mort d'yn fils que par analogie, c'est à dire, par un rapport indirect & éloigné de la verité.

Certainement il faut aduoüer, qu'il n'y a gueres de choses dans les animaux qui soit plus cachée & plus merueilleuse que cel-Îe-là; et il y a quelque danger qu'on ne reproche à ceux qui en veulent faire la recherche, qu'ils ne peuvent dire que des songes en voulant découurir le secret des

Kĸ ii

260 LES CAVSES DES EFFETS fonges; & qu'il est impossible d'esclaircir des choses qui de leur nature ne se font & ne sont que dans l'obscurité. Mais nonobstant la difficulté & le hazard qu'il y a voycy ce que nous nous sommes imagi-

nez là-dessus.

Les images des obiets entrent de telle forte dans la Memoire, que celles qui sont de choses semblables, ou que l'Imagina-tion croit auoir quelque liaison ou quelque rapport ensemble, sont dans vn mesme ordre, & sont placées dans vn mesme rang. C'est pourquoy l'vne fait souuenir de l'autre, & l'Ame n'en peut remuer aucune, que celle qui luy est proche ne soit esbranlée, & que les autres qui sont sur la mesme ligne, ne soient en estat de receuoir le mesme mouuement, si l'Imagination fait effort pour cela. De là vient qu'en meditant sur quelque chose, ces images se presentent l'vne apres l'autre, qu'elles viennent peu à peu, & qu'il y en a mesme qui arriuent long-temps apres, comme ayant esté les dernieres qui ont esté agitées.

Dans la veille, l'Imagination qui est con-

DE LA TRISTESSE. 261 duite par la raison & par le sens, parcourt ces images dans l'ordre iuste & reglé qu'elle leur a donné: Mais dans le sommeil, où ell'est abandonnée de ces guides, vagabonde comme ell'est, tantost elle passe d'yn rang à l'autre, & en assemble les images qui n'ont aucune liaison ny aucun rapport ensemble; dont elle forme ces chimeres sans nombre, qui n'ont aucun fondement dans la nature ny dans ses premieres pensées. Tantost, sans s'escarter ainsi, elle demeure bien dans vn mesme rang, mais au lieu de garder l'ordre qui s'y trouue, elle se iette confusement & sans choix tantost sur l'yne & tantost sur l'autre; et comme elle s'esgare facilement, elle s'attache d'ordinaire à celles qui sont les plus éloignées, telles que sont celles qui ne sont pas semblables, mais qui ont seulement quelque rapport ensemble. Elle fait justement comme vn homme qui courant auec trop d'impetuosité, va tousiours au delà des bornes qu'il s'estoit proposées; ou plustost comme ces jeunes chiens, qui prennent le change, & quittent la premiere proye pour courre KK iij

262 LES CAVSES DES EFFETS celle qui se presente apres. Car cette faculté inquiete au lieu de s'arrester à l'image de la mort d'vn fils, s'auance sur celle d'yn thresor perdu, & par le rapport qu'elle s'est autrefois imaginé qu'il y auoit entre ces deux choses, elle se fait vne histoire ou plustost une fable de cét enleuement, sans considerer plus les premieres images de sa veritable perte. Car il est vray-semblable, qu'elle ne fait pas ces iustes rapports qui se trouvent entre les choses au moment qu'elle songe, & qu'il faut qu'elle les ayt faits auparauant durant la veille; en sorte qu'vn homme qui n'en auroit iamais fait, ne se les representeroit iamais dans les songes; et s'il n'auoit autrefois comparé vn fils à vn thresor, il ne se formeroit iamais l'idée d'vn thresor perdu, quand la mort de son fils seroit arriuée. En effet les Songes sont differens selon la qualité & l'esprit des personnes; vn païsant se representera dans les siens des choses rustiques, sur le mesme suiet où vn gentilhomme se figurera des choses qui se passent à la cour. Ceux d'vn sçauant homme

DE LA TRISTESSE. 262 se ressentent des connoissances qu'il a, qui ne pourroient iamais entrer dans l'imagination d'vn ignorant. Il y en a mesme qui font propres à chacun en particulier, & qui sont conformes à ses inclinations, à ses desirs & à sa façon de viure. Voila donc à mon aduis, comment vn homme affligé fait des Songes proportionnez à l'estat où il est. Car ie ne parle pas de ceux qui signifient les choses à venir: s'il y en a d'autres que les Diuins, ils sont inspirez comme eux par quelque puissance exterieure, qui fournit de nouvelles images ou qui remuë celles qui sont dans la Memoire conformement à son dessein, & à la maniere dont l'Imagination a accoustumé d'agir.

Nous ne disons rien icy du changement Le Poil. du Poil que cette Passion cause en le faifant blanchir, nous en auons rendu la raison au Chapitre du Desir.

Le Pouls qui paroist dans la Tristesse est Le Pouls. dur, petit, rare, lent es foible. Sa dureté vient de la contraction qui se fait dans la substance du cœur & des arteres pour les 264 LES CAVSES DES EFFETS raisons que nous auons dites cy-deuant. Il est rare & petit à cause de la diminution de la chaleur naturelle qui n'a pas besoin de tant de rafraischissement; c'est pourquoy le cœur & les arteres s'ouvrent peu souvent & peu, & s'éleuent & s'abattent lentement. Ensin il est foible, parce que la faculté vitale est afsoiblie, qui ne peut par consequent donner à leur mouvement la vigueur

qu'elle n'a pas.

Il est vray qu'au commencement de cette Passion le Pouls est frequent & viste, parce que le sang & les esprits accourent au
cœur qui l'échaussent & l'oppriment; et
comme il ne peut s'ouurir beaucoup pour
attirer l'air qui leur est necessaire, & pour
chasser les sumées que la chaleur y engendre, il faut qu'il supplée par la frequence
& par la vitesse des battemens, à la grandeur qu'il ne leur peut donner; d'ou vient
que le pouls est frequent & viste. Il peut
mesme en ce temps-là paroistre quelquefois grand & vigoureux, parce qu'alors
l'Ame est encore susceptible d'Esperances,
de Desirs, de Colere qui produisent ces
sortes

DE LA TRISTESSE. 267 fortes de Pouls. Mais à la fin, apres que fes forces sont abbatuës par la longueur de la Passion, & qu'elle se trouve saisse de la Crainte & du Desespoir, dont les longues Tristesses sont ordinairement accompagnées, on ne peut plus remarquer d'autres battemens dans les arteres, que ceux que nous auons marquez cy-deuant.

Enfin la Tristesse change la constitution Ruine la du Corps, & ruine entierement la Santé; et santé. l'on peut asseurer qu'il n'y a point de Passion qui soit si ennemie de la vie que celle-là, puisqu'elle en destruit les principes & les elemens, en esteignant la chaleur naturelle dans toutes les parties & consumant l'humidité radicale qui les entretient. Et il n'est pas difficile de conceuoir comment elle cause tous ces desordres: Car comme elle fait continuellement retirer les esprits au cœur, il faut que tous les membres se ressent de cette fuite, & qu'ils soient priuez de l'influence & de l'irradiation de la faculté vitale qui se fait par eux. De là vient que les coctions & les digestions ne se font

LI

268 LES CAVSES DES EFFETS

pas comm'elles deuroient, les organes estant affoiblis. De là vient que le sang & les autres sucs nutritifs se gastent & deuiennent inutiles à la nourriture des parties qui s'amaigrissent & se desseichent en suite. De là vient que les excremens se multiplient, & que ne pouuant estre chassez par le desfaut des esprits & par la foiblesse des parties, ils y croupissent & s'y corrom-pent à la fin, d'où naissent les duretez des flancs, les vapeurs malignes qui infectent les esprits, & les fievres lentes qui ruinent peuà peu la vie. Le Cœur mesme où les esprits se retirent, & qui pour cette raison deuroit, ce semble, estre exempt de cette calamité, est celuy qui s'en ressent dauantage. Car outre qu'il souffre le premier la contrainte & l'oppression que cette suite luy cause, & qu'il compatist au vice des autres visceres qui ne luy peuuent plus fournir ny le sang qui le doit nourrir, ny la vertu animale sans laquelle il ne peut subsister; il sent à la fin que toute sa chaleur s'esteint, & que l'Ame qui est lassée par la longueur de la Passion & qui s'est abandonnée au

DE LA TRISTESSE. 269 Desespoir, n'a plus soin de reparer ses pertes & le laisse ainsi consumer peu à peu: C'est pourquoy il se desseiche, il se flestrit & devient froid. De forte qu'on luy pourroit appliquer ce que l'on a dit autrefois de la rebellion que les membres firent contre l'estomach, qui apres s'estre resolus de ne trauailler plus pour luy, le ruinerent à la verité, mais se ruinerent aussi auec luy. Car le cœur ostant aux parties le sang & les esprits qui les soustiennent, se priue du secours qu'elles luy peuuent donner, & en

les affoiblissant, il s'affoiblit luy-mesme.

Mais nonobstant tout ce que nous ve-nons de dire, il y a de certaines Tristesses sesses qui bien loin d'estre ennemies de la santé à la lon-la fortissent & la conseruent: Et entre les sueur de la vie. causes que le Chancellier Baron donne de la longue vie des Anachoretes, il met Spes Calubres, mærores dulces, les esperances vtiles, les Triftesses agreables que la religion inspire. Car il est certain que comme l'Esperance en affermissant les esprits, empesche qu'ils ne se dissipent ; La Tristesse produit aussi le mesme effet en les faisant resserrer

270 LES CAVSES DES EFFETS pe forte que si la dissipation qui s'en fait, est la plus generale & la plus puissante cause qui accourcit les iours, ils'ensuit que ces deux Passions qui la retardent, contribuent à la longueur de la vie. Mais il faut que cette Tristesse ne soit ny longue ny prosonde, qu'elle soit souvent interrompue par de plus douces Passions, & qu'elle sasse dans les beaux iours d'esté, qui temperent l'ardeur du Soleil arrestant pour quelque temps ses rayons.

construit con pris di la contra di la contra

Quelles sont les Causes des Characteres de la Douleur Corporelle.

VANT que de venir à l'examen des Characteres qui sont particuliers à la Douleur Corporelle, il faut se ressouvenir de ce que nous auons dit cy-deuant de la différence qu'il y auoit entre la Triftesse & elle, parce que c'est la cause & la diuersité qui se trouve dans leurs effects. Il est donc certain que la Tristesse & la Douleur ne font qu'vne mesme espece de Passion parce qu'elles ont toutes deux vn melme mouvement & vne melme fin , & que l'ame souffre vne égale Contraction en l'yne & en l'autre pour se fauuer du mal qui l'attaque. Et pour cette raison elles produiroient touliours de melmes effects, n'estoit que la Douleur ne se sorme presque iamais qu'elle ne soit accompagnée du mouuement de la faculté

246 LES CHARACTERES

naturelle qui s'éleue contre le mal au mesme temps que la sensitiue le fuit. Car comme la Douleur naist de l'alteration qui se fait dans la constitution naturelle des parties, laquelle consiste principalemet dans le Temperament & dans l'vnité qu'elles doiuent auoir; et que cette Constitution est la plus importante & la plus necessaire. comme estant la base & le fondement de toutes les vertus & de toutes les fonctions de la vie: De là vient que quand l'ame sent l'alteration qui s'y fait, elle s'allarme dauantage & remue toutes ses puissances pour s'opposer au progrez du mal. C'est pourquoy pendant qu'elle tasche d'éuiter sa violance par la contraction qu'elle donne à l'appetit sensitif, elle souleue l'appetit naturel pour le combattre; comme vn sage General d'armée qui fait faire retraite aux troupes qui ont esté atraquées les premieres par l'ennemy, pendant qu'il en fait aduancer d'autres qui sont plus frais-ches & plus gaillardes. Car l'on peut dire que la faculté naturelle est de ces dernieres, parce que n'ayant pas vne connoisDE LA DOVLEVR CORP. 273 fance si exacte que la sensitiue, elle ne void pas si tost le peril & n'en connoist pas la grandeur comm' elle, & s'y jette aussi plus hardiment: mais encore parce qu'ell' est soustenuë de toute la force des Esprits qui luy obeissent & qui abandonnent la faculté sensitiue, comme nous auons dict.

De tout cela il s'ensuit que la Tristesse qui n'est point secondée comme la Douleur par les mouuemens ny par les efforts de l'appetit naturel, ne produit pas tant d'effects & de Characteres corporels que celle-cy; et que la pluspart mesme de ceux qu'ell' a communs auec elle ne sont pas si grands ny de si longue durée que les siens; C'est pourquoy les Parties n'y rougissent & ne s'y enflamment point; Il n'y a point de transport d'humeurs ny d'esprits qui s'y fasse; Il n'y a point d'agitation & d'inquietude; Les cris mesme n'y sont pas si vehemens ny si longs que dans la Douleur. De sorte que sans faire vn examen particulier de tous les Characteres qui sont propres à cette Passion, on pourroit tirer du principe que nous venons d'établir les raisons 274 LES CHARACTERES pour lesquelles ils s'y font. Mais pour décharger le Lecteur de la peine qu'il auroit en cette recherche, nous la voulons faire icy de ceux qui font les plus considerables.

Les Cris Il faut commencer par les Cris & par & les Ge- les Gemissemens qui sont les premiers enmissemes. fans, ou plustost les compagnons insepa-

fans, ou plustost les compagnons inseparables de la Douleur. Nous auons dit cydeuant, que les vns & les autres se faisoient pour deux fins; l'vne pour se descharger du mal; & l'autre pour demander secours : маів que la Nature se proposoit principalement la premiere dans les Cris, & la seconde dans les Gemissemens. Cette verité paroist clairement dans la Douleur; car quand ell'est forte, l'ame se trouue tellement pressée par la violance du mal, qu'elle cherche les moyens les plus prompts pour les luy opposer; & comme ceux qu'ell'a auec soy sont plus presens que tout autre secours estranger qu'elle pourroit attendre, elle les employe aussi les premiers. C'est pourquoy elle fait effort pour chasser DE LA DOVLEVR CORP. 275 l'air qui est dans les Poulmons croyant chasfer le mal auec luy, comme nous auons dit. Et elle commence par ce mouuement plussoft que par vn autre, parce que la faculté vitale qui gouuerne la poitrine est plus obeissante; et que l'air qui y est, est plus facile à chasser: lequel estant poussé impetueusement esclate en sa sortie & forme vn grand cry.

Mais quand la Douleur n'est pas si forte, l'ame qui n'est pas sollicitée auec tant d'empressement, & qui est alors plus à soy, se propose vne fin plus raisonnable, qui est de demander secours par des Cris plus moderez, ou par des Gemissemens. Car il est certain que le motif qu'ell'a de chasser le mal par les Cris est inutile, & ne se peut excuser que par la precipitation où la violance du mal la jette.

Quoy qu'il en soit les Cris sont plus ve- Les cris hemens dans la Douleur que dans la Tri- sont plus stesse, parce que l'Ame y fait de plus grands vehemens efforts, ayant à soustenir vn mal qui est le plus dangereux de tous comme nous auons

276 LES CHARACTERES

dit. Il s'y fait mesme auec une plus grande ouverture de bouche, en sorte que la voyelle A, s'y fait plus remarquer que l'E, qui est familier aux plaintes que la langueur & la soiblesse produisent. Car comm'en celles-cy l'ame n'a pas la force d'ouvrir beaucoup les organes de la voix; aussi dans la Douleur où ell'est vigoureuse & où elle fait des efforts proportionnez à ses forces & à la grandeur du peril où ell'est; alle essargit autant qu'il se peut le gozier & la bouche; quand ce ne seroit que pour faire vn plus grand passage à l'ennemy qu'elle pretend chasser par là.

es cris

Quelquesois ils sont fort courts, comme quand on reçoit vn grand coup, ou que la douleur l'irrite par quelque essancement, parce que l'effort de l'ame est proportionné à l'attaque du mal, & que sa dessense doit estre prompte dans vne prompte atteinte.

Les cris longs. Tout de mesme qu'elle fait de longs cris lors qu'elle sent long-temps la pointe de la douleur; resquels sont tantost poussez tout d'vn trait & sans interruption; tantost con-

DE LA DOVLEVR CORP. 277 tinuez par de frequentes reprises, selon que l'ame croit qu'elle peut chasser le mal par vn seul essort, ou qu'il luy saut saire diuerses secousses pour en venir plustost à bout. Mais de quelque façon qu'ils se fassent ils finissent tousiours en vn son aigu, pour les raisons que nous auons dites cy-deuant.

La Respiration souffre icy de grands chan-La Respiration fregemens, & il n'y a point d'autre Passion quente, que l'altere & qui la diuersifie en tant de sacons. Car tantost ell'est prompte & frequente: ce qui arrriue tousiours quand les parties qui sont situées au dessus du diaphragme sont douloureuses comme Hippocrate a remarqué; parce qu'elles sentent le mouuement des organes qui seruent à la respiration : et comme le mouuement irrite la douleur, plus il est petit & moins elles souffrent de mal: c'est pourquoy on n'ose faire vne grande respiration; mais pour suppleer à la grandeur qu'elle deuroit auoir, on la rend frequente. Hors de là quand on l'a fait ainsi, cela vient de l'empressement de l'ame qui se haste & se precipite pour chas-

Mm ij

278 LES CHARACTERES fer le mal; Les prompts & les frequens efforts qu'elle fait dans la respiration estant comme autant d'attaques & d'atteintes qu'elle pense luy donner.

La Rspiration est grande.

Pour l'ordinaire ell'est grande & ample, parce que la faculté vitale s'irrite dans cette passion, comme nous auons dit, & part consequent il faut qu'ell' attire beaucoup d'air pour temperer la chaleur qu'ell' a excitée, & qu'elle le fasse apres sortir auec quantité de fumées qui s'y engendrent à toute heure. Quelquefois aussi le desseinqu'à l'ame de chasser le mal tout d'vn coup & par vn seul effort contribue à la grandeur de la Respiration. Et c'est alors que l'on y remarque ces longs souffles & ces as= pirations vehementes qui se messent auec elle, & que l'on peut dire estre comme autant de vents impetueux que l'ame excite pour abbatre fon ennemy.

Les foupirs lugubres.

Les sanglots et les soupirs se font icy pour les mesmes raisons que dans la Tristesse: Mais outre les Soûpirs ordinaires, la dou-leur en sorme d'autres qui sont lugubres est

DE LA DOVLEVR CORP. 279 plaintifs parce qu'ils finissent par vn gemit-sement. Or les Gemissemens se messent auec eux, parce que l'ame qui est pressée par la douleur resserce le passage de l'haleine, & comme celle-cy sort auec quelque violance apres auoir esté long-temps retenuë, elle forme le son où consiste le Gemissement.

La Douleur cause aussi vn certain fre-Fremisse-missement d'haleine qui se fait par l'air que ment d'ha leine. l'on attire à diuerses reprises, lequel venant à heurter les levres cause le bruit qui est exprimé dans le mot de fremir, car c'est vn de ces termes qui representent en leur prononciation la chose qu'ils signifient. Il se fait d'ordinaire quand on se brusse, quand on sent quelque nouuel essancement de douleur, & quand on veut pleurer. On pourroit dire que c'est vne espece de Sanglot, car il se forme comme luy par vne seule aspiration qui est redoublée; mais il y a cette difference qu'il n'est pas si violant, qu'il se fait souvent auec plus de reprises, & que le bruit s'en entend plus à l'entrée de la bouche qu'au gozier, tout au contrai-

Mm iij

280 LES CHARACTERES

re du Sanglot. C'est donc vn esfect qui est commun à la Douleur & à la Tristesse. Et sans doute quand la Saincte Escriture dit qu'à la mort du Lazare Iesus-Christ infremuit spiritu; quelque explication qu'on donne à ces paroles, elles se doiuent entendre à la lettre, du fremissement qu'il fit en respirant les mots de mous & de spiritus, se prenant là pour l'haleine comme il arriue tres-souuent dans les plus belles expressions de la langue Grecque & de la Latine. Parce que N.S. voulant faire connoistre la tristesse qu'il auoit voulu ressentir, se seruit des marques & des effects naturels que cette Passion a accoustumé de produire. C'est pourquoy voyant pleurer tous ceux qui l'abordoient infremuit spiritu, turbauit seipsum, lachrymatus est: Il fremit en respirant, il se laissa émouvoir, & attendrir le cœur, & puis il ietta des larmes, qui est le progrez ordinaire que fait la Tristesse. Car elle commence par la contraction du cœur & des muscles de la poitrine; et c'est ce qui fait fremir l'haleine: puis le cœur s'attendrit, parce qu'il se re-

DE LA DOVLEVR CORP. 281

lasche pour enuoyer des esprits au cerueau, lesquels fondent apres les humeurs

& les changent en larmes.

Pour trouver la cause de ce Fremissement qui est assez cachée, il faut presupposer que puisqu'il paroist d'ordinaire au commencement des larmes, il faut que le mesme mouuement dont l'Ame est alors agitée, contribuë à cét effet. Or il est certain que dans le Ris & dans les Pleurs l'Ame se retire & r'entre en elle-mesme, à cause de la surprise que le bien & le mal luy donnent; & que voulant faire connoistre l'estat où ell'est, il est necessaire qu'elle conforme les organes au mouuement qu'elle souffre, & qu'elle les fasse par consequent retirer, comm'elle. Et c'est sans doute ce qui cause la contraction des muscles dans ces deux actions, parce qu'ils ne peuuent se mouuoir qu'en se retirant vers leur principe. Mais il y a cette difference que le mouuement des muscles qui se fait dans le Riz regarde le bien que l'ame veut poursuiure, & qu'au contraire celuy qui se fait dans les Larmes regarde le mal qu'elle veut fuir.

282 LES CHARACTERES C'est pourquoy tout l'effort qu'elle fait sur la poitrine dans le Riz, c'est pour faire sortir l'haleine, parce qu'elle veut sortir ellemesme pour aller vers le bien : et dans les Pleurs c'est pour faire rentrer l'air, parce qu'elle tasche de se cacher auec luy, & de fuir ainsi le mal. Car c'est vne erreur où la partie basse de l'ame tombe ordinairement, qu'en transportant les choses dont ell'est la maistresse, elle croit que c'est elle mesme qui change de place; en sorte que faisant sortir l'air des poulmons ou l'y faisant r'entrer, elle s'imagine que c'est ellemesme qui sort & qui r'entre : rout de mesme qu'en poussant les esprits au dehors ou les retirant au dedans, elle pense se produire ou se cacher auec eux. Dans le dessein donc qu'elle se propose, elle fait agir dans le Riz les muscles qui seruent à pousfer l'haleine, & dans les pleurs ceux qui seruent à l'attirer : et parce qu'ell'est egalement sollicitée par le bien & par le mal qui la surprennent, elle fait faire ces actions par secousses & par reprises promptement re-

doublées. De là vient qu'au Riz ces redou-

blemens

DE LA DOVLEVR CORP. 283 doublemens paroissent dans l'haleine qui sort, & aux pleurs dans celle qui entre. Mais parce qu'en retirant ainsi l'haleine l'air qui entre impetueusement heurte les levres; il s'y fait vn certain bruit qui est le Fremissement dont est question.

Or si c'est la cause veritable de cet effet dans les Larmes, il ne saut pas douter qu'elle ne le soit aussi de celuy qui se sait dans la Douleur & dans quelqu'autre Trissesse que ce soit : parce que l'Ame y a les mesmes desseins que dans les Pleurs , ell'y veut fuir comme là , elle pretend aussi qu'en attirant l'air dans les Poulmons, elles'y va cacher auec luy, elle fait agir les muscles qui sont destinez pour cette attraction, ensin, ell'y precipite son mouuement par diuerses reprises estant pressée par la violance du mal, & cause en suite le Fremissement dont nous auons parlé.

L'excez de la Douleur fait aussi tres-La Donsouuent retenir l'Haleine; parce que c'est leur sait vne action que l'on fait pour se preparer à l'haleine; quelque grand essort: C'est pourquoy

quand on veut donner vn grand coup; quand on veut donner vn grand coup; quand on veut pousser quelque chose auec force, on ne manque iamais de retenir son haleine. L'ame ayant donc accoustumé d'employer cette action lors qu'elle veut faire sortir du corps des choses qui l'incommodent & dont elle est chargée, s'en sert aussi contre la Douleur, comme si c'estoit vn mal qu'elle peust faire sortir comm'elles; pe sorte qu'elle tombe dans la mesme erreur que lors qu'elle excite la roux pour chasser l'vleere qui est dans les poulmons,

fur ce qu'elle chasse ainsi les humeurs qui s'y sont amassées; ou quand elle enuoye des esprits aux playes croyant les pouvoir resoudre par eux; comm'elle fait les tu-

meurs & les apostumes.

Or comme la Retention de l'haleine se peut faire en plusseurs façons, à sçauoir doucement, quand il n'y a que le gozier qui se ferme; fortement, quand les muscles de la Respiration agissent auec suy; et violamment, quand d'autres parties se joignent encore auec eux pour ayder à cette action.

On void manisostement que dans les gran-

O V

DE LA DOVLEVR CORP. 285 des Douleurs elle se fait auec toute la violance dont ell'est capable. Car non seulement le gozier se ferme, le ventre se bande & l'haleine est poussée en bas; mais encore on roidit les bras, on ferme les poings, & on ferre les coudes contre les costez; fouvent melme on grince les dens, on prefse les levres l'vne contre l'autre, & la pluspart des autres parties du visage se retirent, Ce n'est pas pourtant que toutes ces actions se fassent seulement dans la Douleur : car par tout ailleurs où l'on est contraint de retenir l'haleine pour faire quelque grand effort, on fait tous les mesmes mouuemens; lesquels sont excitez par l'ame pour fortifier l'action principale qu'ell'a dessein de faire, soit qu'ils y seruent effectiuement, soit qu'ils y soient inutiles s'estant trompée dans le choix des moyens qu'il y falloit employer. A imag the the mental in

Car il est certain que comme en toute forte de mouuemens il faut tousiours qu'il ait quelque soustien sur lequel la chose qui se meut soit appuyée; les membres ne sçauroient iamais se mouvoir, que les parties

Nn ij

286 LES CHARACTERES

qui leur sont voisines ne les soustiennent: et si le mouvement doit estre fort & puisfant, il n'y en a gueres en tout le corps qui ne s'affermissent pour appuyer celles qui sont en action. Que s'il arriue qu'elles ne soient pas en cét estat, le mouuement en est plus foible & moins vigoureux : C'est pourquoy les oyseaux ne peuuent voler quandils ont les jabes rompues; on ne court pas si bien quand on a les mains liées; & on ne saute pas si loin quand on ne roidit pas les bras & qu'on ne serre pas les poings. Dans le dessein qu'a donc l'Ame de chasser la Douleur, ell'affermit les muscles de la respiration pour appuyer les autres par-ties qui doiuent à son aduis attaquer l'ennemy; et pour les rendre plus fermes, elle retient l'haleine en fermant le gozier, & la fait descendre en bas, pour soustenir le diaphragme, & c'est ce qui fait bander le ventre: souvent mesme elle sait roidir les bras, fermer les poings & serrer les coudes contre les costés, parce que ces parties, qui sont proches de la poictrine, sont comme autant d'arboutans & d'appuys qu'elle luy

DE LA DOVLEVR CORP. 287 donne pour la rendre plus ferme. Elle ne se contente pas encore de cela, elle sait grincer les dents, serrer les levres es retirer la plus-part des muscles du visage, croyant que l'affermissement qu'elle donne ainsi à ces parties, seruira de quelque chose à celles qui doiuent faire le coup. Mais elle se trompe en celles-cy, car elles sont inutiles à l'action principale à laquelle elle les destine.

C'est alors que le visage rougit à cause du Le visafang qui est contraint d'y monter par l'es-ge rougit. fort qui se fait dans la posètrine & qui presse les veines qui portent le sang à la teste. Mais cette rougeur se dissipe quand la respiration deuient libre; si ce n'est que les Larmes soient presses à couler; car les yeux & le visage rougissent par l'abord des esprits qui montent en haut, comme nous dirons au discours des Larmes.

Dans la Douleur comme dans la Triftesse, le visage s'abbat & se renfrongne; Les yeux y sont souvent trisses & languissans, quelquesois ils se tournent pitoya-

Nn iij

288 LES CHARACTERES blement vers le Ciel ou vers ceux qui sont presens. Et ces effets viennent des mesmes causes que nous auons examinées cy-deuant.

on pleu- Toutes deux font aussi pleurer. Mais il il y a cette difference; qu'il n'y a presque que les femmes & les enfans qui iettent des larmes dans la Douleur; Au lieu que dans la Tristesse, toutes sortes de personnes de quelque aage ou sexe qu'elles soient sont capables de pleurer, comme nous dirons au Chapitre des Larmes.

La veue hagarde & esgarée vient du est égarée. Desespoir & de l'Inquietude que la violance du mal excite dans l'Ame. Car pour se tirer du peril où elle se trouue, elle fait quelquefois de si grands essans, qu'elle se iette comme hors d'elle-mesme, & passe ainsi en vne espece de Fureur qui luy oste l'vsage de la Raison; en sorte qu'vn homme paroist tout hors de soy: Il peste, ilblaspheme, il souhaitte la mort, il se la donne quelquefois. En cét estat, sa veue est hagarde & esgarée, l'Ame ne pouuant dans le

DE LA DOVLEVR CORP. 289 transport où ell'est, arrester les yeux ny regler leurs mouuemens. Mais l'Inquietude qui accompagne ordinarement la Douleur, contribue aussi à cét effet, & le peut mesme produire toute seule. Elle vient en partie de l'agitation des esprits qui sont irritez & qui sollicitent continuellement les membres à se mouuoir; en partie aussi de ce que l'on ne trouve point de situation ny de posture qui soulage le mal que l'on sent. C'est pourquoy on se tourne, on se plie en cent façons, on se leue, on s'asied en mesme temps, on va, on vient, on court; mais auec tous ces mouuemens differens, la Douleur ne change point de force ny de place.

On porte aussi les mains sur la partie ma- on presse lade, pour la dessendre & pour la secourir. la partie Souuent on la prese & il arrive quelque- malade. fois qu'on la foulage par là, foit qu'on repousse ainsi la cause du mal en d'autres lieux, soit qu'on diminue la tension doulourcuse qui se fait dans les parties interieures, en pressant les exterieures, com-

290 LES CHARACTERES me dans les douleurs de teste quand on

presse le front.

La partie bleffee s'enfle, deuient rouge & chaude.

L'Enfleure, la Rongeur, la Chaleur y suruiennent, parce que les esprits y accourent qui portent le sang & la chaleur auec eux, pour la raison que nous auons dite.

Ell'eft plus senfible.

Le sentiment mesme s'y rend plus exquis à cause que la vertu sensitiue y descend plus abondamment pour luy faire remarquer plustost & plus exactement ce qui luy peut nuire dans la foiblesse où ell'est.

Ell'est mesme en plus mauuais estat quand elle n'a pas ces accidens-là, parce que c'est vne marque que la faculté naturelle l'abandonne, & qu'elle n'est pas en pouuoir de la secourir ny d'attaquer le mal.

La Douleur attire les huelle.

Enfin s'il y a de mauuaises humeurs dans le corps, elles se iettent sur elle, on dit meurs sur mesme que c'est la Douleur qui les y attire. Mais ces façons de parler sont populaires, & n'expriment point la nature de ce mouuement: Car en ces rencontres, les humeurs. ne se iettent pas sur les parties, & la Douleur ny quelqu'autre chose que ce soit ne

DE LA DOVLEVR CORP. 291 les y peuuent attirer, comme nous auons monstré cy deuant. C'est la nature qui les y pousse, soit par la vertu expulsiue des parties qui se deschargent, soit par le moyen des esprits qui portent & conduisent les humeurs. C'est donc par eux que la Nature enuoye aux lieux où l'on sent la Douleur, les sucs les plus malings qui soient dans les veines, comme autant d'armes offensiues dont elle se veut seruir pour combattre le mal; pe la mesme maniere que dans la Colere elle porte le venin aux dents des animaux pour destruire ce qui les offense: Ce que nous auons amplement expliqué dans la troisième partie de ce Chapitre. Mais ces humeurs-la ressemblent aux troupes mal disciplinées que l'on enuoye pour deffendre vne Prouince, qui y font plus de desordres que les ennemis mesmes. Car par leur acrimonie; elles augmentent la Douleur & causent quelquefois des conuulsions, & par leur quantité elles accablent souuent la partie malade & y esteignent la chaleur naturelle, d'où vient la Gangraine. Que si la Douleur continue

O₀

292 LES CHARACTERES long-temps, elles en alterent le tempera-

ment, & corrompent le sang qui y coule. De sorte que n'ayant plus d'aliment propre pour se nourrir, ny la force de corriger les deffauts qui s'y trouuent, elle s'amaigrist & se desseiche, & perd à la fin le mouuement.

Mais il ne faut pas oublier à examiner icy deux choses qui donnent de la peine

l'Imagination qui est accoustumée à sentir ces parties, & qui ne s'aduise pas de les auoir perdues. C'est pourquoy l'endroit coupé faisant l'extremité du corps, elle s'imagine que la Douleur qu'ell'y sent, est aux extremitez qui auoient accoustumé

à la Medecine: L'vne comment il se peut faire que la Douleur se sente dauantage où la Pourquoy on se plaint des partie n'est point blessée, qu' au lieu où lemal est effectivement, qui quelquefois ne la sent point du tout. L'autre, pourquoy ceux à qui doigts qui ont esté couppez. on a couppé les bras ou les iambes, se plaignent de la Douleur qu'ils croyent ressentir aux doigts qu'ils n'ont plus. Cette derniere n'est pas difficile à resoudre, car c'est vn esset de

DE LA DOVLEVR CORP. 293 d'y estre. Et quoy que l'on se plaigne tantost d'yn doigt & tantost de l'autre, il n'est point de besoin pour cela de recourir aux diuerses fibres des nerfs qui estoient destinez pour porter le sentiment à ces parties. Car cette diversité ne vient que des differens endroits où le membre mutilé sent la douleur, lesquels estant à droit où à gauche font imaginer que le mal est aux doigts qui respondent à cette situation. En effet apres quelque temps l'imagination se detrompe & iuge veritablement du lieu ou l'on sent la douleur; ce qui n'arriueroit pas si cela dependoit des nerfs qui demeurent malades apres que cette phantaisie est passée.

Quant à l'autre difficulté ell'est bien plus comment malaysée à resoudre. Car il n'est pas facile la douleur de conceuoir comment on puisse sent à la partie mal dans vne partie sur laquelle l'objet de qui n'est la douleur n'a fait aucune impression: et point blef-s'il est vray ce que les Maistres de la Medecine asseurent, que le siege de la douleur l'est aussi du mal qui la fait naistre; comment il se peut faire que contre cette ma-

Oo ij

294 LES CHARACTERES xime, la cause soit dans la partie blessée & la pouleur en celle qui ne l'est pas. Car non seulement il y a des parties qui communiquent la douleur qu'elles ont à d'autres qui sont esloignées; quelquesois auec plus de violance qu'elles n'en souffrent, comme dans quelques sciatiques où la douleur est plus sensible aux cuisses & aux jam. bes qu'au lieu veritable de la maladie; Souuent aussi sans que celles qui sont entredeux s'en ressentent, comme quand la douleur de la pleuresie se sent aux clauicules. ou quand on a mal à la teste dans les douleurs des jointures & de l'estomac, quoy que toutes les parties qui sont entredeux en soient exemptes. Mais il y en a encore: qui ont en soy toute la cause de la douleur sans la sentir, & qui en laissent tout le sentiment à celles qui semblent n'en auoir point souffert l'impression, comme quand la tumeur du foye ne fait douleur qu'à la clauicule & au derriere des espaules; & quand la vessie ne sent qu'à l'extremité de son canal l'ylcere ou la pierre qui est en fon fonds: The property state of the backs

ii oO

DE LA DOVLEVR CORP. 295

le sçay les diuerses opinions qu'on a euës là dessus, & qu'il y en a qui rapportent quelques-vnes de ces communications aux parties nerueuses qui se respandent d'yn endroit à l'autre: Qu'il y en a d'autres qui la tirent de l'vnité de l'ame qui estant, vne en tous les membres fait part du sentiment que le mal cause en l'vn à vn autre qui en est exempt; et qu'enfin il s'en est trouué qui ont dit que l'image & l'espece que l'imagination se forme de la douleur d'yne partie, est capable de l'exciter en vne autre. Mais il est aisé à iuger que toutes ces opinions ne se peuuent soustenir, & que si les raisons en estoient veritables il s'ensuiuroit que l'on ne pourroit iamais a uoir de douleur considerable en vn endroit qu'elle ne se communicast à toutes les parla percie en toure sen estenduisquos la

Pour se tirer d'vn pas si dissicle, il faut remarquer qu'en general il y a trois causes de la Douleur corporelle, la Solution de continuité, l'Intemperie, & la Tension: Car quoy qu'on ait reduit celle-cy à la solution de continuité, & qu'il soit vray que

quand ell'est violente, il y a quelques fibres de la partie tendue qui se déchirent & se rompent: neantmoins il est certain que sans cette rupture elle ne laisse pas d'estre douloureuse, comme estant contraire à la constitution naturelle des parties. Et de fait il n'est pas croyable, que les grandes coliques cessassent quelquesois si tost comme elles font, sans laisser aucun sentiment de Douleur, si elles auoient déchiré quelques sibres des intestins qui en ont esté trauaillez. Cela presupposé, il est facile d'expliquer comment la Douleur qui vient de l'Intemperie & de la Tension se communique aux parties éloignées; parce que l'Intemperie est vne qualité qui se respand successivement de tous costez; et que la Tension est vn mouuement qui occupe ordinairement la partie en toute son estenduë. Mais parce qu'il y a des parties qui sont plus sensibles que les autres, il arriue souuent que l'intemperie en se respandant, saisst ces parties-là & y cause vne plus grande Douleur que dans la source du mal. C'est ainsi que les inflammations des visceres ne sont dou-

DE LA DOVLEVR CORP. 297 loureuses que lors qu'elles ont atteint la membrane qui les couure. La mesme chose se fait dans la Tension, & d'ordinaire elle cause plus de Douleur à l'extremité qu'au commencement ou au milieu de la partie; parce que le mouuement y est plus violent : pautant qu'il n'y a plus rien qui cede quandil est à l'extremité, & que toute sa force se reunit là ne pouuant aller plus loin. C'est ainsi que les tumeurs du foye se font sentirà la clauicule & aux espaules à cause qu'elles estendent les fibres des membranes qui l'attachent à ces endroits; C'est ainsi que la pierre ou quelque humeur acre venant à irriter les vlceres de la vessie, ses fibres se refferrent & font vne tension douloureuse au lieu où elles aboutissent.

On nese peut pas fatisfaire si facilement touchant la Solution de continuité qui ne se répand pas comme l'intemperie & le mouvement. Et la difficulté est principalement pour celle qui est fraischement saite: Car pour les autres, où la tumeur & l'instammation sont suruenues, on voit bien que ces accidens là se peuvent respandre

bien loin, & porter aux parties voisines & à celles mesme qui sont assez éloignées, la cause de la Douleur que l'on y sent. Mais pour celle qui vient d'estre faite, comme seroit par exemple vne Playe qui ne cause pas seulement de la Douleur aux superficies que la divisson a produites, mais encore aux parties qui les enuironnent : Il n'est pas aisé de dire comment la Douleur s'estend iusques à elles, puisqu'elles ne sont pas divisées, & que l'on suppose qu'il n'y a point d'autre cause de la Douleur que la diuision; n'estant pas vray semblable que l'intemperie qui demande beaucoup de temps pour s'introduire, y puisse estre desia. Puisque la division n'est donc autre chose que les parties diuisées, & que ces parties ne se peuuent communiquer, comment est-ce que la Douleur qu'elles ont se communique-t-elle aux autres? ang bin rebuil

Il faut donc dire que cette supposition est fausse, & qu'il est veritable qu'il n'y a point de Solution de continuité qui ne soit accompagnée de quelque intemperie & de quelque tension, & que c'est par elles que

DE LA DOVLEVR CORP. 299 la Douleur se communique d'abord aux parties voisines. Car sans parler de la contusion secrete qui se fait en toute division, il est certain que les fibres des parties diuisées se retirent incontinant, d'ou vient que les levres d'vne playe s'esloignent l'vne de l'autre, & s'il s'y rencontre des nerfs, il s'y fait conuulfion. C'est pourquoy quand les levres des playes deuiennent lâches & molles, c'està dire quand il n'y a plus de contraction des fibres, on n'y sent plus de Douleur; et la contraction ne se fait point sans tension, comme il est aisé à juger. D'ailleurs les parties diuisées s'alterent à la rencontre de l'air qu'elles n'auoient point accoustumé de sentir, & ce changement est si puissant en quelques vnes, qu'il est capable de les corrompre. De sorte qu'il ne faut pas s'estonner si la Douleur que l'on fent d'abord aux playes se respand aux parties voisines, parce qu'elles se ressentent de l'intemperie & de la tension qui s'y fait. Apres cela quand la faculté naturelle s'est soûleuée, & qu'ell'a enuoyé les esprits & le sang à la partie malade pour la fortifier,

Pp

& des humeurs malignes, pour destruire le mal qui y est, comme nous auons dit cy-deuant; alors la douleur se communique aux parties les plus esloignées, parce que l'intemperie est plus grande à cause de la chaleur que les esprits & les humeurs acres y apportent; & que la tension est plus forte à cause de la tumeur qu'ils y font qui estend dauantage les fibres. Il arrive mesme souvent que ces humeurs malignes se respandent en diuers endroits fort esloignez du premier mal & y caufent de la Douleur. Et sans doute celle de la Sciatique qui se communique aux iambes vient de l'espanchement de l'humeur qui s'y fait: Car Hippocrate ne la rapporte pas comme on fait communement aux nerfs & aux tendons qui respondent à la jointure; mais au lang corrompu qui coule par les veines en ces parties-là, & qui les mord & les picque par son acrimonie. , 2011 10 / 211

Ce sont là les moyens par tesquels la Douleur à de constume de se respandre aux parties qui ont quelque societé & proximité entr'elles. Car pour les autres qui

DE LA DOVLEVR CORP. 201 sont tout à fait separées du lieu où est le principal siege de la Douleur, la communication qu'elles en ont vient du transport des humeurs, des vapeurs & autres matieres qui s'y fait sans que la partie blesséey concoure. Ainsi quand la Douleur de teste survient aux Douleurs des iointures comme Auicenne a obserué, il ne faut pas la rapporter comme luy à cette espece imaginaire qu'il s'est figurée; ce sont les vapeurs qui se sont esseuées à la teste par l'agitation des humeurs que la violence de la premiere Douleur a causée. Car puisque cette violence peut exciter la fievre & les syncopes, & qu'alors la faculté naturelle s'irrite & remue toute la masse du sang, il ne faut pas douter que s'il se rencontre des impuretez dans le corps, elle ne les agite; & que de cette agitation il ne s'engendre quantité de vapeurs malignes qui montent au cerueau, où elles causent la Douleur, sans que les parties par où elles passent s'en ressentent; soit parce qu'elles n'ont pas beaucoup de sentiment, soit parce que les vapeurs n'y font pas seiour &

Pp ij

302 LES CHARACTERES qu'elles ne s'y amassent pas comm'elles font dans la teste.

Pourquoy toute l'A-

- Il y a encore icy vne chose à considerer la douleur fur la Douleur des parties, à sçauoir qu'end'unepar-core qu'il n'y ayt qu'un petit endroit qui sente le mal, neantmoins tout l'animal en est troublé, comme si la Douleur s'estoit respanduë dans l'Ame toute entiere. Mais quand on se souviendra de ce que nous auons dit tant de fois, que la Douleur est vn mouuement de l'appetit, & que l'appetit est vne puissance generale qui agite toute l'ame & qui gouverne tout le corps, on n'aura pas de peine à conceuoir pourquoy l'emotion de la douleur se communique à l'animal tout entier. Car pour ce qui est du sentiment que la cause du mal excite, il est borné à la partie blessée, parce que c'est là où ell'a fait son impression. Et c'est là aussi où la Douleur est plus grande, non seulement parce que l'alteration qui est le veritable mal, y est effectiuement; au lieu qu'il n'est dans dans l'Ame que par l'espece & l'image qu'elle s'en est formée; mais enco-

DE LA DOVLEVR CORP. 303 re parce que de trois choses qui concourent ensemble pour rendre cette Passion complete, à sçauoir le sentiment, le mouuement de l'Appetit, & le jugement de l'Imagination; il n'y a que les deux dernieres qui se trouuent dans cette douleur generale de l'Ame, & que toutes les trois sont reunies en celle qui se sent à la partie blessée. Aussi peut-on dire qu'ell'est la source où bouillonne la Douleur, & que ce qui s'en sent ailleurs n'en est que l'efcoulement & l'inondation.

La Douleur & la Triftesse abbattent & La Donruinent les forces, mais celle-cy le fait peu leur abbat à peu, & l'autre le fait promptement: Car la Tristesse les consume & la Douleur les dissipe : parce que la Tristesse étousse la faculté vitale & l'empesche de produire autant d'esprits qu'il est necessaire pour la persection des sonctions de la vie; & comme ils diminuent tousiours peu à peu, le corps s'affoiblit aussi à proportion. Mais la Douleur irrite cette faculté & luy fait pousser les esprits auec tant de violence &

Pp iii

304 LES CHARACTERES en si grande quantité, qu'elle ne peut ny les r'appeller ny les reparer : D'où vient qu'ils se perdent & causent des deffaillances & des syncopes, comme nous auons dit, ou laissent dans les parties vne langueur pareille à celle qui succede aux grands trauaux & aux violens exercices. Il y a neantmoins cette difference, que la Foiblesse que cause la Douleur est plus longue & plus dangereuse; parce qu'elle est chagrine & qu'elle ne peut pas se releuer si tost que celle qui vient du trauail. La raison en est que la contraction du cœur qui accompaan gne tousiours cette Passion, & qui s'est mesme augmentée par la lassitude de la facul-té naturelle, empesche la reparation des esprits, comme nous auons dit, & rend la foiblesse chagrine, plus longue & plusperilleuse. Au lieu que la foiblesse qui vient du trauail est tranquille & n'a rien qui s'oppose à la generation des esprits qui peuuent releuer promptement les forces abbatuces. Mais quelle qu'elle puisse estre, si elle dure long-temps, ell'abbrege & accourcit la vie, puisqu'ell'en destruit les fonde-

DE LA DOVLEVR CORP. 305 mens, comme il est aisé à juger.

Le Pouls de la Douleur est grand, vehe- quel est le ment, frequent & viste, à cause de l'irrita- Pouls de tion de la faculté vitale qui augmente la la Douchaleur du cœur, qui agite les esprits & qui fait effort pour en produire de nouueaux. C'est pourquoy elle fait faire de plus grands & de plus prompts mouuemens au cœur, tant pour allumer la chaleur naturelle & exciter les esprits, que pour attirer plus d'air & pour chasser les fumées qui sont alors plus abondantes qu'elles n'estoient auparauant. Mais outre cela le Pouls y est dur, parce que la substance du coeur & des arteres se resserre & s'affermit pendant que leurs cauitez s'ouurent & s'eslargissent. Car comme la Douleur consiste dans la contraction de l'Appetit fensitif & dans le fouleuement de l'Appetit naturel, l'Ame dilate les cauitez du cœur 80 des arteres pour satisfaire au mouue ment de la faculté naturelle, & en resserre la fubstance, pour seconder la contraction que souffre la sensitive comme nous avons dit cy-deuant.

Que la Douleur oste le sentiment de tous les biens; qu'ell'en rende la jouyssance importune; qu'elle rende la vie chagrine & ennuyeuse; qu'elle fasse hayr les compagnies & les autres diucrtissemens; qu'elle oste l'appetit & le sommeil; ce sont des effets qu'ell'a communs auec la Tristesse, dont nous auons desia parlé aux discours precedens: et nous n'auons rien à y adiouster sinon que la Douleur fait tout cela plus puissamment que la Tristesse, parce que l'Ame y est plus allarmée & qu'ell'a vn plus dangereux ennemy qui la presse, comme nous auons dit ailleurs. De sorte qu'il ne nous reste plus rien à examiner, que la maniere de s'exprimer dont se sert la Douleur; et la fievre qui luy suruient ordinairement.

Pour ce qui est du premier qui consiste prime en en ces façons de parler sigurées es hyperboliques termes qui sont ordinaires dans la Douleur; on pourroit dire que l'on represente les maux pour exque l'on sousser par des expressions plus pliquer sa fortes asin qu'en les faisant ainsi paroistre pouleur.

DE LA DOVLEVR CORP. 307 grands, ils donnent dauantage de compation; rarce que ce n'est pas vn petit soulagement que d'estre plaint, tant par l'asseurance que l'on a d'estre aymé de ceux qui nous plaignent, que par l'esperance du secours que l'on en attend. Car puisque le motif secret que la Nature inspire dans la Douleur & dans la Tristesse, est de demander secours, & que c'est pour cela que l'on crie, que l'on gemit, que l'on se plaint; le recit des peines que l'on endure, tend sans doute à la mesme sin. Mais outre cette raison, il y en a vne autre qui est plus physique & qui est tirée de la nature de la Douleur.

Pour la mettre en son iour, il faut se refsouvenir que cette Passion n'a point de differences essentielles qui la puissent diviser en d'autres especes; rarce que la contraction de l'Ame où consiste son essence, ne se fait que d'vne seule maniere: mais que celles qu'on luy donne sont tout à fait accidentelles & estrangeres, & sont prises du suiet, de la cause & des circonstances qui l'accompagnent. Or comme l'essence de la

Qq

Douleur est inconnuë & principalement au peuple qui est depositaire & le maistre des paroles, il ne faut pas s'estonner s'il n'a peû trouuer de mots propres pour exprimer sa nature, & s'il a esté contraint d'employer ceux qui sont particuliers aux autres maux & de les appliquer à celuy-cy; lequel estant vn des plus grands qu'on puisse auoir, s'est approprié aussi le nom de ceux que l'on croit les plus fascheux. Et c'est de là que dans les violentes Douleurs on dit souvent que l'on est mort, que l'on se meurt, qu'on est à la gesne, à la torture, dans les tourments & autres semblables.

Voila pour ce qui regarde la façon de parler de la nature de la Douleur. Quant à ses differences comm'elles sont en plus grand nombre, il y a aussi plus de diuersité dans les expressions dont on se sert: On peut neantmoins les ranger en deux ordres. Car les vnes marquent la nature & la qualité des causes qui produisent la Douleur: Les autres expriment la maniere dont elles agissent. Generalement parlant, les premieres se font par des termes propres &

DE LA DOVLEVR CORP. 209 qui conviennent à la nature & à la qualité des causes. C'est ainsi que l'on dit que l'on sent vne Douleur aigue, picquante, tranchante, & ainsi des autres differences que nous auons marquées cy-deuant; parce qu'il est vray qu'il y a des choses qui percent, qui picquent, qui tranchent, &c. Mais pour celles qui designent la maniere dont les causes agissent, pour l'ordinaire elles sont metaphoriques & ne se rapportent à l'es-pece de la Douleur qu'indirectement & par des comparaisons qui la representent souuent plus grande qu'elle n'est. C'est ain-si que l'on dit que l'on se sent deschirer, tenailler, brifer, rompre les membres, &c. où il est certain qu'il ne se fait rien de tout cela: quoy qu'on pretende faire connoître par ces termes figurez la maniere dont l'alteration se fait dans les parties, & la grandeur de la Douleur qu'ell'y cause. La raison de cela vient de la difficulté qu'il y a à faire bien conceuoir aux autres le sentiment que l'on a de ces choses-là : Car outre qu'il n'y a point des termes propres pour l'exprimer; le mal que l'on sent ne

touche point ou fort peu, celuy à qui on le raconte. C'est pourquoy pour le luy faire coprendre, il faut le faire ressouuenir de celuy qu'il peut auoir resseti, ou dont il a d'ailleurs quelque connoissance, & se seruir par consequent de ces termes figurez que nous venons de marquer, qui luy representent la peine où l'on est par celle qu'il a soufferte ou qu'il croit estre fort grande. Elle n'est pas à la verité tousiours aussi violente qu'ils la font paroistre; mais si on en croit le malade, elle l'est encore dauantage, parce que le mal present semble tousiours extreme à celuy qui le souffre, & quelque souuenir que l'on ayt de la violence d'vne Douleur passée elle n'égale iamais celle que l'on sent, quoy qu'elle soit beaucoup moindre.

Ie ne sçay si on pourroit adiouster icy vne chose qui semblera ridicule quoy qu'elle soit fort remarquable, à sçauoir que dans toutes les langues la lettre L, se trouue presque en tous les mots qui expriment la nature & les essets de la Douleur Car dans la Latine il y a doleo, lugeo, plan-

DE LA DOVLEVR CORP. 211 50 fleo , ploro , lamentor , eiulo , lacrymor , & c dans la Grecque αλγέω, λυπέω, κλαίω, ίαλέμως, &c. il y en a encore dauantage dans l'Hebraïque & dans la Tudesque & par consequent dans les autres qui sont deriuées de ces langues matrices. Or comme il n'y a pas d'apparence que le seul hazard ayt fait entrer cette lettre en tant de mots qui se rapportent à vne mesme chose, on pourroit dire à mon aduis que cela est venu de ce que la plus-part des mots & principalement ceux qui designent les Passions, ont esté formés conformement aux mouvemens dont l'Ame est agitée; parce que l'Ame faisant mouuoir les organes conformement à l'estat où elle se trouue, elle donne à la voix de differentes prononciations qui expriment & representent en quelque sorte les sentimens qu'ell'a & les agitations qu'elle souffre. Comme la Douleur est donc vne Passion où l'Ame se sent foible & lâche, & où le cœur s'attendrit, il faut pour representer ces dispositions, que dans les

mots dont elle se sert, elle y employe des voix dont la prononciation soit molle &

Qq iij

lâche; et comme les Larmes & les Plaintes sont les principaux & les plus ordinaires effets de cette Passion, ces lettres doiuent estre du rang de celles qu'on appelle Liquides, où la voix n'est pas étouffée soubs les organes comme sont les lettres muettes, mais qui s'eschappe dans les destours qu'elle prend & qui a vn cours ondoyant comme l'eau qui se respand d'vn costé & d'autre, quand ell'est arrestée: Or de toutes les liquides il n'y en a point dont la prononciation soit plus foible & plus molle & qui represente mieux le cours des Larmes & des Plaintes que celle dont est question. En effet, ceux qui ont la langue trop humide comme les enfans & ceux qui sont yvres, changent tousiours l'R qui est la plus forte de toutes les consones en L, & le psellisme qui est le nom que la Medecine a donné à ce deffaut n'arriue que par la foiblesse des muscles de la langue. D'ailleurs si on considere que la prononciation de cette lettre se fait quand la voix qui est arrestée par l'extremité de la langue en frappant mollement le palais, se DE LA DOVLEVR CORP. 313 respand dans les cauitez des jouës, où elle flotte & ondoye comme l'eau qui est agitée; on verra bien que de toutes les consones il n'y en a point qui represente mieux le cours des Larmes & des Gemissemens, & qu'enfin c'est la plus foible & la plus coulante de toutes.

La Fieure suruient à la Douleur, non pas en tant que Douleur; car outre que la La Dou-Douleur deuance la Fievre de beaucoup la Fievre. de temps; il y a de tres-grandes douleurs, & celles mesmes qui au rapport de Pline ont passe dans tous les siecles pour les plus violentes, à sçauoir la Douleur de teste, d'estomach & de la grauelle, qui sont ordinairement sans fievre. Elle suruient donc à la cause de la Douleur & particulierement à l'Intemperie & à la Solution de continuité. Car quoy que la Tension produise d'aussi viues & d'aussi fortes Douleurs, qu'elles, comme il arriue dans les coliquesnephritiques & venteuses, neantmoins elle n'a pas accoustumé d'exciter la Fie-vrc.

314 LES CHARACTERES Pour trouuer la raison de cette diffe-

rence, il faut premierement considerer que la Fievre ne paroist que long-temps apres que l'Intemperie & la Solution de conti-nuité sont faites, & que la Douleur s'en est ensuiuie; parce que la Fievre est vn mouuement de la faculté naturelle qui est irritée, comme nous allons monstrer; et que cette faculté ne se meut & ne se soûleue contre le mal que quelque temps apres qu'on le ressent. Or comme l'Intemperie & la Solution de continuité destruisent tout à fait la constitution naturelle des parties, & que la Tension n'est qu'vn acheminement & vne disposition à la Solution de continuité; cela est cause que la Nature ne s'allarme pas tant de celle-cy, & ne fait pas de si grands efforts contr'elle que contre les autres. C'est pourquoy ell'y excite rarement la Fievre; au lieu que dans les deux premieres, si peu considerables qu'elles soient par leur grandeur ou par la noblesse de la partie qui les souffre, elle ne manque presque iamais de l'allumer & de la rendre souvent tres-violente.

L'ordre

DE LA DOVLEVR CORP. 315

L'ordre qu'elle tient donc en ces rencontres, c'est qu'apres que la connoissance de ces deux maux est descenduë iusqu'à elle, ell'enuoye des esprits à la partie blesse pour la fortisser & pour chasser l'ennemy: et si le desordre est si grand que ce secours ne sufssie pas pour le dissiper, elle fait son dernier essort & ramasse toute la chaleur naturelle dans le cœur, elle l'irrite & la rend mesme plus sorte & puis elle la respand par tout le corps; et c'est ce que nous appellons la Fievre, qui est vne maladie si on regarde les sascheux accidens qui l'accompagnent; et vn remede si on considere le dessein & la sin que la Nature se propose.

Ce que c'est que la Fievre, & comment elle se forme.

O v s voila engagez à parler de la nature de la Fievre, puisque nous auons promis de monstrer que ce n'est qu'vn mouuement de la faculté naturelle. Et certainemet il n'y a point de lieu où nous puissions plus raisonablement nous acquitter de cette pro-

messe que celuy-cy: Car quoy que nous ayons desia touché à cette matiere au Chapitre de la Hardiesse, & que nous ayons ietté les fondemens de cette opinion en diuers endroits de cét Ouurage ; il est certain que l'examen en appartient particulierement à cette Passion, puisqu'il n'y en a point qui excite si souuent la Fievre que la Douleur: Et que si nous perdons cette occasion, nous n'en pourrons peut-estre iamais trouuer de plus fauorable pour découurir vne verité si necessaire à nostre dessein, si importante à la vie des hommes & si vtile à la Medecine. Il ne faut pas pourtant que le Lecteur attende de nous que nous l'allions ietter dans les longues & fascheuses difficultez dont les Autheurs ont embarrassé cette matiere, vne seule decidera la question.

Apres auoir donc presupposé comme vne chose constante & connuë de tout le monde que la Fievre est vne chaleur excessiue & extraordinaire, qui s'allume dans le cœur & qui se respand par tout le corps, & qui mesme, si l'on veut, blesseles actions

DE LA DOVLEVR CORP. 305 de la vie. Il est question de scauoir si cét excez de chaleur est produit par quelque feu estranger ou si la Nature le peut produire elle-mesme

L'opinion commune veut qu'il se fasse par vne cause estrangere qui avt la vertu d'eschauffer, & quoy qu'ell'en compte de cinq fortes qui ont ce pouvoir-là; elle dit neantmoins que la principale & la plus ordinaire c'est la Pourriture; et que les vapeurs qui s'éleuent des humeurs qui se corrompent & se pourrissent venant à monter au cœur l'eschauffent & l'enflamment, & causent en suite toutes les fievres dont nous sommes ordinairement attaquez. Car hors les fievres hectiques, les ephemeres & quelques vnes que l'Escole appelle synoques qui sont tres-rares, toutes les autres viennent comme l'on dit, de la Pourriture.

Mais il y a bien des choses à dire contre La Pour cette hypothese. Premierement, il fau-nturen'est droit que la vapeur qui eschausse le cœur se de la fust non seulement plus chaude que luy, Fievre. mais encore qu'ell'eust autant de chaleur qu'en a tout le corps dans la plus grande

318 LES CHARACTERES ardeur de la fievre, puisque c'est d'elle que vient toute cette chaleur estrangere; si la supposition est vraye. Or il n'est pas vraysemblable que l'humeur qui se pourrit & dont la vapeur est si chaude, peust estre en vn endroit du corps sans se faire refsentir durant la Fievre, & auant mesme qu'elle se soit allumée : Car il n'y a pas d'apparence qu'elle n'acquiere cette grande chaleur qu'au moment qu'elle exhale ses vapeurs au cœur, il faut qu'elle l'ait euë auparauant & dés le temps qu'ell'a commencé à se pourrir. Cependant on n'a iamais remarqué aucune partie du corps où l'on ayt ressenti la chaleur des humeurs qui se pourrissent & qui ont allumé les Fievres que l'on appelle Essentielles. I oun sour superior

Mais si ce que Galien a dit est veritable, qu'il ne se peut rien former dans le corps qui soit si chaud que le cœur, & que l'experience mesme nous ayt appris qu'il n'y a point de tumeurs exterieures quelques enflammées qu'elles soient qui ayent tant de chaleur que luy; comment se peut-il faire que la vapeur qui sort de ces tumeurs ou DE LA DOVLEVR CORP. 319 de quelqu'autre pourriture qui se soit saite dans le corps, eschausse vne partie qui est

plus chaude qu'elle.

Apres tout, la Pourriture ne se fait que par vne chaleur moderée & les choses qui se pourrissent n'en peuuent souffrir d'autre: Car si ell'estoit plus grande, elle dissiperoit trop tost l'humidité & empescheroit · la putrefaction : C'est pourquoy l'ardeur de la Fievre ne peut venir de la Pourriture & ne sçauroit compatir long-temps auec elle. On a beau apporter l'exemple du fiems qui s'eschauffe en se pourrissant : car outre que cette chaleur n'égale ou du moins ne surpasse pas celle du cœur, elle ne vient pas de la Pourriture non plus que celle des herbes & des fleurs qui sốt entassées & presfées; маіs des fels vegetaux & volatils qui s'exhalent & qui sont arrestez. Car le fiems qui n'est point entassé ne s'eschauffè point quoy qu'il se pourrisse, & mesme il n'y a guere que celuy des cheuaux qui mangent de l'orge ou de l'auoine qui s'eschauffe ainfi, tous les autres pourrissent sans prendre aucune chaleur qui soit considerable. Rr iii

Mais quoy! les humeurs pourries sont chaudes & on les sent telles au toucher: il est vray, mais c'est à cause des esprits qui sont meslez auce elles: Car si elles l'estoient d'elles-mesmes, elles paroistroient toûjours chaudes en quelque estat qu'elles sussent comme l'eau qui est eschaussée. Cependant le corps d'un homme qui vient de mourir d'une Fieure ardente, qui est tout plein de bile corrompuë & qui marque par sa puanteur quel est l'excez de la pourriture, bien loin d'estre chaud, est froid au toucher.

D'ailleurs, n'y a t-il pas des maladies où les humeurs sont corrompues sans qu'il y ayt de Fievre? au contraire, n'y a-t-il pas des Fievres tres-violentes sans aucune marque de pourriture? En effet, la Fievre ne s'allume iamais dans toutes les especes de Ladrerie. Comment est-il possible qu'vne si grande corruption, qui est respandue dans toutes les veines & qui gaste mesme la substance du soye, n'exhale point de vapeurs au cœur qui soient capables d'y exciter la Fievre? Comment se peut-il faire qu'il n'en sorte point de toutes ces humeurs corrom-

DE LA DOVLEVR CORP. 321 puës que la Nature separe de la masse du fang & qu'elle tire du fonds des veines pour les ietter sur le cuir, & qui causent tant de pustules malignes & purulentes dont le corps est quelquesois tout couvert sans que la Fievre y paroisse. D'vn autre costé que sçauroit-on dire de ces Fievres malignes où il n'y a aucune marque de pourriture, sinon qu'il y a vne corruption secrete & cachée : Mais ce n'est pas là vne raison, c'est vne divination. Et si on la fonde sur l'apparence qu'il y a que puisque la Pourriture est la cause des autres Fievres, elle le doit estre aussi de celles-cy; on pourra dire plus vray-semblablement, que puisqu'il y a des Fievres qui ne viennent point de Pourriture, celles-cy où il ne s'en voit aucune marque, peuuent estre de ce nombre-là

D'ailleurs, comment se peut-il faire que la bile qui fait les eresypeles ne cause point de Fievre quand ell'est dans les veines, mais seulement lors qu'ell'en sort & qu'elle se. iette sur quelque partie exterieure? N'estoit elle pas corrompue auant que de sortir, puisque la Nature ne la chasse que pour ce suiet? Ne sumoit-elle point auparauant, lors qu'ell'estoit en vn lieu plus chaud & plus ample? N'estoit-elle pas plus proche du cœur pour luy communiquer cette exhalaison maligne qui le doit enslammer?

On en peut dire autant de l'humeur qui cause les accez des Fievres intermittentes; car si elle sort en ce temps-là hors des vaisseaux, comme ils disent, c'est vne merueille qu'elle n'ayt pas excité la Fievre auparauant; puis qu'elle ne sort que parce qu'ell'est corrompuë; mais c'en est encore vne plus grande qu'elle l'allume & l'entretienne apres qu'ell'est sortie, estant alors en vn lieu moins ensermé, moins chaud & plus essoigné du cœur.

Ie voudrois bien demander pourquoy les Fievres sont plus grandes dans les iours critiques & dans la vigueur & l'estat des maladies? est-ce que la Pourriture y est plus grande? cependant ce n'est pas elle qui fait les Crises, c'est la Nature toute seule. Et dans la vigueur des maladies qui se doiuent guerir, les humeurs ne sont pas si corrom-

puës

DE LA DOVLEVR CORP. 323 pues, puisqu'elles sont corrigées par la coction que la chaleur naturelle en a faite. Pourquoy enfin il se trouue des Fievres qui cessent tout à coup, lors que le malade est en plus mauuais estat, & que la mesme Pourriture qui les y auoit causées y est encore, & y est mesme vray-semblablement plus grande.

Il y a cent autres raisons que l'on pourroit apporter pour destruire cette opinion; mais celles-cy suffisent pour conclurre que la Pourriture ne produit point essectiuement la Fievre, & que ce n'en est que l'occasion non plus que les autres causes que l'on en a données. Car quand la Nature sçait que les humeurs sont alterées ou corrompues, ou que les parties sont diuisées, ou qu'il y a quelque autre desordre considerable dans le corps, elle se soûleue & sait effort pour le corriger ou pour le chasser.

Certainement qui considerera bien ce La Colere qui se passe dans la Colere où l'Ame irrite sonte de & augmente la chaleur du cœur, où ell'agi-se vre. te & soûleue tous les esprits & toutes les

324 LES CHARACTERES humeurs qui sont dans les veines, iugera sans doute que c'est vne sorte de Fievre. ou du moins que c'en est vne image tresparfaite. Car outre que le mesme trouble de l'Ame, la mesme tempeste des esprits. les mesmes changemens de couleur, de pouls, de respiration, la mesme ardeur & la mesme inquietude se trouuent également en l'vne & en l'autre. Il est certain que ce que l'iniure est à l'égard de la Colere, l'alteration du corps l'està l'égard de la Fievre; c'est à dire que comme l'iniure n'eschauffe point le cœur, qu'elle n'agite point les esprits, qu'en yn mot, elle n'est que l'occasion & le motif de la colere; L'alteration du corps n'en fait pas dauantage dans la Fievre & n'en est que l'occasion & la cause motiue. De sorte que s'il est veritable que c'est l'Ame seule qui excite la Colere, & qu'elle ne l'excite que parce qu'elle sent l'iniure & qu'elle la veut repousser, il s'ensuit qu'il n'y a qu'elle aussi qui allume la Fievre, & qu'elle ne l'allume que parce qu'elle sent l'alteration du corps, & qu'elle

la veut dissiper. Mais parce que la Colere

DE LA DOVLEVR CORP. 325 se forme dans la partie sensitiue, & que la Fievre se fait dans la naturelle, on peut dire que la Colere est la Fievre de l'appetit sensitif & que la Fievre est la colere de l'appetit naturel. Mais auant que de proposer les Observations particulieres qui peuvent confirmer ces veritez, il faut bien establir le Principe que nous venons d'auancer.

Quelque connoissance que les choses viuantes puissent auoir, elle n'est destinée L'appetit que pour poursuiure le bien qui leur est de tous les propre, & pour suir le mal qui les peut moune. destruire. Et dautant que pour poursuiure mens. & pour suir il faut se mouvoir; il a fallu qu'en tous les diuers ordres de l'Ame, il y ait eu vne partie connoissante & vne partie mobile que l'on nomme appetit. Or comme il ya trois sortes d'Ame, l'Intellectuelle, la Sensitiue & la Vegetatiue, chacune a sa connoissance particuliere, chacune a son appetit propre. La volonté est l'appetit de l'Entendement, l'appetit sensitif l'est de l'I-magination, & l'appetit naturel l'est de l'Ame vegetatiue qui connoist à sa mode

Sfii

les choses qui luy sont bonnes & mauuai-

Tous ces appetits n'agitent pas feulement l'Ame dont ils font partie, ils meuuent encore le corps, & ont des organes propres pour cet effet. Les muscles sont les instrumens de la volonté & de l'appetit sensitif; les sibres qui entrent en la compo-sition de toutes les parties, le sont de l'appetit naturel; et par dessus tout cela les esprits sont les organes generaux qui seruent à tous les trois. Car ils s'agitent dans les mouuemens que cause la faculté naturelle aussi bien que dans les Passions qui se forment dans les plus hautes parties de l'Ame: et mesme comme les plus agissans d'entr'eux appartiennent à la faculté vitale qui a son siege dans le Cœur & qui est au rang des facultez naturelles, ils suiuent plussost les ordres de l'appetit naturel que ceux des deux autres, comme nous auons dit en la troisième partie de ce Discours.

Il n'y a donc aucun mouuement vital qui ne se fasse par quelqu'vn de ces appetits & par les organes qui leur sont propres:

DE LA DOVLEVR CORP. 327 Car non seulement tous les mouvemens volontaires & ceux qui seruent aux actions ordinaires de la vie le font par eux; mais encore toutes les agitations violentes & extraordinaires comme celles qui se font dans les Passions & dans les maladies. Ouv sans doute, c'est l'appetit naturel qui fait les crises des contractions involontaires des membres, les transports & les euacuations des humeurs, & cent autres symptomes qui se font auec violence : puisque toute la Medecine est d'accord que ce sont des effets de la nature irritée, c'est à dire de l'appetit naturel qui est la seule partie de l'Ame vegetative qui peut s'irriter, se mouuoir & faire mouuoir les parties qui Sont de son ressort. 12 34 : Stor il Bara 38

plus grande ou plus petite estenduë. l'Ao-Il faudroit encore parler icy du lieu où quel est le resident tous ces Appetits; mais il suffit de siege d'dire que leur principale demeure est dans le cœur, parce que c'est le centre de tout le corps & comme la metropole & le siege de l'empire où les ordres & les commandemens qui regardent la conservation de

Sf iii

328 LES CHARACTERES

tout l'estat se doiuent donner. Cela n'empesche pas pourtant que l'Appetit naturel ne soit respandu par tous les membres, & l'on peut asseurer qu'il y en a vn qui est general & comme le surintendant des autres, & que chaque partie en a vn qui luy est propre, dautant qu'il n'y en a pas vne qui ne connoisse ce qui luy est bon & mauuais, & qui ne se meuue conformement à son inclination sans attendre le secours des autres.

Car il faut remarquer qu'il y a des parties qui gouvernent & qui en ont d'autres fous leur iuridiction, comme le cerueau a les nerfs, le poulmon a ses vaisfeaux, le muscle a ses tendons & ses sibres, & ainsi du reste; et selon qu'elles ont vne plus grande ou plus petite estenduë, l'Appetit a aussi vn plus grand ou plus petit ressort. Quant aux parties qui sont simplement gouvernées, ce sont les particules qui entrent en la composition des autres. Selon cét ordre la faculté naturelle qui est dans les parties gouvernées a soin de les conserver sans attendre le secours de celles

qui les gouvernent, comme nous auons dit. Mais cela n'empesche pas que celles-cy ne leur inspirent tousiours quelque portion de leur vertu, & qu'elles ne les secourent puissamment, s'il leur arriue quelque desordre considerable. C'est ainsi que l'Appetit naturel qui est dans l'endroit du poulmon qui est viceré, trauaille de soy-mesme à le guerir; mais tout le poulmon se soûle-ue pour ayder à la partie malade & excite la toux pour chasser le mala C'est ainsi que chaque membre resserve ses sibres pour chasser ce qui incommode la moindre de ses parties.

De là il faut conclurre qu'il n'y a pass d'apparence que le cœur, qui est le roy de Le cœur tout le corps, qui entretient la chaleur na-soin de turelle & qui produit à tous momens des membres esprits pour les luy distribuer : que le cœur dis-ie, n'ait pas la mesme preuoyance pour tous les mêbres qui sont sous la direction, & que dans les desordres qui leur suruiennent il n'employe pas pour les dissiper, cette chaleur & ces esprits qui sont ses principaux ministres. Ne les enuoye t-il pas en

330 LES CHARACTERES

diuers endroits pour des choses de moindre importance, comme à l'estomach pour faire la digestion, au cerueau pour mediter? Ne les retire t-il pas dans les entrailles pendant l'hyuer & durant le sommeil, comme il les respand au dehors en esté & dans la veille. Quoy! il les irrite dans la Hardiesse & dans-la Colere pour vn mal qui n'est souuent que dans l'opinion & qui ne le regarde point; & il les laissera en repos à la presence d'vn mal qui corrompt effectiuement la constitution naturelle du corps, dont il est le Prince & le Protecteur. Non non, quand il y a quelque desordre tant soit peu considerable en quelque partie, il y enuoye des esprits du sang & des humeurs, comme nous auons dit. Et si cela ne suffit pas, il ramasse ses forces, il retire à soy la chaleur & les esprits qui estoient respandus d'un costé & d'autre, il les augmente melme par les efforts qu'il fait; et apres s'estre ainsi fortifié, il les fait marcher contre l'ennemy. Mais on peut dire que tout le corps leur sert de champ de bataille : Car quoy que ce secours soit destiné

DE LA DOVLEVR CORP. 331 destiné pour la partie malade & que l'action des esprits & de la chaleur naturelle y soient plus forte & plus apparente qu'aux autres: Neantmoins il est impossible que l'ardeur que le cœur s'est donnée ne se communique à tout le corps par les arteres qui y sont respandues, & qu'elle ne blesse les actions de tous les membres en alterant la temperature qu'ils auoient. Et c'est ce que nous appellons la Fievre, qui comme il est aisé de voir par ces raisons, est vn seu qui est allumé par la Nature mesme pour chasser ou pour consumer les maux qui suruiennent au corps.

Mais il faut appuyer cecy d'experiences & d'observations qui leuent le reste des doutes & des preiugez qu'on pourroit a-

uoir sur cette doctrine. The no serve with

Celle que l'on peut faire tous les iours mation. fur les tumeurs qui arriuent aux parties exterieures est toute seule capable de persuader cette verité. Car quelque amas d'humeurs qui s'y soit fait, quelque mauuaise qualité qu'elles ayent, quelque communi-

332 LES CHARACTERES cation qu'elles puissent auoir auec le cœ

cation qu'elles puissent auoir auec le cœur par le moyen des vaisseaux, elles ne causent la Fievre que lors que la tumeur se meurit & que le pus s'y fait ; & quand l'ouurage est acheué, la Fieure cesse auec la violence de la Douleur. Ce qui fait bien voir que c'est la Nature à qui seule appartient de cuire & de rectifier les humeurs. qui a excité la tempeste par les esprits qui sont accourus à la partie, & qui la fait cesser en les renuoyant à leur source. En effet, on ne sçauroit douter que les esprits. ne se messent auec les humeurs qui secuisent, puisque si l'on ouure les tumeurs auant qu'elles soient meures, la coction en est retardée & empeschée; et que si l'on fait sortir tout d'yn coup la matiere des grandes tumeurs, on tombe en deffaillance, ce qui endo ine peut arriver que par la fortie & par la moiton diffipation des esprits. Or si la Nature agit fur les humeurs qui sont enfermées au dedans des veines, comme elle fait sur celles qui font aux parties exterieures, selon le sentiment de Galien & de tous les Medecins, ne faudra t il pas confesser que puif-

DE LA DOVLEVR CORP. 333 qu'elle ne cause la Fievre que lors qu'elle entreprend la coction de celles-cy, & que cette Fievre est vn pur effet de l'agitation qu'elle se donne, c'est vne necessité que toutes les Fievres où les humeurs sont alterées ou corrompues soient excitées par la Nature mesme. On abeau dire que l'humeur qui se cuit est pourrie, & que les vapeurs qu'ell'enuoye au cœur y causent la Fievre. Car outre ce que nous auons dit cy-deuant il n'y a pas d'apparence qu'vne si petite portion d'humeur, quelque vice qu'elle puisse auoir dans vne apostume qui sera par exemple au pied, puisse fournir assez de vapeurs pour allumer le feu dans le cœur qui en est si esloigné. Et qui pourroit croire que dans les playes de teste, où souuent il y a si peu d'humeur corrompuë & où l'on peut dire que quelquefois il n'y en a point du tout, la Fievre vienne de la Pourriture; & que les crises qui y sont si regulieres y ameinent la Fievre par le moyen de la putrefaction तथा देखा रहे जा कि प्राथमिक faction

A propos des Crises, qui voudra consi-2. obser.

Tt ij

334 LES CHARACTERES

derer qu'elles sont presque tousiours accompagnées de la Fievre, & que ce sont des mouuemens de la Nature qui comme disent tous les Medecins s'esseue contre le mal pour le combattre & pour le chasser; sera contraint d'aduouer non seulement que cette Fievre-là est vn mouuement & vn moyen dont la Nature se sert pour arriuer à cette fin: Mais encore que tout autre accez de Fievre ne peut venir d'ailleurs & ne se fait point autrement. Car tout y est semblable, le frisson les commence également, l'ardeur qui vient apres pour l'ordinaire ne passe point vingt & quatre heures, & puis l'euacuation se fait en suite dans l'vne & dans l'autre. Mais ie dis bien dauantage, comme les Crises ne se font pas toûjours parfaitement & que la Nature reuient souuent aux prises contre le reste du mal en gardant l'ordre de certains iours qui sont affectez à cela: La mesme chose se fait dans les Fievres intermittentes. De sorte que le choix des iours critiques dependant absolument de la Nature, il faut que ce soit elle aussi qui choisisse ceux où les acDE LA DOVLEVR CORP. 335 cez des Fievres ont accoustumé de se faire & par consequent que ce soit elle qui cause tout le trouble & l'agitation qui s'y fait. En pourroit-on douter, puisque c'est elle qui fait auancer les crises & les accez lors qu'ell'est irritée par la quantité ou par l'acrimonie des humeurs? Car si cette anticipation vient d'elle, il faut que ce soit elle aussi qui attaque, qui agite & qui cause enfin tout l'orage.

Mais il ne faut que considerer le Trem- 3 obserus blement qui deuance les accez; car on ne peut douter que ce ne soit le commencement de la siévre, pusqu'il fait partie des mouuemens critiques. Cependant c'est vne chose certaine que c'est la faculté naturelle qui secouë les sibres des parties de la messme façon qu'elle secouë les ners dans la conuulsion pour chasser ce qui l'incommode: et la pluspart des Medecins ne sont pas de dissiculté de mettre ce Tremblement au rang des mouuemens conuulsis: de sorte qu'on peut conclurre de là que du moins c'est la Nature qui commence la Fievre.

Tt iij

336 LES CHARACTERES

On dit à la verité que c'est l'humeur pourrie qui se meut, & qu'en passant à trauers des parties sensibles, elle les picque & les irrite, d'où vient le Tremblement, & qu'ainsi le mouuement de cette humeur est le veritable commencement de l'accez & non pas la Nature. Qu'en esset le pouls paroist alors dur, petit & resserré, auant mesme que le tremblement arriue; et que cette sorte de pouls ne peut venir que de l'oppression que la vapeur de l'humeur agitée cause dans le cœur.

Mais sans examiner cette opinion qui reçoit mille difficultez, il est bien plus vraysemblable que cette sorte de pouls procede de la contraction du cœur & des arteres, & que ce qui se fait dans les parties exterieures où les sibres du cuir se resserrent dans le frisson, commence dans le cœur & dans les vaisseaux qui en dependent.

Et c'est en cela qu'il faut admirer l'art & la preuoyance de la Nature, qui mesnage ses essorts auec ordre & selon la grandeur du mal qu'ell'a à combattre. Car auant que d'enuoyer contre luy les esprits qui sont

DE LA DOVLEVR CORP. 337 ses principales forces, elle retire au centre du corps ceux qui sont aux parties exterieures pour se fortifier, d'où vient le froid que l'on y sent; et en mesme temps elle resserre pour le mesme dessein les fibres du cœur & des arteres, ce qui rend le pouls dur, petit & resserré. Puis apres elle fait la mesme chose dans les autres visceres où d'ordinaire le mal est caché, & par la contraction qu'elle fait faire à leurs fibres, les humeurs qui y seiournent sont presses & contraintes de sortir & de se respandre dans les cauitez voisines, d'où viennent les baaillemens, la foif, les vomissemens & les flux de ventre & d'vrine. Et comme elle voit que cela ne suffit pas pour chasser l'ennemy, elle secouë les fibres de la peau & y cause ce mouvement que les Medecins appellent Horreur: enfin elle secoueles fibres des muscles, d'où vient le Tremblement de tous les membres. Apres quoy elle irrite la chaleur naturelle & fouleue tous les esprits comme ses dernieres & principales troupes qui doiuent acheuer le combat & remporter la victoire : Et c'est fteffe

338 LES CHARACTERES ce qui fait l'ardeur que l'on sent par tout le corps, & qui s'appelle communement la Fievre.

Ce n'est pas que la Nature employe tous ces efforts contre toute sorte d'ennemis, il y a des Fievres qui commencent d'abord par la chaleur comme les ephemeres ; il y en a où l'on ne sent que le froid, comme les quotidiennes & les derniers accez des autres Fievres ; il y en a aussi où le tremblement se fait, comme aux tierces où il est plus violent, & aux quartes où il est plus long: il y a mesmes des frissons & des tremblemens qui ne sont suiuis d'aucune chaleur comme en quelques indigestions & quand le froid saisit le corps. Et touté cette varieté vient de la connoissance qu'a la Nature de la foiblesse ou de la force du mal, & de la facilité ou difficulté qu'elle croit auoir à le chasser, comme il est aisé à iuger.

Or ce qui doit persuader que tous ces mouuemens se sont par la Nature, c'est qu'elle les sait toute seule en d'autres rencontres de la mesme maniere & pour la fin que dans les Fievres. Car dans la Tristesse

DE LA DOVLEVR CORP. 339 stesse le pouls est dur, petit & resserré par la contraction qu'elle cause dans le cœur & dans les arteres, comme nous auons dit. Cela paroist encore dauantage dans la Peur, qui outre cela cause des flux de ventre & d'vrine, & fait trembler tout le corps parce qu'elle fait resserrer les fibres des visceres & des muscles, comme nous monstrerons plus amplement au Chapitre de cette Passion. En tout cas, il n'y a point là d'humeur qui puisse estre accusée de picquer les parties sensibles, & tous ces accidens ne sont que les mouvemens que l'Ame sçait qu'il faut faire pour se sortisser & pour s'opposer aux maux dont ell'est menacée. Mais ce lieu ne permet pas que nous nous estendions dauantage sur ce suiet, c'est assez d'en auoir marqué le principe auec lequel on peut resoudre plus facilement & plus raisonnablement toutes les difficultez, que par les opinions communes. Reprenons le fil de nostre premier discours.

Nous pourrions adjoufter aux raisons precedentes, que les Fievres sont plus gran- 4. Obser 340 LES CHARACTERES des quand les humeurs sont digerées & prestes à sortir, comme elles sont dans la vigueur des maladies; et que leur vehemence est proportionnée à la force de la chaleur naturelle & à l'abondance des esprits, d'où vient qu'elles sont plus violentes & plus frequentes dans les ieunes-gens que dans les vieillards, & dans les hommes que dans les autres animaux qui n'ont ny tant de sang ny tant d'esprits qu'eux. Car quoy qu'on puisse tirer de là vne preuue certaine que la Fievre se fait par la Nature, nous ne voulons pas nous en seruir, & nous nous contentons d'en adjouster aux precedentes vne seule qui nous semble demonstrative de cetteverité... . par pontoc sa nail

C'est qu'il y a des maladies tres-danges sobsern reuses, où la Fievre cesse tout à coup sans tirer le malade du peril où il est; car il demeure quelques iours en cét estat, & tres-rarement euite-t-il la mort apres cela. Or il est indubitable que cette cessation vient de ce que la Nature ne fait plus d'essort contre le mal & est contrainte d'abandon-

DE LA DOVLEVR CORP. 341 ner le combat qu'ell'auoit commencé. De sorte que si la Fievre paroît quand elle l'attaque, & qu'elle cesse quand elle cesse de l'attaquer, il y a necessité de croire que la Fievre n'est autre chose que l'effort & l'agitation que la Nature se donne pour chasser les maux. Mais ce n'est pas dans ces seules rencontres, où elle quitte ainsi le combat, il y en a cent autres où elle fait la mesme chose, quoy que ce ne soit pas toùjours auec le mesme peril. Combien y a t-il de crises qu'elle tente, qu'elle commence & qu'elle ne termine point? Combien y a t-il de playes qu'elle abandonne sans y enuoyer plus d'esprits ny d'humeurs & qui pour ce suiet perdent la couleur, la tumeur & la Douleur qu'elles auoient?

Enfin'ce qui acheue de me persuader & observer pleinement cette opinion, c'est la facilité qu'elle donne à trouver la raison des Fievres Intermittentes, que l'on met au rang des choses les plus cachées qui soient dans l'vnivers. Car supposé que la Nature se soulleue & s'agite pour attaquer le mal, il est

Vu ij

342 LES CHARACTERES

certain que si elle ne le peut vaincre dans vn seul assaut, & qu'il ne soit pas si pressant qu'il la doine tenir continuellement soubs les armes, en vn mot qu'il luy donne temps pour respirer, elle retourne à la charge apres s'estre reposée; de la mesme façon qu'elle fait dans les Crises qu'elle reitere fouuent cinq ou fix fois dans vne mesme maladie, quand les premieres n'ont pas épuisé entierement la cause du mal. Elle fait donc la mesme chose dans les Fievres. n'ayant peu chasser le mal aux premiers accez, ell'en excite d'autres & mellant toûjours le repos au trauail, elle continuë iusques à ce que le mal soit tout à fait dissipé. De forte que selon qu'il est plus ou moins difficile à surmonter, elle fait aussi plus ou moins d'attaques; c'est pourquoy les Fievres bilieuses se terminent en moins d'accez que les pituiteuses & les melancholiques, parce que la bile se digere plus facilement que la pituite ou la melancholie, controlle

Or il faut remarquer que les humeurs qui excitent les Fievres intermittentes ne sont pas dans les grands vaisseaux, & par

DE LA DOVLEVR CORP. 343 consequent n'estant pas en vn lieu si important ny qui fasse craindre vn si grand peril, elles ne pressent pas tant la Nature qui a temps de se reposer apres les auoir assaillies. Car on ne peut pas douter qu'el-le ne se lasse dans les essorts qu'elle fait, & qu'apres elle ne cherche le repos pour reparer ses forces. Pour l'ordinaire elle ne peut souffrir plus d'vn iour la peine d'vn grand trauail, & apres ce temps-là ell'est contrainte de se reposer; c'est pourquoy les crises, les redoublemens & les accez des Fievres se terminent ordinairement en vingt & quatre heures. Mais le repos qu'elle prend apres cela, est plus long ou plus court, selon qu'elle s'est plus ou moins las-sée dans l'attaque qu'ell'a faite. Or elle se lasse plus ou moins, selon qu'elle trouve plus ou moins de resistence, selon que l'ennemy est plus ou moins dangereux.

Car comme la Pituite n'est pas si essois gnée de la constitution du sang ny des principes de la vie que les autres humeurs, parce qu'ell'est humide & que celles-là sont seiches, & qu'elle n'est pas si agissante à

Vu iij

344 LES CHARACTERES cause de sa froideur, elle ne donne pas

cause de sa froideur, elle ne donne pas tant de soin ny de peine à la Nature & ne l'oblige pas à taire vn si grand effort ny à se reposer si long temps que les autres. C'est pourquoy les accez n'en sont pas si violens, & apres quelques heures de relasche, la Nature retourne à l'assaut, & attaque ainsi tous les iours.

Mais la Bile qui est seiche & actiue & qui est capable d'alterer en peu de temps les parties, la met plus en peine & luy fait faire de plus grands essorts pour la combattre. De là vient qu'elle ramasse & irrite dauantage la chaleur & les esprits, & cause vn plus grand frisson & vn plus violent accez. Apres cela aussi elle prend dauantage de repos, & veut auoir vn iour entier pour se remettre.

Enfin la Melancholie qui est tout à fait opposée à la vie estant froide & seiche, & qui est par consequent plus ennemie de la Nature & plus difficile à vaincre, la lasse bien plus que les precedentes, & luy fait prendre aussi deux iours entiers pour se delasser. Que si cette humeur acquiert

DE LA DOVLEVR CORP. 345 quelque qualité maligne qui luy donne plus de peine, ell'adiouste vn ou plusieurs iours à son repos & fait les Fievres quintaines & les autres qui reuiennent de sept

en sept & de neuf en neuf iours.

Ie sçay bien que l'opinion commune rapporte ces differens accez au mouuement particulier de ces trois humeurs, qui par vne proprieté specifique qu'elles ont, se meuuent elles-mesmes en certains jours. Mais si cela estoit, il faudroit contre l'experience, qu'apres la mort du malade, ou apres estre separées de son corps par quel-que moyen que ce sust, elles eussent encore les mesmes mouuemens, puisqu'elles sont les mesmes qu'elles estoient auparauant & qu'elles no peuuent perdre leurs proprietez specifiques. Outre que les Fievres quartes se changent quelquesois en tierces, & qu'il faut en ces rencontres ou que la melancholie se change en bile, ou qu'elle acquiere les proprietez specifiques de la bile, ce qui n'est point vray-semblable. D'ailleurs c'est la melancholie qui cause les Fieyres dont les accez reuiennent de 346 LES CHARACTERES cinq en cinq, de sept en sept ou de neuf en neufiours, comment a t-elle perdu là sa proprieté specifique? Il est donc plus à propos de reconnoistre la Nature pour cause de tous ces mouuemens, puisqu'ell'a en soy le principe qui la fait mouuoir, & qu'il y a d'autres occasions où elle se meut en certains iours & se repose apres, ainsi qu'el-

le fait dans les Fievres intermittentes, com-

me nous dirons en suite.

Mais il y a vne chose qu'on peut obiecter contre ce que nous auons dit cy-deuant, à sçauoir que les derniers accez viennent toûjours aux mesmes iours que les premiers, quoy que l'humeur soit alors diminuée & moins rebelle. Or il est certain qu'estant en cét estat la Nature ne doit pas auoir tant de peine à l'assaillir, & qu'elle n'a pas aussi besoin de tant de repos qu'au commencement, & par consequent la lassitude qu'elle sousser en peut estre la cause generale des interualles qui sont entre les accez; ou bien il faudroit contre l'experience, que l'ordre des iours se changeast sur la fin des Fievres.

Cette

DE LA DOVLEVR CORP. 347

Cette difficulté est bien plus difficile à resoudre dans l'opinion commune que dans la nostre. Car outre que nous pourrions rapporter cét effet à la coustume que la Nature a prise dans les premiers accez & qu'elle garde iusques aux derniers, ainsi qu'elle fait en plusieurs autres rencontres; il est certain que comme toute la connoissance qu'a la partie basse de l'Ame, qui certainement est grande & merueilleuse, est née auec elle & doit estre du rang de celle qui vient de l'Instinct, elle sçait par ce principe toutes les choses qu'elle doit faire, & connoist par consequent les hu-meurs qui l'incommodent, le temps où elle les doit attaquer & le repos qu'elle doit prendre en suite. De sorte qu'ell'a ses iours reglez pour chaque espece d'humeur; et la grande ou petite quantité où cette humeur peut estre, n'apporte aucun changement à l'ordre des iours qui luy ont esté prescrits. Parce que c'est vn ordre general qui deuoit auoir ses mesures certaines & constantes, & qui se deuoit par consequent regler sur l'espece de l'humeur qui est inuariable, &

Xx

348 LES CHARACTERES non sur la quantité qui est diverse & changeante. Mais cét ordre a esté fixé à certains iours sur le plus grand trauail que chaque espece d'humeur pouvoit causer à la Nature, & sur le plus long repos qu'elle devoit raisonnablement prendre apres. De sorte qu'il est tousiours vray que la lassitude & le repos qu'elle peut avoir, sont les causes des intervalles qui sont entre les ac-

ceż. 133 r 18 30 semi

Cela ne sera pas difficile à croire si on se souvient que la mesme chose se fait dans les Crises qui sont reglées à certains iours qui sont connus de la Nature, & qu'elle ne peut connoistre que par cette science insuse qui se remarque dans l'Instinct. Car elle ne manque iamais de se mouvoir en ces iours là & de se reposer en suite tout le temps qui est entre deux, sans que la quantité ou la qualité des humeurs qu'elle doit chasser apporte aucun changement à cét ordre-là. Elles peuvent à la veriré saire avancer ou retarder ses mouvemens, mais c'est toussours en gardant les mesures qui luy ont esté prescrites, tout de mesme qu'elle

DE LA DOVLEVR CORP. 349 elles font auancer ou reculer les accez sans

changer l'ordre des jours.

Ie sçay bien qu'il y arriue des irregularitez, & que les crises & les accez se font quelquefois en des jours extraordinaires, comme quand la crise se fait le sixième iour qui ne se deuoit faire que le septiesme; comme quand les Fieyres quartes se changent en tierces; comme quand les Fievres bilieuses ont leurs redoublemens en des iours pairs qui les deuroient auoir regulierement en des iours impairs. Mais toutes ces observations ne destruisent pas l'ordre qui a esté prescrit, elles font voir seulement le dereglement où la Nature tombe quelquefois par l'estonnement que sa foiblesse ou la grandeur du mal luy causent, en sorte qu'elle perd sa conduite ordinaire & s'abandonne à la violence de l'ennemy. Car non seulement elle n'obserue plus en cét estat les temps qui luy sont ordonnez pour l'assaillir; mais elle ne se sert pasmesme des moyens & ne prend pas la commodité des lieux qui sont necessaires pour cela: puisque souvent elle excite yne evacuation

Xx ij

350 LES CHARACTERES pour vne autre & qu'elle la fait par des voyes incommodes & dangereuses ou qui ne respondent pas à la source du mal. Aussi ne tombe-t-elle iamais en ces dereglemens, qu'elle ne soit en peril, & que les maladies ne soient mortelles ou tres-difficiles à guerir.

Aprestoutes ces raisons, nous pouuons asseurer que c'est la Nature qui allume la Fievre en ramassant la chaleur & les esprits dans le cœur & les enuoyant apres aux parties malades pour assaillir & combattre le mal. De sorte que c'est vn secours & vn remede qu'elle iuge necessaire & qui en effet dissipe souvent la cause des maladies. N'importe qu'elle cause de grands desordres dans le corps & qu'elle fasse souuet perdre la vie. Car il n'y a point de grand remede qui ne trauaille celuy qui le prend. La Toux n'est elle pas destinée de la Nature pour descharger les poulmons des humeurs qui s'y sont amassées ? cependant ell'ouure souuent les veines & fait sortir l'Ame auec le sang. La Crise qui est vn mouuement que la Nature fait pour chasser le mal, ne laisse pas

DE LA DOVLEVR CORP. 35F quelquefois de tuer le malade; enfin les Hommes meurent de la Fievre, comme les Enfans meurent de la Verole, nonobstant que ce soit vne euacuation necessaire & causée par la Nature. A la verité il le faut confesser, c'est vn Medecin qui se trompe dans ses cures aussi bien que les autres: quelquefois elle se haste trop dans l'vsage de ses remedes, & il seroit souvent plus à propos qu'elle laissast digerer peu à peu l'humeur dont elle craint le desordre, que de la vouloir chasser de force par la Fievre ou par quelqu'autre semblable mouuement. quelquefois aussi elle y est negligente, & laisse passer l'occasion d'employer ces moyens qui pourroient dissiper le mal si elle s'en seruoit quand il faut & comme il faut. Car l'apoplexie est presque toussours incurable faute d'vne Fievre excitée de bonne heure & auec violence; Il y a mesme des conuultions & des coliques qui se gueriroient, comme Hippocrate a remarqué, si la Nature se souuenoit d'y appliquer ce remede. Enfin elle s'en sert souuent quand il n'est plus temps & lors qu'elle n'a plus Xx iii

de forces ou que le mal s'est rendu indomptable. Mais comme les faultes du Medecin n'empeschent pas que les regles de la Medecine ne soient certaines, & qu'vn remede ne laisse pas d'estre bon de soy pour n'estre pas donné à propos; aussi les erreurs que la Nature commet dans l'vfage de la Fievre ne sont pas que la science & le pouvoir qu'ell'a de s'en servir n'ayent vn sondement raisonnable, & que ce ne soit de soy vn bon remede quoy qu'il soit donné à contre-temps.

C'est là ce que nostre dessein nous pouuoit permettre de dire de la nature de la

Fievre en general.

ERRATA.

| Page 65. | ligne 13. | aux animaux | lifez | à l'animal |
|-----------|------------|--------------|-------|---------------|
| Page 89. | ligne II. | conourrent | lifez | concourrent |
| Page 107. | ligne 19. | donnée | lifex | donné ? ? |
| Page 134. | ligne 15. | effacez. | des | donne |
| Page 137. | . ligne 6. | Hardieffe | lifez | Foibleffe |
| Page 150. | ligne 14. | causent | | |
| Page 177. | ligne 3. | en des | lifex | cause |
| Page 169. | ligne 18. | Baron | lifez | en de |
| Page 161 | ligne 7. | & la diuerf. | lifez | de la diueri. |

Extraict du Prinilege.

PAR Lettres patentes du Roy, il est permis au Sieur de la Chambre son Medecin ordinaire, de saire imprimerentelle marge & charactere qu'il voudra, le troissime de santiéme Volume des Characteres des Passions, où il est traité de la Nature & des Effets de la Haine & de la Douleur, auec dessences à tous Libraires, Imprimeurs & autres, d'imprimer, saire imprimer ny vendre ledit Liure durant le temps & espace de quinze années sans le consentement dudit Sieur de la Chambre sur peine de trois mille siures d'amande, conssication des Exemplaires, de tous despens dommages & interests, comme il est plus au long contenu essites Lettres de Privilege. Donné à Paris le 21. Avril 1692.